



WANTOK

Niuspepa bilong yumi ol PNG stret!

Wan Wik,

Epril 21 - 27, 2005

NAMBA 1605

K1.00 long Mosbi tasol -Ausait Mosbi K1.30



MOMIS TOK GUTBAI



OCEAN BLUE

**Tuna in oil
Rait teist
yah!**



- PNG kopi selsman bai wok long Amerika PES 25
- Stori bilong nupela Papa bilong Katolik Sios PES 2
- Ol pani stori bilong KANAGE PES 23

Nupela POP



"OL brata na susa, bihain long bikpela Pop John Paul 2, ol kadinel i makim mi - wanpela liklik wokman insait long gaden bilong God.
"Strong bilong God long wok na mekim samting i givim strong long mi, na antap long olgeta arapela samting, mi givim mi yet long ol prea bilong yupela.
"Insait long amamas long God i kirap gen, na bilip bilong mi long helpim bilong em oltaim, mipela i go het. God bai helpim mipela na Maria, Santu

mama bilong em i sanap wantaim mipela." Dispela em i namba wan tok-tok bilong nupela hetman bilong Katolik Sios long wol, Pop Benedict XVI (16), Joseph Ratzinger bilong Germany i go long wol bihain long ol kadinel i bin makim em long Trinde long bik moning.

- *Lukim moa stori bilong em long Pes 2*

30% OFF

ALL 2005 DIARIES



Only While Stocks Last!

THEODIST LTD
THE STATIONERY SUPERMARKET
Port Moresby - Waigani Drive
Tel: 325 6500. Fax: 325 0302
Lae - Milfordhaven Rd
Tel: 472 5488. Fax: 472 7838

Wol i gat nupela Pop

Neville Choi i raitim

LONG bikmoning long Trinde long dispela wik, ol kadinel bilong Rom i bin makim kadinel Joseph Ratzinger olsem namba 265 Pop.

Nem em i kism em Pop Benedict XVI (16).

Kadinel bilong Chile, Kadinel Jorge Arturo Medina Estives i bin kamaut long veranda bilong St Peter's Basilica na tok, "Mi tokaut long gutpela nius bilong amamas. Habemus papam! Mipela i gat nupela Pop!"

Sampela minit bihain, Pop Benedict XVI i kamap long veranda wantaim klos bilong Pop na toktok long ol planti tausien manmeri husat i wok long singaut i stap.

Em i kamap namba wan Pop bilong kantri Germany gen bihain long 1000 yia.

Bihain em i givim blessing bilong em long ol manmeri i stap long Rom.

Kadinel Ratzinger i bin wok long taim tru olsem prifek bilong Kongriksen bilong Doktrin bilong Faith o wasman bilong bilip. Planti i bin kolim em was dok bilong God bikos em i save sanap strong tru long ban-lisim Katolik bilip.

Em yet i tok pasin bilong man i laikim arapela man o meri i laikim arapela meri em i bikpela pekato tumas na ol arapela lotu i no strong tumas.

Pikinini bilong polis man

Mama bin karim em long April 16, 1927 long Markt Am Inn, Jemeni. Em i bin pikinini bilong wanpela polis man husat i kam long wanpela famili long Lova Bavaria. Ples Bavaria em i wanpela strongpela Katolik kantri.

Em i bin bikpela long Traunstein, klostu long boda bilong kantri Austria taim Adolf Hitler na ami bilong em i bin bosim Germany.

Ratzinger yet i bin rait olsem ol skul opisa bilong em i bin salim em i go long yut muvmen bilong Hitler, maski em i no laik taim em i bin 14 krismas tasol long 1941.

Tasol bihain taim em i stat long skul pater, ol i lusim em i go aut.

Long 1943 gavman i salim Ratzinger i go long ami na em i bin pait long wanpela anti-ekraf yunit long bihainim ol bom balus bilong ol Amerika na Gret Briten.

Em i ronawe lusim ami long 1945 na go bek long Traunstein we ol ami bilong Amerika i bin holim pasim em.

Long 1945 ol i lusim em i go fri. Long 1946 i go inap 1951, em i skul pilosopi na tioloji long Yunivesiti bilong Munik na wanpela arapela skul long Freising.

Em i kamap pater long 1951. Foapela yia



• Pop Benedict 16 i kamaut na givim blessing.

bihain em i kamap wanpela tisa bilong yuni-vesiti na em i tisa long 4-pela yunivesiti long Jemeni.

Long mun Mas 1977, Ratzinger i kamap Asbisop bilong Munik em Pop Paul VI yet i makim em. Em i bin holim dispela wok inap Novemba 25, 1981 taim Pop John Paul 2 i makim em olsem hetman bilong Kongreksen bilong Doktrin bilong Bilip. Em i bin holim dispela posisen i kam inap nau.

Ileksen bilong man i senisim John Paul 2 i bin kamap kila taim waitpela smok i kamap ausait long Vatican - dispela toksave long bipo yet olsem i gat wanpela nupela pop pinis. Bihain long en tasol, olgeta belo bilong Vatikan i bin pairap insait long St Peters Skwe long toksave olsem i gat nupela pop.

Planti tausien manmeri husat i wok long wet i stap i bin singaut taim ol i lukim waitpela smok i kamap long smok paip long haus lotu we 115 kadinel i bin sindaun long votim nupela pop.

Sampela manmeri i bin holim ol flek na singaut "Viva il Papa!" o "Longpela laip bilong Pop!"

Ileksen bilong Pop Benedict XVI i kamap long namba tu de bilong konklev. Ol i bin makim em bihain long tripela o 4-pela balot tasol. Sotpela taim bilong dispela balot i winim olgeta arapela ileksen long histri.

Nau Pop Benedict bai i mas tok kila sapos em bai bihainim lekmak bilong John Paul long raun lukim ol arapela kantri long wol. John Paul i bin mekim 104 raun olgeta long taim bilong em olsem Pop.

PNG Nunsio givim luksave

MAUSMAN bilong Pop long PNG Nunsio Asbisop Adolfo Tito Yllana taim em i tok amamas long nupela Pop we ol bin makim long bikmoning aste long Sistin Sapel long Vatikan i bin wokim dispela toktok.

"Mi bilip olsem dispela em i gutpela long makim Kadinel Joseph Ratzinger olsem nupela Pop bilong yumi husat bai karim nem Pop Benedict 16.

"Dispela em i gutpela sapta long histri bilong Katolik Sios long makim man olsem bikos em i sanap strong tru long bilip na em i wanpela strongpela bilip man. Sios i laikim dispela kain man.

"Na ol gutpela wok bilong em long sanap strong long bilip na lukautim strong ol samting we sios i sanap long en i bin kamap long ples kila taim e mi stap olsem Asbisop bilong Munik long Jemeni na long planti yia, taim em i karimaut wok long Vatikan olsem man i lukautim ol samting bilong sios na tu, bos bilong ol Kadinel.

"Dispela em i bikpela blessing we leit Pop John Paul 2 i givim yumi long en na i no pinis yet. Mipela wantaim ol Katolik Bisop bilong PNG na Solomon Ailan i bin wokim tok tenkyu misa lotu long bikmoning long Don Bosco taim mipela i harim nius olsem sios i gat nupela Pop," Nunsio i tok.

Katolik sios long PNG bai ofaim ol spesel misa lotu long tok tenkyu long nupela Pop.

Fainens dipatmen lonsim intanet sait

Andrew Molen i raitim


ROYAL Papua Niugini Konstabulari (RPNGC) long dispela wik i lonsim nupela odit komiti bilong ol.

Wok bilong dispela komiti em long lukautim na was long baset na ron bilong mani insait long RPNGC.

"Mi save olsem polis em i wanpela dipatmen bilong gavman we mipela i save yusim planti mani bilong gavman olsem na mi ting dispela komiti bai helpim long lukautim mani bilong dipatmen," Polis Komisina Sam Inguba i tok.

Em i tok dispela komiti bai was long ol rot bilong dipatmen long yusim mani bai ol i noken yusim planti tumas na ol i no inap long paulim.

Long wankain taim Seketeri bilong Dipatmen bilong Fainens na Tresari na siaman bilong dispela odit komiti, Thadeus Kambane i tok dispela komiti i kamap aninit long lo bilong gavman long we i karim toktok insait long Fainens Menesmen Ekt na i no kamap nating.



Momis tok gutbai

...sanap long Bogenvil ileksen

Neville Choi i raitim

BIHAIN long 33 yia insait long wok politiks bilong PNG, gavana bilong Bogenvil, John Momis i lusim na i go bek long ol pipel bilong em long Bogenvil.

Mista Momis, husat i bin go bek long Bogenvil aste i bin go na nominet long sanap long namba wan Otonomas Bogenvil ileksen we bai i kamap neks mun.

Nesenel Palamen i bin luksave long wok bilong Mista Momis long Tunde long dispela wik taim em i givim las toktok bilong em long tok tenkyu long olgeta manmeri husat i bin helpim em long wok bilong em.

"Olsem wanpela man husat i bilip olsem ol pipel i gat rait long makim bihain taim bilong ol long balot bokis na gutpela wok politiks, mi

lukim ileksen (namba wan Otonomas Bogenvil Gavman ileksen) olsem wanpela nupela salens.

"Dispela salens, mi pilim olsem mi mas traim.

"Olsem na mi risain long dispela bikpela haus long givim mi yet long ol pipel bilong Bogenvil olsem wanpela kendidet bilong opis bilong presiden bilong Otonomas Bogenvil Gavman," Mista Momis i tok.

Praim Minista Sir Michael i givim bikpela luksave long Mista Momis olsem wanpela man husat i bin i gat driman na visin bilong kamapim gutpela demokratik Papua Niugini.

Em i stori long palamen long taim em i bin bungim Mista Momis long Wewak taim em i wok long skul pater yet.

Sir Michael i tok taim Mista Momis i bin skul pater yet, em i bin gat tingting long kamapim PNG olsem wanpela demokratik kantri.

Gavana bilong Morobe, Luther Wenge i givim luksave long Mista Momis na tok olsem i nogat wanpela arapela memba i olsem

Mista Momis bilong wanem i nogat wanpela nem nogut long en insait long 33 yia em i bin wok olsem wanpela memba bilong Palamen.

Em i tok Mista Momis olsem em i wanpela memba husat i bin skul pater na bihain taim em i go long wok politiks, em i no lusim dispela pasin bilong sios.

"Ol sampela lain i kamap long politiks na lusim pasin bilong pater. Sem bilong ol dispela lain.

"Yu tasol yu soim pasin tru bilong pater. Yu stap memba bilong Bogenvil, yu no popaia. Ol pipel bilong Bogenvil i makim lida tru.

"Long toktok na pasin, yu em trupela man," Mista Wenge i tok.

Bipo praim minista na memba bilong Nesenel Kapitel Distrik, Sir William Skate i luksave long wok bung Mista Momis na arapela man husat bai resis long presiden long Bogenvil, Joseph Kabui i kamapim.

Tupela man wantaim i tok klia pinis olsem maski husat man i win, tupela bai luksave na kisim arapela long wok bilong Bogenvil.



Ol manki *Wantok* i bin soim kala bilong ol taim ol i bin ron long kar bihainim wanpela stilman husat i bin pulim bilum bilong wanpela meri long Sir John Guise Stadium, long Mosbi, las wik Sarere. Draiva i katim long ol liklik rot na abrusim ol narapela kar.

Ol manki opim dua bilong ka pinis na lek i hangamap ausait. Ol i banisim rot bilong ron-awe bilong dispela stilman, tasol ol narapela lain i holim pasim em. Ol ripot i tok olsem task fos bilong ol polis i bruk pinis, tasol i luk olsem ol i stap yet.

Toktok long polis na, taim wanpela wan wok, bilong mipela, wanpela waitman, i bin stat nupela, em i bin ronim kar i go daun long wanpela liklik rot long 6 Mail na bihain kisim bikpela rot na ron i kam long opis.

Taim em i bin kam ausait long kar bilong em long opis em i bin guria long lukim wanpela man, luk olsem em i no waswas, wantaim yunifom bilong polis, i kam ausait long wanpela narapela kar.

Dispela man i tokim em olsem em i wanpela polisman na em i bin bihainim em i kam long opis bikos em i bin brukim wanpela trafik lo taim em i bin bihainim dispela liklik rot long 6 Mail.

Polisman i bin tokim wan wok olsem dispela rot em i bin wan we rot. Wan wok i tok i no bin i gat wanpela sain we i toksave long dispela. Polisman i tok, i gat, tasol long hapsait maus bilong rot. Wan wok i tok, em i no gutpela bikos ol draiva i no inap save inap ol i kamap long dispela hap bilong rot.

Polisman i tok olsem wan wok i rong yet, tasol em i lus tingting long karim trafik infrinsmen buk bilong em, o buk we ol polisman i save yusim long sasim ol draiva i brukim ol lo bilong rot.

Long dispela mak bilong wan wok i save pinis olsem polisman bai giaman na askim long mani. Hariap tru em i tok, yumi i go stretim dispela hevi long opis. Polisman askim, wanem opis? Na wan wok bekim, opis bilong *Wantok Niuspepa*, mi save wok long hap.

Man, taim polisman i harim dispela, pes bilong em hangamap, klostu pas long graun. Tasol taim em i bin bihain wan wok i go insait long opis na lukim bos bilong mipela na wanpela narapela bod memba, bikpela man bilong Katolik Sios, tru tru pes i pas long graun, na olgeta strongpela tok-tok i pinis, na isi tasol em i toktok wantaim traipela smail long pes bilong em long wan wok.

Pinis em i givim bek kaisens bilong draiv we em i bin kisim long wan wok na wokabaut ron wantaim i go long dua. I gat planti gutpela polisman, tasol i gat sampela ol nogut tu, husat i save giaman ol manmeri. Was gut long ol dispela kain lain, na save long ol rait bilong yupela.

Lukautim yupela yet long pinis bilong dispela wik, wiken, na stat bilong nupela wik. Wok na amamas, tasol mekim wantaim tingting. Laip em i bikpela samting.



Amamasim 50 yia bilong Bahai lotu long PNG...Ol dispela liklik pikinini i putim gutpela stail bilas na wokim naispela tumbuna singsing na danis long amamasim bikpela de bilong ol na Gavana Jenerel Sir Paulias Matane na Lady Kaludia i lukluk long ol selebresen. Ol bin askim ol long stap wantaim Bahai komyuniti long Mosbi long amamasim dispela de.

NARI tok olsem tapiok i orait

NESENEL Agrikalsarel Risets Institut (NARI) i laik mekim tok klia long ol manmeri insait long kantri olsem i orait long kaikaim tapiok ol i groim long gaden bilong ol.

NARI em i wanpela gavman opis i save karimaut wok risets long ol kaikai, na animal na sekyuriti bilong ol.

Ekting Dairekta Jenerel bilong NARI Sergie Bang i wokim dispela toktok bihain ol planti manmeri i pret long kaikai tapiok bihainim ripot olsem 27 pikinini long Filipins i bin dai bihain long ol i kaikaim tapiok. Na tu, samting olsem 100 manmeri i bin slip long haus sik bihain long ol i bin kaikaim tapiok i gat wanpela posin ol i kolim sainait (cyanide) long en.

"Ol ripot i kamap nau i tok klia olsem ol pikinini long Filipins i dai long wanpela marasin i stap insait long wanpela miks bilong tapiok keik na i no dispela sainait i stap insait long tapiok mipela i save rausim long gaden," Mista Bang i tok.

Em i tok ol tapiok we ol manmeri i save groim long gaden i orait long kaikai. Dispela tok orait i karamapim 9-pela nupela tapiok we NARI yet i tok i gutpela long ol fama long groim.

Wok risets yet i soim olsem ol tapiok i save

groa insait long PNG i gat liklik pipia bilong sainait insait long en, tasol dispela i save pinis taim yu boilim o kukim tapiok.

"Em i tru dispela marasin i ken bagarapim man sapos em i kaikai tapiok i no tan o sapos ol i no kukim gut.

"Ol dispela pipia sainait i save kamap long taim mipela i dikim rausim tapiok long graun.


"Em i save kamap taim wanpela kemikel ol i kolim cyanogenic glucoside i bruk. Dispela i save stap insait long ol rut o tapiok yet," Mista Bang i tok.

Tasol em i tok tu olsem olgeta tapiok insait long PNG em ol swit tapiok na i nogat dispela pipia bilong sainait i stap. Ol tapiok we i pait na i gat bikpela mak bilong toksik sainait i save groa long Afrika na Esia.

Stia tok i kam long NARI i tok sapos ol manmeri i wari yet long dispela, ol i ken putim tapiok ol i rausim long graun insait long wara inap long tripela de.

Ol i mas senisim wara olgeta de na dispela bai rausim sainait. Dispela wok em ol manmeri long Afrika i save mekim long rausim sainait insait long tapiok.

NARI i tok ol i painimaut tu olsem mak bilong sainait insait long ol yangpela tapiok na



• Tapiok hia long PNG em i orait long kaikai. Lusim long wara na kukim gut.

skin bilong ol i winim mak bilong sainait insait long ol bikpela tapiok. Olsem na ol i tok ol manmeri i mas rausim skin bilong tapiok pas-taim na ol i noken givim ol pipia skin long ol pik o animal bilong ol long kaikai.

Hap Hap Nius

ENB Seivings

BUNG bilong Is Nu Briten Seivings na Lons Sosaiti i tokaut olsem bikipela mak long seivings em ol bin yusim long peim ol woklain bilong ol. Siaman bilong Sosaiti Matalau Nakikus i bin tokim Anuel Jenerel bung bilong ol olsem long samting olsem K1.3 milien sosaiti i bin yusim long wok bilong em, bikipela hap mak em ol bin yusim long peim ol woklain. Tasol dispela manimak em i no abrusim mak we ol i katim long karimaut wok, Mista Nakikus i bin tokim bung ol bin holim long Kokopo Sekenderi Skul long dispela mun.

Autim Wari

Ol lain i save sapotim wok bilong turis long Is Nu Briten i singaut long ol atoriti long lukim olsem i mas gat inap pablik aweanes bipo ol ovasis turis sip i kam insait long provins na kantri. Siaman bilong turisim komiti long Is Nu Briten Meli Paivu i bin tokaut long dispela samting insait long wanpela bung wantaim Samba ov Komes long Rabaul. Em i tok i kam inap nau, tripela turis sip i bin raun i go long Is Nu Briten tasol nogat pablik aweanes i bin kamap long dispela wantaim ol lain i rejista olsem ol turis opereta. Bung i bin autim wari long prais bilong bensin i go antap bikos dispela bai kamapim hevi long ol pablik i laik go na i kam namel long Rabaul na Kokopo.

Ol Bogenvil lida i bung long stretim ol aweanes kempen

Veronica Hatutasi i raitim

OL BOGENVIL lida i bin bung long Buka aste nait na tok oraitim ol pablik aweanes kempen we ol bai karimaut.

Dispela em Join Lidasip Intensiv Aweanes komiti na i karamapim ol lain i makim olgeta grup long Bogenvil.

Opis bilong nau pinis Bogenvil Gavana John Momis i tok i gat tupela hap bilong dispela aweanes kempen. Wanpela em aweanes long ol kendidet i sanap resis long presiden

na namba tu em long ol kendidet i sanap long ol konstituensi, ol pas-taim paitman na ol meri.

Opis i tok kempen bilong resis long presiden i bin stat long las wik Fraide, bihain tasol long ol bin opim rot bilong Bogenvil Otonomes Gavman ileksen long Fonde, Epril 14. Ol bai statim kempen long namba tu grup long Arawa neks wik Fraide na long Buin long Sarere.

Mista Momis i bin risain long nesenel politiks na posisen olsem Gavana long dispela wik Tunde long



• Bung bilong ol Bogenvil pipel wantaim ol lida bilong ol long Buka. Ol foto: ALOYSIUS LAUKAI



• Lida Joseph Kabui i toktok long bung.

Palamen long ai bilong ol Palamen memba husat i bin stap long namba wan de long Epril bung. Mista Momis i risain long nesenel politiks bihain long 33 yias em i sevim Bogenvil na kantri we em bin kamapim planti gutpela samting. Ol i save kolim Momis "papa bilong Nesenel Konstitusen".

Mista Momis i go bek aste long Bogenvil bihain long em i givim risain pas long Prais Minista na Palamen Spika.

Nau em bai givim nem bilong em long resis long posisen bilong Presiden long namba wan Bogenvil Otonomes ileksen.

Mista Momis bai lonsim pati bilong

em e mol i kolim long "The New Bougainville Party". Em bai go pas long dispela pati.

I gat bilip olsem bikos Mista Momis bai lonsim pati bilong em, ol i surikim ol aweanes kempen program i go long neks wik.

Ripot i kam long Buka i tok olgeta lain i laik sanap resis long pos bilong Presiden i ma stap taim ol i karimaut ol aweanes kempen.

Ripot i tok long wankain taim, ol arapela kempen long not, saut na sentral distrik i stat long Mande long ol kendidet husat i laik sanap resis.

Nominesen bai pas tumora Fraide long 11 kilok.

Bogenvil i wok redi long ileksen

OLSEM ol wok redi, Ilektorel Komisin i wok long prinim ol Komon Rol bilong jenerel ileksen bilong namba wan Bogenvil Otonomes Gavman we bai stat long Me 20.

Long las Fraide, Ilektorel Komisina Andrew Trawen i bin kisim ol ripot long ol wok go het long ileksen na em i amamas long gutpela wok i kamap. Em bin stap long Bogenvil wantaim komiti we i raun long ol foapela rijen bilong kantri long karimaut ol wok rivyu long Ilektorel Baundaris Komisin.

"Dispela ileksen i gat histri na Ilektorel Komisin bai kisim skul long dispela na redim em yet sapos wankain ileksen inap kamap bihain taim," Mista Trawen i tok.

Em i tok bikipela senis i wok long kamap long sait bilong politiks insait long PNG na dispela

...Ol Mekamui na BRA givim sapot

namba wan jenerel ilkesen bilong Bogenvil Otonomes gavman i wanpela long ol.

Dispela i bin namba wan bung we Bogenvil ileksen Staring Komiti i bin holim long toksave long ol atoriti long ol wok go het i kamap long provins i redi long holim namba wan ileksen long gavmna bilong ol. Etnimistreta Peter Tsiamalili em i Siaman bilong dispela komiti. Ol arapela gavman ejensi is tap insait long komiti tu.

Bung i bin tokim ol atoriti olsem ol i redim pinis ol komon Rol na wok bilong sekim na raitim nem

bioong ol pipel.

Na sekyuriti long ailan i gutpela tasol long sampela hap bilong Siwai na No Go Zon eria we ol lain bilong U-Vistrak papa Noah Musingu stap long en na ol Mekamui lain i stap

Tasol bai gat strongpela sekyuriti long sampela eria we ol polis bai sambai long en. Ol bai makim ol ples bilong vot long ol mein senta long ol distrik. Ol Mekamui na BRA i givim tok promis bilong ol olsem ol bai ino inap long kamapim bagarap na meknais long taim bilong ileksen.

Planti manmeri long Bogenvil i laik ileksen long ron gut na nogat trabel long kamap bai ol inap i gat gutpela gavman na painim gutpela sindaun gen.

- Aloysius Laukai



Ol nupela polis bilong Bogenvil i greduet

BOGENVIL i gat 50 nupela polis manmeri husat bai helpim long lukautim lo na oda long ailan.

Fifti (50) yangpela man na meri i bin pinisim 6-pela mun polis trening kos long Bomana Polis Trening Kolis ausait long Pot Mosbi las Fonde.

Nua mak bilong ol nupela Bogenvil polis aninit long trening i bin stat las yia em i go long 100. Namba wan grup i bin greduet long mun Julai las yia na ol i wok pinis long ailan nau.

Inta Gavman Rilesen na Bogenvil Afeas Minista Sir Peter Barter i bin tok ol i gat bikipela wok na salens long mekim long lukautim lo na oda bihain long planti yia bilong pait, trabel na hevi.

Na nau wantaim namba wan jenerel ileksen bilong Otonomes gavman, bikipela wok i stap long han bilong ol.

Sir Peter i bin tok long ol narapela taim, pablik i save lukluk long ol polis

tai mi gat hevi tasol em i narakain long Bogenvil.

Em i tok bikos hevi i wokim na i no bin gat ol polis long lukautim lo na oda na gutpela sindaun, ol i mas kirapim bek wok bilong polis long ailan.

Ol bikman husat i bin lukim dispela greduesen em long Sir Peter, Maining Minista na Not Bogenvil memba Sam Akoitai, Bogenvil Polis Minista Hilary Masiria, Bogenvil deputi Edministreta Andrew Bisi, Bogenvil asisten Polis Komisina Joe Bernu na ol bikman bilong ol Hai Komisin long Australia, Nu Silan husat i givim mani helpim long Bogenvil Polis projek na tu, Polis Komisina Sam Inguba.

Planti i bilip olsem sapos lo na hevi i stret long Bogenvil, bai i gat gutpela sans long ol manmeri long sindaun gut.

Nogat risos long karimaut wok

Michael Novingu
i raitim

OL POLIS long Madang provins i bin holim kwatoli o namba wan hap bilong bung long dispela yia long las wik Fraide.

Bosman bilong ol polis long Madang Superintenden Nema Mondiai i tokim ol polis manmeri olsem ol i nogat inap risos o ol samting bilong helpim ol i karimaut wok bilong ol.

"Ol kar long ol autstesen i bagarap pinis na tu, i nogat mani long stretim ol."

"I nogat mani bilong baim bensin long karimaut ol wok bilong ol," Mista Mondiai i tok.

Em bin strongim ol polis manmeri long yusim gut ol samting i wok i stap long helpim ol long wok bilong ol.

Em i tok nau yet, ol i no inap long go aut long helpim taim trabel i kamap na tu, helpim komyniti long wok bilong ol bikos ol i nogat bensin bilong kar.

"Yupela i mas tokim ol lain i kam putim komplem long baim bensin na yupela i ken helpim ol," Mista Mondiai i bin tokim ol polis manmeri bilong em.

I tru yumi sot long ol samting bilong karimaut wok bilong mipela, tasol yupela ol polis manmeri bilong mi i bin wokim gutpela wok long daunim hevi bilong

lo na oda insait long provins bilong mipela, Mista Mondiai i bin tok.

Em i go moa na em i askim ol polis manmeri bilong em long karimaut gut wok bilong ol wantaim rispek o luksave na gutpela pasin.

"Taim yu gat rispek o luksave i kam long pablik, ol pablik bai gat rispek long yu na bai mekim wok bilong yu i isi, bikos bai yupela wok bung wantaim," em i tok.

Mista Mondiai i wokim singaut i go long ol bisnis haus na ol gavman atoriti insait long provins i ken helpim ol polis long kisim ol nupela kar na ol samting long helpim ol i karimaut wok bilong ol.

Wantok Niuspepa i bin painimaut long ol sampela man i putim ol komplem long Yomba Polis stesen olsem i tru ol polis i nogat bensin long ka bilong ol long helpim ol lain i putim komplem long baim bensin long kar bilong ol, orait, ol bai helpim ol long go stretim ol hevi bilong ol, wanpela man i gat komplem na i bin kisim i go long polis i tok.

Em i tok dispela bai kamapim planti hevi insait long ol komyniti bilong ol na gavman i mas wokim samting kwiktaim long stretim dispela hevi, man husat i no laik bai nem bilong em i kamap long niuspepa i tok.

Wil bilong wilwil helpim fama

WANPELA nupela stail bilong paitim rausim pipia na skin bilong rais i kirap nau.

Ol agrikalsa opisa bilong Morobe Provins i bin guria long lukim ol rais fama long Markham Distrik, i paitim rausim pipia na skin bilong rais wantaim ol wil bilong ol wilwil.

Man husat i bin kirapim dispela tingting bilong paitim rausim pipia na skin bilong rais wantaim ol wil bilong ol wilwil na lusim rais

grein (pikinini bilong rais) tasol i stap, em John Umant, wanpela bikpela rais fama long Markham.

Las wik Trinde ol rais fama i bin amamas tru long helpim Mista Umant kamautim ol rais bilong em na paitim rausim pipia na skin bilong rais wantaim ol wil bilong ol wilwil. I bin i gat 6-pela wilwil i stap long fam bilong Mista Umant long dispela taim.

Provinsel Edvaisa o man bilong givim tok stia bilong

Dipatmen bilong Agrikalsa na Laipstok (DAL), Otto Giria, i tok amamas long ol fama, moa yet Mista Umant, long groim planti rais tru.

Em i givim gutpela tok long ol narapela fama long lainim long piksa bilong Mista Umant na wok bung wantaim long kisim helpim long gavman na ol non gavman ogenaisesen.

Ol fama i singaut long gavman long helpim ol groim moa rais.

Hap Hap Nius

Wara Saplai

Moa long 3000 manmeri long 4-pela ples insait long Huon Galp Distrik long Morobe provins bai kisim gutpela wara saplai. Dispela i kamap aninit long wanpela projek bilong Huon Galp Memba Sasa Zibe.

Ol DWU sumatin bai wok long Hawaii

Bonnie Abola (DWU sumatin)
i raitim

SIKSPELA Sumatin bilong Divain Wod Yunivesiti (DWU) long Madang bai go wok long Is Wes Senta long Honolulu, Hawaii.

Dispela 6-pela sumatin husat i skul long kamap ol nius ripota bai wok na raitim nius bilong Pasifik Ailans Ripot (PIR), wanpela niuspepa bilong Pasifik Ailans Developmen Program long Is Wes Senta.

Ol sumatin em Henry Yamo, Iona Reto, Susan Oreape, Roline Likas bilong seken yia na tupela namba tri yia sumatin, Yvonne Ngutlick na Evah Kuamin.

Is Wes Senta em i wanpela edukesen na risets skul we US Kongres o gavman bilong Amerika yet i sanapim. Intanet websait bilong ol i gat planti manmeri ausait long Pasifik i save ritim long lukim nius i kamap insait long Pasifik.

Dispela wok program i kamap long wok bung namel long Bosmeri bilong Komynikesen Ats Dipatmen Dokta Evangelia Papoutsaki na Peter Wagener, Edita bilong PIR taim tupela i bin bung long wanpela bikpela kibung bilong ol jenelism tisa las yia long Fiji.

"Dispela bai strongim nem bilong Komynikesen Ats Dipatmen na



• 4-pela long ol sumatin bilong Divain Wod husat bai go wok long Hawaii inap long 6-pela mun olgeta.

Yunivesiti insait long Pasifik rijon na i givim sans long PNG long karim toktok bilong kantri i go aut," Dokta Papoutsaki i tok.

"dispela em i gutpela sans long karim raiting bilong mipela i go aut long Pasifik. Mi amamas long dispela sans na mi bai raitim ol gutpela stori," Yvonne i tok.

"Mi laik tok tenkyu long dipatmen long

kamapim dispela sans. Dispela program bai helpim mipela long wok bilong mipela long bihain taim na bai mipela i ken save long wok long arapela kantri. Mipela bai apim nem bilong kantri insait long ol stori mipela i raitim," Susan Oreape i tok.

Kontrak bilong ol sumatin inap long 6-pela mun olgeta. Bihain long en, ol i ken glasim na skruim i go moa yet.



Raun Lukluk...Memba bilong Is Sepik na Minista bilong Nesenel Plening na Rurel Developmen, Arthur Somare i bin go raun long Sauten Hailans provins las wik bilong tokaut long bikpela rot mentenens program we bai i kamap long Hailans Haiwe long sait bilong Sauten Hailans.

Minista Somare, Trensport Minista Don Polye na Sauten Hailans Gavana Hami Yawari i sanap long maus rot bilong Samberigi Gobe rot.

Ol sumatin wokim rabis raskol pasin

LAS wik, 5-pela yangpela manki krismas bilong ol i stap namel long 15 na 17 yia i karim gan na go insait long Handy Mart Sevis Stesen long Madang taun na ol bin laik traim stilim mani long dispela sevis stesen.

Ol dispela manki em ol sumatin bilong Tusbab Sekenderi Skul na Gut Sheped Hai skul insait long Madang provins.

Dispela plen bilong ol long stilim mani i no kamap tru long wanem ol papa bilong dispela sevis stesen i bin stap na stopim ol.

Ol dispela sumatin raskol i pait bek wantaim ol papa bilong stoa inap polis i kam. Na ol i yusim ol strongpela gan long pait wantaim ol polis. I nogat wanpela polis o ol raskol i bin kisim bagarap.

Ol manmeri we haus bilong ol i stap klostu long dispela sevis stesen i bin harim ol pairap bilong ol gan. Taim ol samting i wok long kamap long dispela hap, wanpela man we i no laik tokim nem bilong em long Wantok i bin tok em i ting ol i pait long Irak, tasol nogat, em

PNG i laik ektirg Irak.

Ol dispela 5-pela sumatin nau em polis i holim ol i stap ol i baim beil mani inap long K200 wan wan i kam ausait na wetim kot.

Long wankain taim, wanpela bilong ol dispela sumatin i rausim klos long skin bilong wanpela meri beksait long Handy Mart Sevis stesen na i bagarapim em. Turangu dispela meri i singaut i go na nogat man i helpim em, maski planti manmeri i stap long hap. Tasol wanpela polisman i bin kam helpim em.

Namba wan bosman bilong Polis stesen long Madang Jimmy Namura i tok dispela kain pasin em i pasin bilong ol animal, em i tok.

Na em i singaut long ol papa bilong ol manki long givim gutpela stiatok long ol pikinini bilong ol. Dispela bai helpim ol long gutpela sindaun bilong ol long bihain taim, Mista Namora i tok.

- Michael Novingu

Nupela AIDS Senta long Wewak Taun

Paulus Tali i raitim

NUPELA senta bilong AIDS i op pinis nau long Wewak taun we bai i ken trenim ol lain long helpim ol lain husat i gat dispela sik.

Dispela senta em Praim Minister Sir Michael Somare yet i bin kamap na opim las mun tasol.

Dispela opis i stap long Wewak tasol em bai helpim olgeta lain long Momase rijon wantaim.

Dispela senta ol i kolim Arkfeld na em i stap klostu long we wanpela balus bilong misin i bin pundaun bipo.

Sista Tarcisia husait i lukautim dispela senta i tok

senta bai i helpim ol lain long trening na husat ol i gat sik AIDS tu.

Narapela wankain senta olsem bilong Katolik Sios we i stap long Banz long Westen Hailans Provins ol i kolim Shalom, narapela long Sauten Hailans Provins long Tari na Mendi taun na i gat wanpela gen long Kiunga, Westen Provins.

Kodineta long dispela senta, Misis Hunhoff i tok senta bai wok klostu long helpim ol lain i gat sik na em i amamas long lukautim tu Momase rijon.

Em i tok tenkyu tu i go long Sir Michael long kamap na opim dispela senta.

Hap Hap Nius

Dinau mani

I luk olsem bai PNG i kisim moa mani i kam long Esian Developmen Benk (ADB) long mekim ol apgreding projek insait long 5-pela Hailans provins. Bai i gat wanpela arapela dinau program tu long stretim ol bikpela hap bilong haiwe. Minista bilong Woks na Mema bilong Maprik, Gabriel Kapris i tokaut long dispela bihain long em i kam bek long Manila, Filipins. Mista Kapris i tok dispela i kamap bikos gavman i bin lukim olsem ol i no inap long givim hap mani bilong ol long karimaut ol dispela sabprojek. Em i tok dispela paitim tok wantaim ADB long askim long wanpela arapela dinau bilong lukautim ol bikpela hap rot bilong Hailans Haiwe namel long Simbu na Goroka boda i go inap long Sauten Hailans provins.

Bilong wanem balus i no pundaun long Pinero ples balus?

James Kila i raitim

OL WOKMANMERI long Yuro insait long Karamui Saut-Nomano long Simbu provins i wok long putim ai na wet yet long wanem taim tru wanpela balus bai i go pundaun long nupela ples balus bilong ol long Pinero.

Dispela Pinero ples balus em ol manmeri na pikinini yet i wokim. Ol i katim daun ol bikpela diwai long bus, dikim graun na klinim ples na wok i go inap ol i kamap wantaim dispela ples balus. Ol i no kisim wanpela mani i kam long wanpela man o gavman. Ol yet i kamapim dispela bikos ol i laikim sevis i mas go long ples bilong ol. Ol i tuhat na mekim fri wok.

Wanpela yut lida bilong Yuro, Wila Olape nau yet i mekim bikpela singaut i go long Minista bilong Koreksenel Sevis na memba bilong Karamui Salt-Nomane, Posi Menai tasol em i no mekim wanpela samting long kisim balus sevis i go long eria bilong Yuro, husat i bin hatwok tru long katim bus na stretim graun long wokim dispela nupela Pinero ples balus.

Mista Olape i tok taim olgeta wok i pinis long dispela nupela Pinero ples balus long yia 2003, ol i no lukim wanpela balus olsem MAF o Etventis Aviesen o ol narapela balus kampani i go pundaun long hap. Olsem na ol i laikim memba bilong ol i toktok wantaim ol lain long Sivil Aviesen Atoriti (CAA) long go na komisinin dispela ples balus na ol balus i ken pundaun long hap na sevim ol rurel manmeri.

Em i tok nau em i kopi sisen long Karamui eria na ol rurel fama bai skin kirap tru long karim kopi bilong ol i go salim long Goroka na Kundiawa. Tasol nogat rot long mekim dispela bikos nogat balus i go long eria bilong ol.

Trangu ol fama long Yuro i saved karim kopi bek na wokabaut longpela rot i go long ol ples balus i stap na wet inap balus i go long hap na ol i save baim balus we i save karim kopi bilong ol i go aut na salim.

"Nau yet prais bilong kopi i go antap na mipela ol manmeri i laik yusim dispela taim long salim kopi bilong mipela na kisim gupela mani tasol nogat balus i go pundaun yet long Pinero.

"Mista Posi menai i mas toksave stret long mipela ol pipel sapos em i toktok wantaim ol balus kampani pinis o husat narapela lain i ken bringim balus sevis i go long hap bilong mipela," Mista Olape i tok.

Bikpela tingting we i kirapim bel bilong ol bilong long Yuro em long wokim dispela Pinero ples balus i kamap bihain long Kopi Industri Koporesen i bin kamapim Freit Subsidi skim (FSS) bilong em long yia 1999 na 2000.

Insait long dispela skim, CIC i bin peim 40 pesen long pei bilong balus long ol fama i ken karim kopi bilong ol i go aut long salim long maket.

Dispela skim em CIC i bin stopim bikos nogat sapot i bin kam long Nesenel na Provinsel gavman long helpim ol i karimaut dispela gupela sevis i go long ol rurel fama.

CIC na REDB bai wok bung long sekim ol dinau fama



• RDB Goroka Brens Menesa Cathy Rumints i kisim wok program long han bilong CIC PFTEC Isaho Kohe.

Foto: JAMES KILA

James Kila i raitim

KOPI Industri Koporesen (CIC) i kamapim wanpela gupela program long isten na Westen Hailans provins long sekim ol tain fama husat i kisim dinau aninit long Smolholda Agrikalsa Kredit Skim (SACS) program.

Dispela wok i kamap i lukim CIC i wok bung wantaim Rurel Developmen Benk (RDB) long yusim ol risos olsem ol kar na wokman long go aut na sekim ol wan fama husat i kisim ol dinau mani na askim ol long bekim.

Long las wik tasol, ol CIC opisa na Kodineta bilong Koporetiv Maketing, Brian Kuglame wantaim Provinsel Fama Trening na Ekstensen Kodineta (PFTEC) Isaho Kohe i bin pasim tok wantaim RDB Isten Hailans Menesa Cathy Ruminta long dispela wok bung wantaim.

Long dispela bung bilong ol, Mista Kohe i givim wanpela wok program bilong CIC long karimaut wok long SACS program i mas mekim wok kopi, wanem taim ol bai bung na toktok wantaim ol opisa na ol opisa bai go na sekim ol gaden kopi bilong ol.

Dispela program i soim tu wanem taim ol fama aninit long SACS na CIC i lukautim bai kisim trening long sait bilong wok na tu long sait bilong lukautim mani bilong ol na mekim gupela wok.

CIC i givim dispela wok program long RDB tu bikos nau yet, benk i stopim long givim dinau i go long ol fama.

Nau yet, ol fama i ken kisim dinau long mekim ol wok bilong ol bikos gavman tu i helpim long putim sampela mani long sapotim wok bilong RDB insait long kantri.

Mis Ruminta i tok amamas long CIC long kamap wantaim dispela gupela tingting long wok bung wantaim.

Em i tok nau yet, planti ol fama i kisim ol dinau i wok long hait na i no soim pes tumas long benk. Olsem na ol i kirapim pasin bilong wok bung wantaim long sekim ol fama husat i stap aninit long SACS program.

Ol fama i save laik kisim ol dinau long kirapim ol liklik wok bisnis long ol hap bilong ol, planti taim long ol ples.

Ol dinau program em ol gupela program we i ken helpim ol fama helpim ol yet.

Tasol i tru olsem planti taim ol fama husat i kisim ol dispela dinau i no save bekim, na long dispela as, ol kain program olsem long dispela stori, i mas kirap long sekim ol na lukim olsem ol i mekim stret pasin na bekim mani.

AusAID bos laikim ol manmeri long lukautim Hailans Haiwe

James Kila i raitim

OL MANMERI long ol viles na hauslain we i stap klostu long bikpela Okuk Haiwe o Hailans Haiwe i gat wok tu long lukautim gut dispela rot we i save givim sevis i go long ol.

Bosman bilong AusAid, John Davidson i mekim dispela toktok i no long taim i go pinis bihain long em lukluk raun long Isten Hailans na ron long kar i go daun long Lae.


Dispela raun bilong em i lukluk long ol projek AusAid i givim long sapotim wok long stretim rot long Hailans Haiwe.

Em i tok tu olsem AusAid i givim mani mak olsem K110-milien bilong mekim gut Hailans Haiwe.

Ol i bin tokaut long dispela mani las yia na dispela mani em gavman bai yusim long stretim dispela rot inap tripela yia na lukim olsem dispela haiwe i orait na ol sevis i ken go gut long provins we i stap insait tru long Hailans rijon, em i tok.

Nau yet planti wok i kamap long ol seksen bilong Hailans Haiwe em AusAid i putim mani long stretim.

Ol dispela wok i stat long seksen bilong rot long Isten Hailans, Chimbu na Westen



•Wok i go het long stretim Hailans Haiwe i ron i go olsem long Isten Hailans. Foto: JAMES KILA

Hailans na lukim ol konstraksen kampani wantaim ol trak na ol masin bilong wok i stretim rot i stap.

Hailans Haiwe em wanpela 'ikonomik laiplain' bilong planti provins insait long

Hailans rijon olsem Isten Hailans, Simbu, Westen Hailans, Sauten Hailans na Enga provins.

Dispela bikpela rot tu i save helpim long karim ol bikpela masin na ol wok samting bilong ol bikpela risos projek olsem Porgera Main na Kutubu na i save helpim tu long karim kopi i go daun long Lae.

Mista Davidson i tok ol manmeri i mas go het long mekim volunteri wok nating na i noken kisim mani taim ol i kliarim ol gras, katim bus arere long Hailans Haiwe bikos dispela rot em i rot long kisim sevis long en na ol i mas lukautim.

Em i mekim bikpela tok olsem taim ol volunteria i klinim ol baret arere long rot, Hailans Haiwe bai i stap gut na i no bagarap.

PNG i gat envoironmen we i save lukim planti ren na olsem, ol manmeri wok long stretim na digim ol baret bilong wara i ken ron gut na noken bagarapim ol rot," Mista Davidson i tok.

Insait long dispela lukluk raun bilong Mista Davidson, em bin go wantaim Fainens na Treseri Minista Bart Philemon na Vais Minista bilong Woks Francis Kunai.


Hevi bilong ol rot i bagarap i bikpela hevi long PNG.



**NOKEN
BAGARAPIM
OL PIKININI!**



Em i rais bilong ol pikinini long tok nogat taim ol ina laik long wokim wok i hat tumas long ol.



Na em i wok bilong ol long halivim ol narapela hueat igat planti wok.



WANTOK
i go pas long
dispela kempen!

Kerahu i no wanbel wantaim Oresi

SIAMAN bilong Popondetta Oil Palm Growers Association (Popondetta Wel Pam Groas Asosiesen), Clement Kerahu, i no amamas wantaim o bekim em i kisim long ol askim bilong em i go long Membra bilong Palamen bilong Sohe (Noten Provins), Peter Oresi, long lukluk long stretim ol rot long ilek-toret bilong em.

Mista Kerahu i tok em i bel hat tru na sem long harim olsem Mista Oresi i tok olsem ol membra bilong wel pam asosiesen i wok long pilai politiks na em i nogat mani long stretim ol rot we i bagarap.

Mista Kerahu i tok ol rurel manmeri, planti bilong ol husat i bin makim Mista Oresi long makim ol long Nesenel Palamen, i save kisim mani long helpim sindaun bilong ol long wel pam.

Tasol ol i no wok long wok wel pam o produsim wel pam inap long 10-pela mun nau, bikos ol rot i bagarap na mekim hat long ol i karim wel pam i go long ol maket, em i tok.

Mista Kerahu i tok dispela i kamapim planti hevi olsem nogat inap mani long baim skul fi bilong ol pikinini.

Em i tok planti groa i autim bel hevi bilong ol i go long asosiesen pinis long dispela hevi na asosiesen i toktok tu wantaim miling kampani pinis long helpim stretim dispela ol rot.

"Mipela i gat K100,000 pinis tasol mipela i mas gat K250,000 long stretim dispela ol rot.

"Mi wok long askim Mista Oresi long helpim wantaim K150,000 long kisim ol kontrakta (ol lain husat i bai stretim ol rot) i kam hariap," em i tok.

Strongim praimer edukesen, Moroi

Harlyne Joku i raitim

BESIK praimer edukesen em i bikipela samting long ol rurel hap na ol gavman i mas sapotim.

Gavana bilong Sentral Provins, Alphonse Moroi, i bin mekim dispela toktok long 40 het tisa bilong Kairuku Distrik long Nesenel Palamen las Fonde.

Mista Moroi i tokim ol tisa olsem ol i gat wanpela bikipela wok long mekim long ol rurel hap, long helpim ol papamama i skulim ol pikinini bilong ol.

Em i tok ol tisa i mas lainim ol long ol besik samting o liklik tasol bikipela samting we bai helpim ol long sindaun gut, olsem we bilong stap long ol rurel hap.

Mista Moroi i tok olsem ol namba wan 9-pela krismas bilong edukesen o skul long pikinini i bikipela samting.

Em i tok olsem ol i mas lainim taim ol i yangpela yet long besik agrikalsa, maketing, na ol we long stap long ol rurel hap.



• Ol Kairuku het tisa ausait long Nesenel Palamen las Fonde. Foto: HARLYNE JOKU

Mista Moroi tok dispela i nara-pela skul, i no wankain olsem skul long kisim ol gutpela mak, we ol i mas lainim tu.

"Ol pikinini long ol rurel hap i mas lainim olsem ol ken i kam bek long graun bilong ol long wok," em i tok.

Em i tok tu olsem agrikalsa i mas i stap insait long kurikulum bilong edukesen olsem Midiem

Tem Dvelopmen Streteji bilong Nesenel Gavman i tok.

Em i tok promis olsem em bai givim K10,000 i go long ol tisa long helpim ol long in-sevis bung bilong ol long mun Julai.

Meri husat i raitim stori i Midia Opisa bilong Opis bilong Gavana bilong Sentral.

Hap Hap Nius

Raskol Ranawe

Tripela bikipela raskol long Kerema, Galp Provins, i bin ranawe long ol polis las mun, na polis long Mande i bin tokaut olsem ol i painim ol yet. Ol dispela raskol em Peter Elias Wang Miva, Tako Akau na Kilala Evoavila.

Bagarap

Wanpela man Rigo long Sentral Provins i laki long stap laip nau bihain long ol strongpela ren na win long Mosbi na Sauten Rijn las wik Fraide. Evare Gari, 34, i bin pundaun long antap bilong haus bilong em taim em i wok long traim stretim ol kapana palang namel long dispela taim nogut long 5 kilok apinun. Em i pundaun inap long 6-pela mita tasol i no kisim bikipela bagarap.

Noken Wari

Wanpela Profesa bilong Maths, Kompyuta na Saiens long Yunivesiti bilong Papua Niugini (UPNG), Profesa Alan Easton, i tok olsem ol manmeri husat i save stap klostu long solwara long Papua i mas harim radio, ritim niuspepa o lukim T.V, long save wanem i wok long kamap bai ol i no inap wari na guria taim strongpela win na ren i kam bikos ol i ting sunami ol birua bilong solwara bai bihainim. Em i tok toksave long ol dispela senis save i kamap long midia tasol ol manmeri i no bin ritim, na bikos long dispela ol i wari na guria.



Kokoda... I gat ol ripot olsem ol paitim toktok i wok long kamap long putim Kokoda Trek, Noten provins, long Australia's National Heritage Listing. Dispela em wanpela pepa we i makim ol ples we Australia i save lukim olsem bikipela samting long histri bilong kantri bilong ol. Planti ol soldia bilong Australia i bin dai long dispela trek o rot long Wol Woa 2. Long poto, ol turis, i kalapim wanpela bris long trek.

Foto: PNGBD.COM

NCDC stretim na mekim ol maket

MOSBI bai lukim mekim na stretim bilong 4-pela maket.

Dispela bai kamap bihain long Nesenel Kapitel Distrik Komisin (NCDC) i bin sainim ol kontrak wantaim tripela kampani long kamapim ol dispela wok.

Ekting Siti Menesa, Iva Kola, i bin sainim ol dispela pepa wantaim ol mausman bilong ol dispela kampani, Caveman Constructions, Associate Builders and Kana Kumgit.

European Union (Yuropien Yunion, EU) i givim mani, mani mak inap long K169,000 long mekim ol dispela wok.

Dispela i kam aninit long namba tu hap bilong maket redvelopmen pogram bilong EU bilong Nesenel Kapitel

Distrik.

Ol projek em:

• Gerehu Stes 5 (Waikela) stretim maket. Kontrakta em Caveman Constructions na mani mak em K41, 500.

• Talai/Gorobe (Badili) mekim maket. Kontrakta em Caveman Constructions na mani mak em K33, 600.

• Ranuguri (Konedobu) mekim maket. Kontrakta em Associate Builders na mani mak em K34,000.

• Joyce Bay (Kila Kila) mekim maket. Kontrakta em Kana Kumgit na mani mak em K61,000.

Wok bilong kamapim dispela ol maket i bihainim tingting bilong Infomel Sekta Ekt long kamapim ol gutpela hap we ol manmeri i ken salim ol samting.

Our promise

Coming Soon

From only those who truly know the roads and the people of Papua New Guinea, Ela Motors has met the challenge.

Ela Motors

NATIONWIDE

www.elamotors.com.pg

Get ready PNG, our promise of more power, more style, more space & more safety is on it's way... are you ready?



Bisnis Gat Kala...Auri Jeffrey
i baim wampela paket biskit long Lulu, wampela wokmeri long Cool Down Snack Bar (Kul Daun Snak Ba), wampela liklik raun haus stua i stap long geit stret bilong Ori Lavi Haus long Boroko, Mosbi.

Banis bilong dispela haus i gat ol kain kain gutpela pen we i soim ol piksa bilong Papua Niugini.

Papa bilong dispela stua, wampela man PNG, David Obed Madovai, i tok olsem em i kirapim dispela stua bikos em i lukim olsem ol manmeri bilong PNG i mas i go insait long

mekim ol liklik bisnis.

Em i tok olsem planti ol liklik bisnis we ol manmeri bilong PNG yet i inap long mekim, ol manmeri bilong ol narapela kantri i wok long kisim na mekim i stap.

Mista Modovai i kirapim dispela stua long strongim tingting bilong ol narapela manmeri bilong PNG long i go insait long wok bisnis.

Stori: PAULUS TALI
Foto: NICKY BERNARD

Solwara i wok long i go antap

WANPELA stadi o wok painim we i kamap long ol nambis bilong Papua rijon i soim olsem mak bilong solwara i wok long go antap.

Profesa Allan Easton, disiplin lida bilong Metemetiks, stetistiks na komputa sains long yunivesiti ov Papua Niugini i bin mekim dispela stadi na em i tokaut long ol samting em i painim aut long wampela semina long UPNG we planti ol profesa na ol sumatin bilong UPNG i bin kamap na harim.

Profesa Easton i tok planti manmeri insait long Papua rijon i save stap long nambis o arere long solwara, tasol nau planti hap graun ol i save stap long en, em solwara i karamapim pinis.

Em i tok wara i go antap olsem 2.9m pinis.

"Planti man i save katim ol mangro long mekim haus o rot na taim ol i rausim dispela ol diwai, em i save mekim spes bilong wara long kam insait," Profesa Easton i tok.

Tasol em i tok as tru bilong wara long go antap em globol woming o bikpela hat i kamapim long graun bilong wanem i gat planti ges nogut i stap long skai o win na i mekim san i hat moa.

Narapela samting tu long wanem as na wara i go antap em long astronomikol fos o wok bilong mun na san we i save pulim wara na mekim kamap ai wara na drai wara.

"Dispela tu i ken mekim bikpela wara i

kam na i go bek," Profesa Easton i tok.

Profesa Easton husat i bilong Australia i bin wokim wankain wok long Yurop, Kanada na long Australia yet.

Em i singaut long ol lain i stap long ol nambis bilong Papua olsem Barakau na ol narapela Motu ples long ol i mas lukluk long ol niuspepa, TV na radio bai ol i save long wanem samting i wok long kamap na em i laikim bai ol i toksave long em o long ol midia na ol imejensi sevis sapos ol i lukim sampela samting i kamap long wara o ples bilong ol.

Em i laikim planti awenes i mas kamap tu long skulim ol manmeri long samting i save kamap long solwara.

Tasol profesa i tok em i no ting bai sunami o kirap bilong solwara olsem i kamap long Esia i ken i kamap long solwara arere long nambis bilong Papua.

Dispela em bilong wanem i nogat ol samting i stap insait long graun we i save kamapim guria i stap long dispela ol ples.

I no longtaim i go pinis i bin i gat bikpela pret long Mosbi taim taim mak bilong solwara i bin go daun tru. Dispela i bin mekim planti manmeri husat i stap klostu long solwara i lusim ol haus bilong ol na ranawe i go long ples i antap bikos ol i ting sunami o birua bilong solwara bai kam.

- Talio Pano na Terence Mose
(Ol Jenelisem Sumatin bilong Yunivesiti bilong Papua Niugini)

PABLIK NOTIS

HELPIM I GO LONG OL KASTOMA I NOGAT INAP MANI

EDA RANU i givim wampela 'amnesty' o taim bilong malolo i go inap long namba 1 de bilong mun Ogas tasol bilong ol kastoma insait long kantri long stretim olgeta akaun bilong ol bihainim stretpela rot bilong peim wara bil.

EDA RANU bai helpim ol kastoma insait long kantri husat i nogat inap mani long stretim wara na suris o wara bilong toilet bilong ol na rausim ol bil bilong ol i kam inap long namba 31 de bilong mun Desemba 2003. Tasol sapos ol kastoma i laik bihainim dispela progreim, ol i mas stretim olgeta bil bilong ol bilong 2004 na ol bil i kam inap long tude.

TOKSAVE I GO LONG OL KASTOMA HUSAT I WOK LONG HAIT NA PULIM WARA

EDA RANU i save olsem sampela domestik kastoma i wok long hait na pulim wara long wara saplai sistem bilong EDA RANU bilong wanem ol i nogat inap mani bilong baim. Singaut i go long ol dispela kastoma long kam anihit long dispela progreim bilong malolo long peim bil. EDA RANU i wok long kamapim ol rot bilong helpim ol dispela kain kastoma bai ol i ken wok bung wantaim long stretim ol hevi bilong ol. Ol bai givim ol stia tok sevis long tok klia long stretpela rot bilong bihainim bilong daunim mak bilong wara bil we sampela taim

dispela hevi i save kamap taim ol paip wara i lik. As tingting em long helpim ol dispela kastoma na givim ol gutpela prais bilong stretpela wara koneksen.

EDA RANU bai i redi long karimaut na strongim ol mekimsave long ol kastoma husat i no save peim wara bil bilong ol na husat i save hait na pulim wara bai ol i noken givim moa hevi long ol kastoma husat i save peim gut bil bilong ol.

Ol kastoma i ken kisim moa toksave long:

EDA RANU Enquiries Office
Ground Floor, AOPI CENTRE
Waigani, NCD
Telephone: 3122104
Fax: 3122190
Email: infor@edaranu.com.pg

Tok orait i kam long:

Timothy Bonga, MBE
Siaman bilong EDA RANU

EDA RANU
OUR WATER

Raun lukim ol meri na pikinini long PNG



Was long hanmak bilong sik kensa

Veronica Hatutasi i raitim

KENSA bilong susu na long bilum bilong bebi (cervical cancer) i kamap olsem wanpela bikpela hevi long ol meri bilong Papua Niugini na i gutpela long ol meri i lukim ol helt woka hariap taim ol i lukim han mak bilong dispela sik long bodi bilong ol.

Namba long ol meri i kisim sik kensa long bilum bilong bebi na ol helt woka i painimaut insait long PNG em 120 tasol planti i save go long haus sik taim em i leit pinis.

Dokta bilong ol meri long Pot Mosbi Jenerel Haus Sik Dokta Apeawusu Amoa i tok.

Pot Mosbi Jenerel Haus Sik i lukim moa meri wantaim dispela sik nau na wanpela long ol as em bikos kensa masin long haus sik bilong ol manmeri i gat sik kensa long Angau Memorial Haus Sik long Lae insait long Morobe provins i bin bagarap 5-pela yia i go pinis na ol lain wantaim dispela sik i wok long kam long Pot Mosbi Jenerel Haus Sik.

Kensa masin em i kostim bikpela mani tumas tasol kantri i mas gat dispela masin long karimaut wok bilong em long helpim ol mama, ol meri na ol arapela pipel i gat sik kensa long PNG yet.

Dokta Amoa i tok i gat tupela we tasol long helpim ol meri i gat kensa long bilum bilong bebi. Em long wokim kombain operesen na redioterapi. Ol dokta i ken wokim dispela taim ol meri i luksave long sik na go hariap long haus sik. Tasol olsem i wok long kamap planti taim, mak long 80 pesen (%) long ol meri i save go long haus sik taim sik i bikpela pinis na i hat long daunim. Taim ol i go leit, ol i save salim ol i go long Australia tasol mani em i bikpela samting gen. Sapos nogat, ol i save wokim radio terapi o salim ol i go long ples bikos ol bai no inap kamap orait. Ol i save givim ol

strongpela marasin long kilim dai pen na salim ol i go long ples.

Wanpela long ol mak we ol meri i ken luksave long dispela sik em long lukim blut bihain long ol i slip wantaim patna o man bilong ol. Sapos ol i lukim sikmun klostu klostu na i no long taim stret bilong ol.

Dokta Amoa i tok stopim rot bilong kisim dispela sik em i bikpela samting long traim daunim mak long ol meri i kisim bagarap long dispela sik.

"Lusim smok em wanpela rot. Narapela em long pas wantaim wanpela patna tasol bikos binatang ol i kolim long "Human Papilloma (i no HIV binatang) virus i save kamapim dispela sik i save kalap long narapela long pasin bilong slip wantaim narapela. Na sans i bikpela long kisim dispela sik we i save kalap long wanpela na i go long arapela taim meri i slip wantaik kain kain man o sapos man i save gat planti meri. Narapela rot tu em meri i yangpela tumas na i stat long slip wantaim man," Dokta Amoa i tok.

Em i tok nau i gat ol masin we ol dokta i sekim ol meri i gat komplem long dispela sik na sekap em ol i kolim long PAP Smear.

PNG i gat 11-pela dokta bilong ol meri tasol. Na em i tok bikos kantri i sot long ol dokta bilong ol meri na tu, mani i sot bikos kantri i gat hevi long dispela, em i hat long dispela liklik lain dokta long lukim na helpim olgeta meri husat i gat dispela sik.

Long taim bilong Nesenei Helt Ekspo las wik long Mosbi, 50 meri i bin kisim fri sevis long go sekap long kensa bilong susu na bilum bilong bebi i slip long em.

Ol bin amamas stret bikos ol meri dokta tasol i bin stap na ol i tok em isi long toktok long ol meri dokta na ol meri dokta i sekim ol long wanem planti taim, ol i save sem long ol man dokta.

Laspela hap long Domestic Vailens stori

BIHAIN long mi stap long hevi we man i paitim na wokim mi nogut tru long 15 yia, mi bin go long Yunivesiti ov PNG (UPNG) na pinisim skul wantaim Diploma ov Komes. Papamama i helpim mi long skul. Nau mi wok i stap na mi pilim gut olsem mi stap amamas na mi lukautim ol pikinini bilong mi tu.

Mi amamas tu olsem pikinini meri bilong mi i wokim gut tru nau bikos bipo mipela i stap long hevi, em no save wokim gut long skul. Mi tok tenkyu tru long mama na ol brata bilong mi husat i givim mi gutpela sapot na komyniti mi stap long en.

Ol i was long man bilong mi. Em i save kam toktok long ol pikinini bilong em o mi, tasol em i no inap wokim samting bikos kot oda i stap. Toktok we mi ken wokim long yupela ol arapela famili em sapos man i paitim pikinini meri bilong yupela, stopim.

Em na ol pikinini bilong em i laikim helpim, i no ol tok baksait. Sapotim ol gut na sindaun bilong ol bai kamap gut bek. Man i save kam na askim mi long go bek long em tasol mi les pinis. 15 krismas long stap wantaim ol hevi em i longpela taim tumas. Ol pikinini i orait na ol i no moa pret long stap insait long haus bilong ol.

Nau mi senisim laip na givim i go long God husat i bos-long haus bilong mi. Bikos God bilong mi i helpim mi long taim mi stap long bikpela hevi, mi save em bai helpim mi long lukautim ol pikinini na em bai i no inap lusim mi.

Stori i bin kamap pinis long Tok Stret program we i save kamap long 10 pas 8 inap long 10 kilok olgeta Tunde nait long Karai Redio.

Lo bilong lukautim ol pikinini



Skrum ol toktok long

CEDAW na rait bilong ol meri

CEDAW em i Convention on the Elimination of all forms of Discrimination against Women o long Tok Pisin. Lo bilong rausim ol pasin bilong rabisim ol meri.

Ol Pasifik kantri we i sainim agrimen long rausim ol pasin bilong rabisim ol meri na lukautim gut ol rait bilong ol meri na pikinini em long Samoa (Septemba 1992), PNG (Janueri 1995), Fiji (Ogas 1995), Vanuatu (Oktoba 1999na Tuvalu (Oktoba 1996). Kuk Ailan, Tokelau, Niue, Nu Kaledonia, Frens Polinesia na Wallis na Futuna i bihainim ol mama kantri Nu Silan na Frans husat i sanim dispela agrimen pinis.

Pat 6- Pat 1- Atikel 1 i karim strongpela toktok olsem aninit long Konvensen, rabisim ol meri i min olsem wokim ol samting we i banisim na i no givim luksave long ol meri long go insait long ol samting bikos ol i meri. Na dispela pasin i stopim ol meri long kisim luksave na amamas maski ol i marit, aninit long luksave olsem ol i wankain tasol wantaim ol man na ol i gat wankain rait na fridom long sait bilong politiks, ikonmik, sosel, kalserel, sivil na ol arapela eria.

Ol toktok i kam long liklik buk ol i kolim CEDAW we Pasifik Rijonel Human Raits Edukesen risos Tim i redim.

Sotpela Tok Lukaut

Skrum tok long HIV tes

Yu ken tingting long kisim HIV/AIDS tes sapos:

Æu wari nogut yu gat binatang bilong AIDS pinis

ÆPatna bilong yu i gat binatang pinis

Æu tingting long marit

ÆBipo yu tingting long gat bebi.

Tasol tingim, yu yet bai wokim disisen long kisim HIV tes. Nogat man i gat rait long fosim yu long kisim HIV tes sapos yu no redi long painimaut long dispela. Olsem na i moabeta long toktok long sampela lain pastaim long yu kisim tes. I moabeta long toktok long sampela lain gen bihain long tes.

Ol dispela samting bai kamap taim yu go kisim HIV tes:

ÆKaunsela bai tokim yu wanem samting bai kamap na risal bilong tes.

ÆHelt woka bai kisim blut long yu

ÆBai kisim namel long 4 na 6 wiks bipo yu save long risal.

ÆNogat narapela manmeri bai save long risal bikos helt woka bai givim risal long yu tasol.

ÆI mas gat wanpela lain i stap wantaim yu long givim sapot long helpim yu tingting long samting bai yu wokim taim yu kisim risal.

Ol toktok i kam long liklik buk ol i kolim long "Living with HIV/AIDS, A Guide for self care and positive Living" National AIDS Council i redim.



Kuk Kona wantaim MERI WANTOK

Quick Banana Scones

Yu mas i gat:

2-pela kap flawa

Hap tispun sol

3-pela tispun beking pauda

Kwata kap suga

2-pela tispun bata i melt pinis

Hap kap mes potato we i mekmek pinis

1-pela kiau

2-pela tispun milk o susu

We long Kukim:

1- Putim ol drai ingridiens o samting olsem flawa, sol, suga na beking pauda na seksekim

ol wantaim

2-Putim i go wantaim banana, bata, kiau, na susu na tanim.

3-Wokim hul long namel bilong ol drai (ingridiens) samting na kapsaitim i go ol wara wara samting yu miksim pinis.

4-Miksim isi isi wantaim fok.

5-Grisim beking trei na putim skon i go.

6-Putim aven long 400 digris F mak bilong hot long 15 minit o inap skon i kuk.

TOKTOK NATING
Wantaim
Fr. Paul Liwun SYD



Wanpela moning - wanpela fisaman o man bilong pulim pis i bin bringim wanpela trauzel i go long haus.

Liklik boi bilong em i lukluk strong long dispela trauzel na em i painim nek na het bilong em - na olsem wanem dispela trauzel i ken wokabaut.

Em i sindaun, lukluk na wet i stap tasol trauzel i no muv liklik, em i slip tasol.

Olsem na em i kirap na painim wanpela stik na suvim i go long nek bilong trauzel - tasol hat wok bilong en i no bin karim kaikai.

Trausel i no kamautim nek bilong en.

Taim kandre man bilong em i lukim em, em i lap indai long dispela pikinini.

Em i bin tokim em olsem - "Nogat, i no olsem."

"Nogut bai yu kilim dispela trauzel tasol."

"Yu no inap opim nek na rausim het bilong trauzel wantaim hap diwai. Nogat tru."

Bihain kandre bilong em i kisim dispela trauzel, karim i go insait long haus kuk, na putim em klostu long paia.

I no long taim na trauzel i pilim hot bilong paia na em i suvim het i go aut na soim nek bilong em i go long dispela boi.

Trausel tu i bin kamautim lek bilong em na wokabaut ronawe long ples paia.

Wankain pasin tu i kamap long manmeri bilong dispela graun. Yu bai i no inap fosim samting i go long ol.

Mi no min long hia - em pasin bilong braiberi. Nogat.

Tasol sapos yu mekim ol pilim hat, yu hatim skin bilong ol wantaim sampela gutpela samting, ol bai wokim wanem samting yu askim ol long wokim - na sampela taim bikos yu bin mekim gut long ol, ol bai wokim sampela samting yu no bin askim ol long wokim.



"Jisas i mekim orait wanpela man i gat sik lepra"

Wanpela man i gat sik lepra i kam long Jisas na i askim em strong. "Sapos yu laik, yu inap long mekim mi i kamap klin long ai bilong God?" Jisas i sori tru long em, na i putim han long em, na i tokim em olsem, "Mi laik yu kamap klin." Orait wantu sik lepra i lusim dispela man, na em i go hariap, na i tok strong long em olsem, "Lukaut gut. Yu no ken tokim wanpela man long dispela samting i bin kamap long yu. Nogat. Yu go soim skin bilong yu long pris, na mekim ofa bilong soim olsem skin bilong yu i kamap klin pinis, olsem Moses i bin tok. Na bai ol man i ken save, sik bilong yu i pinis." Tasol dispela man i go, em i tokim ol manmeri long olgeta dispela samting i bin kamap. Em i autim dispela stori long olgeta hap. Olsem na Jisas i no inap i go moa insait long wanpela taun long ai bilong ol manmeri. Nogat. Em i stap autsait tasol, long ol hap i nogat man. Na ol manmeri bilong olgeta hap ol i kam long em.

MAK 1: 40-45

Ol Katolik Bisop bilong PNG na SI i bung

Veronica Hatutasi i raitim

OL KATOLIK Bisop bilong PNG na Solomon Ailan i sindaun nau long anuel jenerel bung bilong ol long Don Bosko Teknikel skul long Mosbi.

Ol lain i go pas long ol wan wan Komisins insait long Katolik Bisops Konferens na ol opis long sios.

Long dispela wanpela wik bung bilong

ol, ol bisop i toktok long ol samting i karamapim laip bilong sios, witnes na edministresen bilong sios.

Ol i toktok tu long long ol samting i karamapim sios na sosaiti we sios i pilim olsem em i mas tokaut long en.

Ol i toktok tu long ol wok go het i kamap bihain long Jenerel Asembli bung ol bin holim long mun Julai las yia long Vunapope na tu, wokabaut bilong ol bisop

i go long Rom long mun Julai long dispela yia long stap insait long bung bilong ol.

Ol i toktok tu long helpim mani we AusAID i givim long ol sios long sapotim na ronim ol HIV/AIDS program, helt na edukesen program bilong ol.

Bung bai pinis long dispela Sarere na bai ol bisop i wokim wanpela stetmen long ol bikpela samting ol i toktok long em long dispela bung.

Luteran Sios lukluk long kirapim nupela yunivesiti

SAPOS olgeta samting i go gut, Luteran Sios long Papua Niugini bai i gat yunivesiti bilong em yet long yia 2007.

Luteran Sios i amamas long sapot Gavana bilong Morobe, Luther Wenge, na ol lain Luteran Lig long Nesenel Palamen i givim long kirapim dispela yunivesiti.

"Mi amamas long gutpela sapot bilong gavana na ol Luteran memba i stap long Nesenel Palamen."

"I gat tupela han bilong Luteran Sios long PNG. Em long Evanjelikel Luteran Sios ov PNG (ELC/PNG) we hetk-wata i stap long Lae, Morobe Provins, na Gutnius Luteran Sios we i stap long Enga Provins."

"Antap long ol Luteran palamen memba bilong mipela long Morobe na Madang, mipela i amamas long gutpela sapot bilong Gavana bilong Enga, Peter Ipatas, na ol arapela lain Luteran memba long kirapim yunivesiti bilong sios

yet.

"Dispela nupela yunivesiti bai kirap long Martin Luther Seminari long Lae, Morobe Provins," Luteran Edukesen Seketeri, Bravy Towika, i tok.

Mista Towika i tok tu olsem sios i amamas long Mista Wenge husat i strongpela Luteran Sios memba long strongim tingting bilong kirapim yunivesiti bilong Luteran Sios, hevi we sios i gat long en em long sait bilong mani na ol wokman bilong mekim wok.

"Fanding em wanpela hevi we sios i gat long kirapim sios yunivesiti."

"Tasol mipela i amamas long sapot we gavana na ol arapela Luteran Sios memba bai givim."

"Bai mipela i karimaut graun wok long painim mani long kirapim wok na kisim ol wokman bilong yunivesiti."

"Mipela i wok long lukluk long ol dispela samting nau," Mista Towika i tok.



• Ol lida bilong sios, olsem het bilong sios long PNG, Bisop Wesley Kigasung (Ilephan), na ol lain husat i save lotu long sios, olsem ol dispela meri long poto, bai amamas long lukim yunivesiti i kamap. FAIL POTO

Em i tok samting i stap nau long han bilong em long kirapim wanpela komiti long lukluk na toktok long kirapim ol wok long dispela.

Em i tok komiti bilong em bai toktok wantaim ol arapela poroman sios yunivesiti long kantri olsem Divain Wod Yunivesiti na Pasifik Etventis

Yunivesiti taim em i karimaut ol graun wok long kirapim nupela sios yunivesiti bilong em.

Em i tok sios i gat planti save woklain i wok i stap long ol bikpela institusen long kantri na ol bai toktok wantaim ol tu long sait bilong helpim na kirapim wok long dispela nupela yunivesiti.

Ol Katolik skul na peris long kantri wokim lotu long luksave long leit Pop

PLANTI Katolik peris na skul insait long kantri i bin wokim ol lotu bilong tingim leit Pop John Paul 2, hetman bilong Katolik Sios long wol husat i bin dai tupela wik i go pinis.

Long wankain taim tu, olgeta Katolik ejensi skul long kantri i bin malolo long skul las wik Fraide long taim misa bilong Pop i bin kamap.

Long Madang, olgeta skul we i karamapim ol Katolik na ol arapela skul tu i bin malolo long luksave long dispela bikman we wol i luksave long em olsem man bilong strongim pis o gutpela sindaun long wol, yuniti, jastis na sempion bilong ol yut. Moa long 3, 000 skul sumatin long

Madang taun i bin lotu long Holi Spirit katitrel long moning. Haus lotu i bin pulap kapsait na planti moa pipel i bin sanap ausait.

Ol skul i bin stap insait long lotu sevis em long Tusbab Sekenderi, Holi Spirit Praimeri, Madang Kristen Akademi, Jomba Praimeri, Luteran Dei Praimeri na Kusbau Praimeri.

Long makim ol skul na ol sumatin, Deputi Hetmasta bilong Tusbab Sekenderi Peter Kenjue i bin tok leit Pop John Paul 2 i bin laikim ol yangpela pipel.

Na em bin tok tenkyu long ol skul, maski ol i no Katolik, long kam long lotu bikos ol i givim luksave long em tu olsem wanpela

bikpela wol lida.

Em i tok leit Pop i bin plen long stap long intanesenel bung bilong ol yut we bai kamap long Ailan long dispela yia tasol bai nogat nau.

Em bin tok long laip na wok bilong em, Pop i bin laik bringim gutpela sindaun na fridom long dispela wol we i gat bikpela jeles na kros pasin. Na em bin laik stap na sapotim ol yangpela bikos em i lukim ol olsem ol lida bilong tumora.

Long wankain taim tu, Santu Peter Sanel Praimeri skul long Nesenel Kapitel Distrik i bin holim misa lotu long tingim na tok tenkyu long laip na wok bilong leit Pop.

Asbisop Sir Brian Barnes bilong Pot Mosbi Katolik Asdaiosis i bin go pas long dispela lotu we ol sumatin na tisa bilong Sen Peter's yet i bin plenim na go pas long lotu long en.

Long Is Nu Briten ol bin holim ol spesel lotu long ol Katolik peris na skul.

Santu Charles Borromeo Peris long Kenabot long Kokopo i bin brukim tumbuna selmani bilong ol long givim luksave bilong ol long leit Pop.

Long kastom pasin bilong ol Tolai pipel, ol i save wokim dispela taim ol bikman bilong ol i dai olsem mak bilong luksave long ol. Bihain long lotu, ol bin sindaun kaikai bual, ol arapela kaikai ol i kukim na serim na brukim dispela ol selmani.

Ekting siaman bilong peris Lawrence Palto i bin tok long Jenerel Asembli bilong sios las yia, leit Pop i bin singaut long strongim kalsa na kisim kalsa i go insait long sios.



• Misa lotu bilong leit Pop John Paul 2 long Sen Mary's katitrel long Mosbi. Foto: PAUL ZUVANI

1.1 bilien memba bilong katolik sios long wol i gat nupela Pop



• Pop Benedict 16.

LONG bikmoning aste Trinde bihain long tupela de bung bilong 115 Kadinel long Vatiken, Rom, tok i bin kamap olsem sios i gat nupela hetman.

Em long Kadinel Joseph Ratzinger i gat 78 krismas. Em i bilong Jemeni husat i bin raithan man bilong Pop John Paul 2 long planti krismas.

Nau ol i kolim em, Pop Benedict 16.

Moa long 100,000 pilgrim husat i bin pre na wet ausait long Sen Peter's Skwea long Vatiken i bin harim nius long nupela Pop. Ol i amamas long nius na tu, ol i gat ol wan wan tingting bilong ol long nupela Pop, bihain long Pop John Paul 2 we wol i bin givim bikpela luksave long en olsem wanpela strongpela na gutpela wol na sios lida.

Hia em ol ripot long ol samting i bin kamap bipo ol

Kadinel i makim nupela Pop. LONG dispela wik, wol i bin wet long nupela hetman bilong Katolik Sios.

Ol Kadinel i karimaut vot insait long bung ol i kolim "conclave" long Sistine sapel long Vatiken, Rom.

Namba wan sain i kamap long Tunde bihain ol Kadinel i kisim namba wan vot na blekpela smok i kamaut long smok paip bilong sapel we i toksave long ausait wol olsem i nogat nupela pop yet.


Tasol nau, wol i harim pinis nius bilong nupela Pop.

Stat long dispela wik Tunde, ol 115 Kadinel we krismas bilong ol i stap aninit long 80 yia i stap insait long Sistine sapel na pre na wokim vot long nupela Pop husat bai kisim ples bilong leit Pop John Paul 2 we wol i luksave long em olsem wanpela top Pop insait long histri bilong ol Katolik Sios Pop long wol. 117 Kadinel i sapos long vot tasol bikos tupela i sik, 115 tasol i sindaun long "conclave" na votim nupela Pop.

Long statim dispela sikret vot, ol Kadinel i bin wokim misa lotu long prea long stia bilong Holi Spirit taim ol i wokim dispela vot.

Nau ol Kadinel bai stap

long ples i lok na ol bai no inap go ausait. Nogat niusman bai toktok long ol, bai nogat redio o TV o telipon, ol i no inap toktok long wanpela arapela long husat bai ol i vot long en. Ol bai stap olsem long pre na vot, bihainim kastom bilong sios long bipo yet inap ol i makim wanpela long ol i kamap Pop. Wol bai wet i stap na taim tasol ol i lukim waitpela smok i kamaut long Sistine Sapel we ol Kadinel i bung i stap, em i toksave olsem Katolik Sios i gat nupela hetman.



• Asbisop Piero Marini i pasim dua bilong Sistine Sapel long ol Kadinel i statim ileksen bilong nupela Pop.

Planti toktok i kamap long husat tru bai kamap Pop. Ol midia ripot i kamap na tok nupela Pop i gat bikpela salens long traim kamapim namba aninit long sedo bilong wanpela long ol biknem Pop long histri bilong Katolik Sios.

Long olgeta Kadinel long wol we mak i stap long 170, Leit Pop i bin makim 115 Kadinel. Na long 115 husat i vot i stap, tupela tasol em leit Pop i no makim ol. Kadinel Josef Ratzinger em bos bilong ol Kadinel i wanpela long ol.

I bin gat planti toktok

olsem Kadinel Ratzinger em man we i gat bikpela mak long kisim ples bilong Pop tasol sampela ripot i tok i gat sampela lain we i no saposim em long wanem ol i tok em i het strong long holim pasim ol kastom bilong sios we i mas traim long go insait long senis long sampela samting bihainim ol senis long dispela nupela wol.

Sampela ol nem i kamap long resis bilong nupela Pop insait long tupela wik i go pinis i kam inap nau em: Kadinel Oscar Rodriguez Maradiaga i gat 62 krismas. Em i Kadinel bilong Honduras long Saut Amerika, Francis Arinze i gat 72 krismas bilong Nigeria long Afrika, Angelo Scola i gat 63 krismas bilong Venice long Itali, Dionigi Tettamazi i gat 71 krismas em Asbisop bilong Milan long Itali, Joseph Ratzinger i gat 78 krismas bilong Jemeni na i bos bilong bung bilong Kadinel na Bos long ol Lo bilong Sios, Giovanni Battista Re i gat 71 krismas bilong Itali, Jorg Mario Bergoglio i gat 68 krismas na i bisop bilong Buenos Aires long Argentina, Claudio Hummes i gat 70 krismas husat i asbisop bilong Sao Paulo long Brazil, Dario Castrillon Hoyos i gat 75 krismas bilong Kolombia long Saut

Amerika na Godfried Danneels i gat 71 krismas bilong Belgium.

Wanpela long ol dispela Kadinel bai kamap Pop. Tasol nogat man i save



• Kadinel Christoph Schoenborn.

husat tru bikos olsem leit Pop, i ken wanpela we i nogat bikpela namba i ken kamap olsem lida bilong sios.

Olsem ol Kadinel i tok, em bai samting bilong Holi Spirit long stiaim ol Kadinel long makim nupela Pop.

Tru tumas, waitpela smok i bin kamaut long Sistine Sapel na ol Katolik pilgrim husat i bin bung ausait long Sen Peter's Skwea i bin namba wan long harim na lukim nupela Pop.

Na bihain, wol i bin lukim long TV taim nupela Pop Benedict 16 i givim blesing bilong em long ol pipel antap long windua bilong Sen Peter's Skwea. Ritim stori bilong em long ol arapela pes long dispela niuspepa.



Lotu Wantaim...Gavana Jenerel Sir Paulias Matane (lephan) i lotu wantaim ol lain bilong Marimari Luteran Kongriksen long Gordons, Nesenel Kapitel Distrik. Em i toktok wantaim Pasto Gundu Karl, Bisop Sommy Setu na Palamen memba bilong Kerema Ekis Ropenau. Foto: OPIS BILONG GAVANA JENEREL

Namba wan man PNG bai go pas long Salvesen Ami Sios long Papua Niugini

SALVESEN Ami Sios long PNG bai i gat namba wan asples lida bilong em taim Leftenen Kenel Andrew Kalai na meri bilong em Leftenen Kenel Julie Kalai i kisim wok long go pas long sios.

Nau tupela wantaim famili bilong ol i stap na wok wantaim Salvesen Ami long London, Yunaitet Kingdom Teritori.

Ol bai kamap olsem namba wan asples PNG manmeri long kisim posisen olsem lida bilong Salvesen Ami Sios insait long 49 sios i kirapim wok bilong em long PNG.

Leftenen Kenel Kalai na meri bilong em i bin namba wan Salvesen Ami Sios woklain tu long go wok long

ovasis posisen long Inglan.

Senis i kamap long lidasip bilong Salvesen Ami Sios long PNG bikos lida bilong sios long PNG i kisim nupela wok long Afrika. Em Kenel Trevor na Memory Tuck husat bai lusim PNG na go kisim nupela posisen olsem lida bilong Salvesen Ami long Saut Afrika Teritori. Ol bai statim nupela wok long June 1.

Wantaim dispela senis long lidasip bilong sios long PNG, Leftenen Kenel Andrew na Julie Kalai bai kisim ples long go pas long Salvesen Ami Sios long PNG.

Ol bai kisim nupela taitel olsem ol ful Kenel taim ol i statim nupela wok bilong ol.

Bagarapim ring olsem mak bilong pinisim lidasip

"RING bilong Fisaman" i save karim mak bilong lidasip long moa long 1.1 bilien Katolik pipel long wol we leit Pop John Paul 2 i bin putim long han bilong em long 26 yia na planti millen pilgrim i save kisim olsem mak bilong luksave em ol bin rausim na bagarapim insait long wanpela seremoni long wiken.

Ol i wokim dispela bilong pinisim mak bilong lidasip bilong leit Pop na dispela i save kamap long olgeta ring we ol Pop i save werim taim ol i dai. Dispela i stopim tu ol arapela lain i yusim dispela ring long ol sampela pepa bilong Pop.

Ol Kadinel i bin bung long las wik Sarere long pinis bilong 12-pela bung bihain long Pop i bin dai na bipo ol i sindaun long wokim ileksen bilong makim nupela Pop.

Sinia Kadinel ol i kolim tu long kamelengo long dispela taim i bin bagarapim ring na sil we ol i yusim olsem sil o mak long ol opisel pepa. Mak long 143 Kadinel husat ol i kolim tu olsem "ol Prins bilong Sios" i bin stap long dispela seremoni.

Ol i save wokim nupela ring long olgeta nupela Pop. Ring i gat het bilong Santu Peter, em Fisaman na namba wan lida bilong Katolik Sios moa long 2,000 yia i go

pinis. Long dispela ring, ol i save raitim nem bilong Pop long tokples Latin, em tokples sios i yusim long ol wok bilong em.

Long dispela taim, Ring bilong Fisaman i gat nupela mining tu bikos ol pilgrim na ol memba bilong sios i save kisim long em long soim mak bilong luksave taim Pop i wokim raun bilong em long wol.

Nogat klia toktok i kamap long rot ol i bagarapim ring tasol long kastom bilong sios bilong bipo yet, kamalengo i save yusim silva hama long brukim pes long ring.

Man husat i bai putim dispela ring nau em


Pop Benedict 16, husat wanpela nait tasol i go pinis, i bin Kadinel Josef Ratzinger.

Pop Benedict i gat 78 krismas. Em i bilong Jemeni husat i bin raithan man bilong Pop John Paul 2 long planti krismas.

Moa long 100,000 pilgrim husat i bin pre na wet ausait long Sen Peter's Skwea long Vatiken i bin harim nius long nupela Pop. Ol i amamas long nius na tu, ol i gat ol wan wan tingting bilong ol long nupela Pop, bihain long Pop John Paul 2 we wol i bin givim bikpela luksave long en olsem wanpela strongpela na gutpela wol na sios lida.

Nius Bilong HIV AIDS

Tok Lukaut



wantaim
David
Ephraim

LONG yia 1987 ol dokta i bin painimaut long namba wan 6-pela manmeri husat i gat binatang bilong HIV.

Long dispela yia 2005 namba i bin go antap moa olsem long 10,000 na abrusim. Mi bin wokim wanpela wok painimaut long HIV/AIDS na tingting bilong ol yangpela na sampela bilong ol dispela yangpela i bin tok-tok wantaim mi na ol i tok olsem.

Long daunim na helpim long abrusim HIV/AIDS planti yangpela i bin singaut long gavman long kamapim planti rot bilong planti husat edukesen sistem i bin rausim ol long go hetim skul bilong ol.

Sampela singaut long gavman long wokim moa rot i mas op long ol yangpela i ken wok olsem long agrikalsa, pis industri, kalsa ats na planti samting we ol yangpela i ken wokim long traim helpim ol yet.

Gavman mas strongim yut kaunsel na sanapim dipatmen bilong yut yet. Na i mas i gat minista bilong yut.

Ol sios mas wok bung wantaim gavman long kamapim rot bilong helpim ol yangpela.

Singaut long nius grup long kamapim ol rot we ol yangpela ken toktok na kamautim ol tingting hait bilong ol.

Yes em ol sampela tingting bilong ol yangpela tasol sampela i nogat yet long ol wain lain bilong ol yet olsem.

Sapos yu laikim gutpela sindaun bihain inap long sutim tok nabaut na traim lukim yet gut na kamapim rot long helpim yu yet. Dispela em tru tru samting we ol yut i laikim.

Long lukluk bilong mi, mi lukim olsem planti ol bikpela manmeri i wok long ekting olsem yut.

Na mi laik singaut long ol yangpela sapos yu laikim senis statim wantaim yu yet.

Long daunim na abrusim birua HIV, na ol arapela samting we i wok long bagarapim laip bilong yumi ol yut.

Yumi mas helpim yumi yet. Traim long wok bung wantaim.

Yes mi stap long helpim kamapim ol gutpela rot bilong strongim kain manmeri olsem yu.

Yu ken ringim mi long telepon: 323 0166 o sapos yu gat email rait i kam long mi long Ephraim.david@gmail.com

Tok Lukaut

YES mi laik tokaut liklik long wanpela askim mi save harim olgeta taim: "Wanem rot bai mi kamapim long abrusim HIV/AIDS?"

Long abrusim dispela binatang em i stap wantaim yu yet. Mi bilip yumi olgeta man na planti pasin traim i ken kamap na yu asua bai yu kisim binatang HIV.

Bikpela samting yu ken wokim em lainim planti moa long dispela binatang HIV/AIDS.

Taim yu lainim moa tingting bilong yu bai klia na yu ken wokim gutpela disisen long taim bilong marit o bel i kirap long slip wantaim narapela man o meri.

Planti ol dokta i tokaut olsem karamap em wanpela rot bilong helpim long stopim ol kainkain binatang nogut bilong sik long slip wantaim, olsem gonorea, HIV na planti moa. Em sapos yu yusim gut.

Bikpela samting em i stap wantaim yu yet. Sapos yu no lainim moa nau nogut bai yu kisim o kisim pinis bikos yu no klia.

I gat ol lain we i save givim skul bilong helpim kain lain olsem yu long save long HIV/AIDS.

NCD Provinsel AIDS Kaunsel em wanpela bilong ol ringim ol long telepon 323 0166 o kam lukim ol long Boroko insait long PNG Fire het kwata klostu tasol long Welfea opis o go lukim Stop AIDS PNG long Waigani i stap baksait long Mobil Sevis Stesin.

Go lukim Nesenel AIDS Kaunsel klostu long Lamana Hotel. Ol i gat risos senta we olgeta ripot na buk bilong HIV/AIDS i stap. Go na lukim ol nau.

Spakbrus kamapim bikpela mental helt hevi

Veronica Hatutasi i raitim

SPAKBRUS i as long planti mental helt hevi we Mental Helt seksen bilong Helt Dipatmen i luksave long en.

Na strongpela toktok i go long ol yangpela pipel long noken kisim ol spakbrus tasol lukautim ol yet gut na kamap ol gutpela manmeri bilong PNG.

Dispela toktok i kam yet long Nosing Sista Doris Pairuva husat i wok long Laloki Saikietrik Haus Sik, o haus sik bilong ol lain husat i gat sik long het, ausait long Mosbi olsem wanpela long ol nes i save lukautim ol pipel i gat mental helt sik o sik long tingting bilong ol.

Wantok Niuspepa i bin bungim Sista Pairuva long Nesenel Helt Ekspo.

Planti yangpela pipel na tu, ol bikpela manmeri na ol marit i bin kisim helpim bilong ol woklain bilong mental helt taim ol bin toktok wantaim ol woklain long ol hevi ol i bungim. Na ol woklain i bin sindaun wantaim ol na givim ol tok klia na tok stia long ol rot we ol i ken daunim ol hevi ol i gat long en.

Nau em i wok long kamap klia olsem ol hevi long mental helt eria i bikpela wari na i wok long kamap bikpela, winim ol yia bipo. Na em i kamap olsem wanpela sik we ol i mas lukluk long em olsem ol arapela sik.

Ol sik i sut long mental helt i save kamap long manmeri taim ol i wari planti long ol hevi long famili, wok, marit laip, ol arapela hevi na wari bilong komyuniti, ol sumatin i wari long skul na bihain taim na moa olsem.

Laloki Saikietrik Haus Sik ausait long Mosbi em haus sik we ol manmeri i gat mental helt hevi i save go long en. Planti tu em ol yangpela man we spakbrus i bagarapim ol. Ol helt woka na ol save woklain long dispela hevi i save lukautim ol long ol progrem ol i gat long dispela kain sik na wantaim tu marasin inap long ol i kamap gut.

"Mipela i kisim planti lain wantaim ol sosel hevi. Mak i go antap moa long ol



• Sista Pairuva (lephan) wantaim ol arapela woklain bilong Mental Helt woklain. Desk bilong ol i bin bisi stret long taim bilong Nesenel Helt Ekspo so long Mosbi tupela wik i go pinis. Foto: VERONICA HATUTASI

hevi mipela i kisim na lukim long dispela eria. Kisim mariwana o spakbrus na hevi i kamap bikos dispela i moa yet," Sista Pairuva i tok.

Em i tok planti yangpela we i go long Laloki Saikietrik Haus Sik em mariwana i bagarapim ol. Na em i tok as long ol yangpela i kisim spakbrus em "peer pressure" o ol i stap insait long grup na ol poroman na ol i wokim wankain samting we grup i wokim na dispela i min olsem ol i kisim spakbrus na ol arapela samting moa. Ol arapela as we ol yangpela i kisim spakbrus em traim abrusim wari long ol hevi i kamap long famili we papa i lusim famili na narapela em long kisim strong long wokim stil pasin bikos ol i sot long kaikai na mani, Sista Pairuva i tok.

Olsem na em i wokim strongpela toktok i go long ol yangpela olsem "laip bilong ol i stap long han bilong yupela tasol i moa-beta long yupela i noken kisim spakbrus. Stap gut na groap long kamap ol gutpela manmeri bilong dispela kantri."

Sista Pairuva i tok Laloki i save kisim planti yangpela man krismas bilong ol i stap namel long 13 na 30 yia husat i gat hevi long mariwana. Ol i save lukautim ol na givim marasin na helpim ol i kamap orait.

Em i tok insait long wanpela yia, haus sik i save kisim 10-pela nupela mental siklain. Na em i save lukautim namel long 12 na 20 mental siklain long wan wan yia tu. Sampela bilong ol em ol bin slip pinis long haus sik na ol i go bek long ples tasol ol i go bek gen.

Long wankain taim tu, ol woklain i luksave olsem masrum ti i ken stopim strongpela laik bilong kisim spakbrus. Olsem na senta (Laloki) i plen long wokim masrum ti na givim long ol yangpela husat i go long haus sik wantaim spakbrus hevi.

"Masrum ti i ken stopim bikpela laik long smok na mipela i plen long kamapim masrum ti long senta na givim long ol siklain long stopim laik bilong ol long smok na isi isi, ol bai lusim smok," Sista Pauline

Ol meri mas sekim ol yet long kensa bilong susu

OL MERI i ken sekim susu bilong ol yet olgeta mun long kensa bilong susu. Na ol i ken wokim dispela bihain long sik mun bilong ol, dokta bilong ol meri em Grace Kariwiga i tok.

Long dispela taim, yumi lukim planti meri i wok long kisim na dai long sik kensa bilong susu.

Dokta Kariwiga i tok em i nogat klia mak long hamas meri stret long Papua Niugini i save kisim na dai long sik kensa bilong susu bikos ol rekot i stap wantaim Pot Mosbi Jenerel Haus Sik. Tasol em i tok long ol rekot bilong Patoloji seksen, insait long 1,000 meri, 5-pela bilong ol i gat kensa bilong susu.

Em i tok planti long ol meri i gat sik long kensa bilong susu em ol dokta (surgeon) bilong katim man long haus sik i save lukim ol.

Ol dokta long wol i no painimaut yet as long kensa bilong susu i save kamap tasol long planti, sik i stap insait long famili na em i save kalap long narapela bihainim famili. Narapela tingting em sapos ol manmeri i kaikaim planti gris bilong animal, em bai isi long kisim dispela sik.

Dokta Kariwiga i askim ol meri

long go kwiktam long haus sik sapos ol i wari olsem ol i kisim dispela sik.

"Kensa bilong susu em i wok long kamap olsem wanpela bikpela hevi long ol meri PNG. Tasol planti i save kam leit long haus sik na ol dokta bai ino inap long helpim ol tumas.

i moabeta long ol meri i glasim gut susu bilong ol na sekim sapos ol i pilim solap long susu. Sapos yes, go kwiktam long haus sik na dokta o nes bai sekim yu. Na i moabeta long wokim sekap bihain tu long lukim sikmuns," Dokta Kariwiga i tok.

Em i tok long dispela taim, moa meri i wok long kamaut na sekap long dispela sik na olsem, yumi luksave long sik moa long dispela taim winim ol arapela taim bipo.

Wantaim sik long bilum bilong bebi i slip long en (cervical cancer), kensa bilong susu em ol sik bilong ol meri we i kamap long ples klia long sotpela taim nau na i wok long kamapim wari long planti yangpela meri na ol mama long PNG.

- Veronica Hatutasi

Bihainim Mama Lo na stap gut

...Nogat planti wok long ol greduet nau

YUMI i mas save long rait bilong yumi insait long Nesenel Konstitusen o Mama Lo bilong kantri na dispela bai helpim yumi long kamap ol gutpela pipel bilong kantri.

Dispela em i as tingting Nesenel Kot Jas, Catherine Davani i givim insait long toktok bilong em long namba 50 greduesen bilong Yunivesiti ov Papua Niugini (UPNG) las wik Fraide.

Jas Davani i tok; "Yupela i kisim pepa bilong yupela long wan wan samting yupela i skul long en tasol bai yupela olgeta i painim wok long dispela eria yupela i gat save long en o nogat?"

Em i wokim wankain tok olsem Vais-Sansela bilong UPNG, Pofesa Les Eastcott we em i tok wanem bipo i gat planti wok tasol nau wok i no i nap long olgeta sumatin husat i pinis long skul i ken kisim.

Jas Davani i tok olgeta i

mas bihainim Mama Lo bilong kantri bai ol i ken stap gut maski ol i no painim gut wanpela wok yet.

Em i tok aninit long mama lo bilong kantri yumi olgeta i gat rait olsem sitisen o ol lain husat i save stap long Papua Niugini long mekim o yusim save bilong ol long helpim ol yet na tu long developmen bilong kantri.

Jas Davani i tok tu olsem dispela em namba 50 greduesen bilong UPNG na ol i mas amamas olsem ol i kamaut long wanpela bikpela yunivesiti insait long kantri.

Moa long 1000 sumatin i bin greduet we i lukim ol i kisim ol diploma, digri na ol doktret pepa bilong ol, tasol olsem Jas Davani i tok, planti bilong ol bai i painim hat yet long kisim ol wok bikos wok i sot.

- Andrew Molen

Bikpela Fomu-Eifo pait kirap gen

TUPELA lain wanpisin i redi nau long kirapim wanpela bikpela pait wantaim ol strong-pela gan insait long Onumega eria long Kainantu distrik bihain long 8-pela haus i bin paia long las wik Sarere.

Dispela hevi i redi long go bikpela nau bihain long ol lain Fomu wanpisin i kukim 8-pela haus bilong ol lain Eifo we i lukim ol manmeri na pikinini i ronawe na slip hait nabaut insait long bus.

Ol dispela haus i bin paia long wanpela liklik haus lain long Kamagafangka we i lukim ol manmeri long haus-lain i lusim olgeta samting olsem ol klos na plet, kap insait long dispela paia. Ol manmeri i ronawe na hait nabaut insait long bus.

Ripot i kam long ol manmeri i lukim samting ya i kamap long dispela eria i tok olsem ol lain Fomu paitman i karim ol gan ol i wokim long fektori na ol narapela samting bilong pait wantaim olsem spia na bunaro na wokabaut i go long dispela hauslain long bikpela moning tru na kamapim dispela hevi.

Em i tok nau yet tupela sait i

redi gen long kirapim bikpela pait long dispela eria.

Tupela lida bilong tupela sait em David Kaneo bilong na Osi Nane bilong Fomu, tupela i bin go long Goroka long kisim Isten Hailans Polis Komanda, Philip Solala, long go na stretim toktok wantaim tupela lain birua na pait i ken pinis.

Insait long ripot Wantok Niuspepa i kisim, em olsem ol lain Fomu i holim pas tripela yangpela man bilong ples Eifo.

Wanpela man husat i gat ka em nem blong em Dominic Osin Nane wantaim boskru bilong em ol lain Fomu i holim i stap.

Wanpela Seven De Etventis pasto i mekim gupela wok stap namel long lusim ol manmeri i go fri. Tasol bel-hevi namel long dispela tupela lain birua i stap yet. Olsem na ol Sarere pait i kirap gen.

Planti ol gupela saveman i stap insait long Keitu husat i gat ol bikpela bisnis na ol kopi blok na plentesen. Tasol dispela hevi bilong pait tasol i save bagarapim ron bilong bisnis insait long dispela eria.

I gat top-ap skul i stap long

Onemug na tu wanpela nasing skul na komyuniti skul i stap tasol tupela hauslain pait i wok long bagarapim sindaun bilong ol pipel long dispela eria.

Dispela pait i bin stat 1990s tasol i stop gen. Tasol i no long taim em kirap gen.

Insait long dispela pait long bipo moa long 30 manmeri i bin dai long dispela birua.


Ol lain husat i stap insait long dispela pait i mekim bikpela singaut nau long PPC bilong Isten Hailans na provin-sel gavman long kwiktaim lukluk i go insait long dispela hevi na traim stretim.

Ol i askim ol lain sios tu long yusim pawa bilong ol long stretim toktok namel long dispela tupela lain birua.

Dispela em i bikos nau yet em kopi sisen long Hailans na ol lain long Onemuga i laik kisim sevis na tu salim ol kopi bilong ol na lukautim sindaun long komyuniti na hauslain.

Tasol sapos dispela pait i kirap gen em bai bagarapim ol stret na sindaun bilong planti arapela lain tu.

Meri saintis stadi long pipia wara bilong kopi fektori



• Mis Oksap i wok i stap. Foto: JAMES KILA

James Kila i raitim

WANPELA yangpela meri bilong Isten Hailans provins i no long taim i go pinis i bin greduet long wanpela bikpela yuni-vesiti long kantri Ingran wantaim wanpela Mastas Digri long eria bilong Weis Menesmen.

Susan Oksap i bin go skul long Ingran long Oktoba 2002 aninit long Yuropien Yunien (EU) skolasip we em bin stadi long Institut ov Baiosaina na Teknoloji long 14 mun olgeta. Bikpela pepa o tisis em Mis Oksap i bin raitim em "Biobeds for potential Treatment of Contaminants in Coffee and other Waste Water". Long Tok Pisin, dispela i min olsem bet bilong stretim ol hevi bilong kopi na ol arapela rabis wara.

Insait long dispela 14 mun stadi bilong

em, Mis Oksap i bin stadi long ol kain rot bilong yusim baiobeds long stretim ol pipia kopi wara insait long kopi bisnis long PNG.

Mis Oksap i tok wanpela bikpela hevi i stap nau long ol rabis wara i kamaut long ol kopi fektori na i ron i go aut long long ol liklik han-wara na riva sistem i gat bikpela nod o luksave nau long develop-im o karimaut wanpela teknoloji o rot bilong stretim dispela hevi.

Dispela sistem go gut o poroman wantaim bus, graun o envaironmen na em i mas gupela long ol bikpela sekta insait long kopi indastri em ol bikpela blokholda na plentesen, em i tok.


Dispela em bikos dispela hevi bilong pipia wara i save kamaut long wet fektori we i save prosesim ol kopi seri long en, em i tok.



PNG POWER LTD I LAIK TOKSAVE LONG OL PABLIK OLSEM EM I TAMBU TRU LONG STILIM PAWA LONG OL DISPELA KAIN ROT:-

1. BAGARAPIM OL MITA
2. WOKIM OL KONEKSEN BILONG YU YET
3. KISIM PAWA LONG EKSTENSEN KOD LONG HAUS BILONG OL NARAPELA LAIN.

SAPOS OL PNG POWER WOKMAN I PAINIM YU OL BAI KISIM YU GO LONG KOT NA I GAT BIKPELA MEKIMSAVE LONG DISPELA KAIN STIL PASIN. SAPOS YU WOK LONG STILIM PAWA YU MAS STOPIM DISPELA PASIN NA BAIM BIL BILONG YU STRET O LUKIM PNG POWER NA APLAI LONG KONEKTIM GUT.



Salim ol pas i kam
long WANTOK
NIUSPEPA: P.O.
Box 1982, Boroko
N.C.D 111
Fax: 325 2579
Email:
word@global.net.pg

Tok amamas long nupela edita bilong Wantok

Dia Edita,

Mi laik raitim pas i go long *Wantok Niuspepa* na tok amamas long Neville Choi bipo em i wok long Independent Niuspepa na bihain em i wok olsem deputi edita long Wantok we ol i bin makim em pinis olsem nupela Edita bilong Wantok.

Tenkyu na tok amamas i go long ol Bod na menesmen long luk-save long Neville Choi na makim em olsem em i gat moa save na ekspirians bai em lukautim dispela tok pisin niuspepa bilong mipela na ol wan solwara ol pasifik tu.

Mi laik salim tok amamas i go long olpela

edita Yakam Kelo long stap long taim na wokim planti wok long maketing na promosen bilong dispela niuspepa long las 10-pela yia.

Planti ol pas bilong mi tu em Yakam Kelo i save putim long ol niuspepa na mi wisim yu gud lak long wanem wok yu kisim bihain.

Mi laik wok klostu wantaim nupela Edita Neville Choi na promotim *Wantok* long ol ples long Is Sepik provins sapos *Wantok* ken givim mi sans.

**JOHN KRIOSAKI
WEWAK
IS SEPIK PROVINS**

Lida mas painim pati bilong em yet

Dia Edita,

OLSEM wanpela eksekutiv memba bilong People's Action Party (PAP), mi laik putim aut sampela tingting bihainim pres rilis bilong Yarka Kappa long 22/03/05 long makim nupela lida bilong PAP.

Mista Kappa i save kamapim planti samting we i no stret planti taim. Mipela i mas rausim em taim mipela i bung long dispela mun Epril.

Em i bin kisim Difens ministri taim em i joinim PAP. Em i bin stap wantaim independen grup. Bihain em yet i bin wokim disisen na joinim oposisen. Nau em i

kam bek na i laik traim long kamap pati lida bilong PAP.

Mi singaut long ol memba bilong eksekutiv kaunsel long rausim em long pati taim mipela i bung long Epril 17, 2005, long gutpela bilong pati.

Dispela bai i givim Mista Kappa sans long go aut na kamapim pati bilong em yet na kamap olsem palamentari wing lida.

Em i mas pinis long People's Action Party.

**REMA MANDA
EKSEKYUTIV MEMBA
ENGA**

Yangoru-Saussia memba i mas stretim rot bilong Haniyak

Dia Edita,

Mi LAIK raitim dispela pas i go long *Wantok Niuspepa* na singautim Memba bilong Yangoru-Saussia long go long Haniyak viles na lukluk long stretim rot bilong Haniyak Namba 1 viles i go long Haniyak Namba 2 long Sepik Haiwe.

Planti ol mama, meri na pikinini i save painim hat tru long karim kaikai i kam ausait long bikpela rot. Mi laik askim memba long yusim EDF o Distrik

Sapot Gren mani bilong em long pinisim dispela rot. I gat wanpela pas mipela raitim i go long opis bilong Memba na Seketeri bilong Nesenel Ptening, Valentine Kambori, long painim mani na stretim dispela rot na nau 2005 ol Haniyak pipel i wet yet.

Dispela ples Haniyak i gat planti saveman na ol i mas i gat gutpela rot na gutpela sindaun.

**JOHN KRIOSAKI
WEWAK
IS SEPIK PROVINS**

Nait klab soim piksa nogut

Dia Edita,

Mi GAT sampela belhevi mi laik autim long pablik bai ol i mas save na lukim tu.

Mi wanpela man i no save amamas long lukim ol midia lain olsem EMTV, Post Courier na National wantaim ol arapela niuspepa tu we ol i save soim piksa i save soim man na meri i nogat klos long hap bodi bilong ol, olsem manmeri werim bra na pens tasol i save kamap long niuspepa na EMTV.

Pasin pamuk i kamap bikpela na pasin bilong reipim meri tu em long wanem midia lain i no save lukim gut ol advetaismen bilong ol.

Na dispela kain pasin i mekim na sik AIDS i kamap bikpela, inap bai ICCC na

gavman i glasim gut ol lain advetaismen tu o nogat?

Mi lukim olsem gavman na ol dona kantri na tu helt dipatmen i tromoi bikpela mani tru na tu turangu ol sampela NGO i tuhat na helpim long pait agensim dispela sik AIDS, tasol ol nait klab i wok long promotim sik AIDS long kilim ol planti manmeri insait long PNG.

Olsem na mi autim tingting na bel hevi bilong mi. PNG em i Kristen kantri. Inap bai PNG gavman na ICCC lukim dispela kain samting na pasim ol dispela kain nait klab.

**JOHN M. AINA
POT MOSBI
NCD**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu. -Edita

Nogat sevis insait long Ialibu distrik

Dia Edita,

Mi WANPELA manki long ples Mambi Rake insait long Ialibu Distrik long Sauten Hailans provins.

Mi laik tok olsem taim mi lukluk long distrik bilong mi Ialibu, mi nogat papa long lukautim dispela ples na kamapim nupela distrik olsem ol arapela distrik.

Dispela distrik em i stap olsem nogat papa long helpim na kirapim gen. Gavman i lus tingting na nogat sevis long en.

Memba bilong mipela Ialibu/Pangia ilektoret em i lus tingting na em stap long Mosbi.

Em i ting provins bilong em long Mosbi na lus tingting long ilektoret bilong em na i nogat sevis.

Long yia 2007 ol manmeri i mas sekim ol gutpela lida na makim gutpela man we em bai kisim sevis i kam long komyniti na distrik bilong yumi.

Em tasol mi autim wari bilong mi wantaim ol manmeri long ples.

**SAMSON KAIPU
IALIBU
SAUTEN HAILANS
PROVINS**

Ol baia long Nu Ailan i no baim gut kakao

Dia Edita,

Mi WANPELA manki Morobe tasol nau mi stap long Kavieng, Nu Ailan provins. Na mi laik autim wanpela bel hevi bilong mi i go long ol kakao baia insait long Kavieng, Nu Ailan provins.

Nau mi laik askim yupela ol baia insait long Nu Ailan, dispela 80t na 90t long wanpela kilo yupela i kisim long Kakao Bod o yupela i kisim we? Mak bilong Kakao Bod i sanap olsem K1.50 long wan wan kilo na i go antap, i no K1.50 na i go

daun. Mak we Kakao Bod i makim em i stap na yupela ol baia yupela i save giamanim ol kakao groa long liklik mani na bihain yupela i save kisim bikpela mani. Mipela ol groa i save harim long redio na lukim long Niuspepa olsem prais bilong kakao i go antap. Prais bilong kakao i winim olgeta kes krop insait long kantri. Olsem na mi laik tokim yupela ol baia olsem yupela i mas baim gut kakao we ol groa i bringim i kam long yupela. Yupela ol baia

yupela traim na baim gut kakao long mak we Kakao Bodi makim long en. Dispela i luk olsem yupela i wok long baim ol kakao long laik bilong yupela yet. Yupela i no ken kaikai kon tumas. Em tasol liklik bel hevi bilong mi i kam inap olsem.

Em tasol na yu husat brata o susa o kandre yu laik sapotim ol agensim, mi tok welkam tasol long Wantok Niuspepa.

**BABAK J. RAUVEVE
KAVIENG
NU AILAN PROVINS**

Yumi yet i save asua

Dia Edita,

TENKYU tru long givim mi liklik spes long bekim pas bilong brata ya bilong Sauten Hailans, em i tok strong long rausim pokis na hos res masin long PNG.

Mi laik bekim pas bilong em olsem:-

Yu na mi, mi tupela i gat dispela presen God yet i bin givim long tok inglis ol i kolim "sens". Dispela samting em yu yet yu lukautim bihain yu kisim narapela wantok bilong en em long "koman" na putim tupela wantaim bai kamap olsem "koman sens" na bihain kisim tripela hap tok long inglis ol i tok "stop and think". Sapos yu i gat dispela pinis, orait tingim yu yet, na kisim dispela hap tok ol i kolim "self" bihain ken putim arere long em hap tok ol i kolim "kontrol".

Nau yu mas yusim "komen sens" na bihain "stop and think". Tingim yu yet, meri bilong yu, pikinini bilong yu, haus bilong yu, kaikai bilong yu, tambu bilong yu, papamama bilong yu, pawabil na wara, na skin bilong yu, nau "kontrol". Okei kontrolim ai bilong yu, han bilong yu, lek bilong yu, wok bilong yu, mani bilong yu, na las tru em yu yet sindaun na lukim ol wantok ol i stap klostu long yu. Ol i kaikai gutpela kaikai, ol i putim gutpela klos, ol pikinini bilong ol i gat gutpela samting olsem TV gems o ol i gat VCD long haus bilong ol. Papamama i raun wantaim ol long Ela Bis o ol i raun long shopping, ol i baim gutpela ol samting na amamas, na yu? Bai yu pinis long hos res na pokis na disko, kirap long slip na lukluk long yu yet. Ol mani i pinis nau ol wantok i kam taim yu nogat mani. Yu askim ol wantok ol i no save go long pokis long 20 toea.

Em olsem yu fos nating tasol yu save wanem samting bai kamap? Em bai yu sem pipia tru. Bilong wanem? Bikos yu nogat "self kontrol" na nogat "koman sens" olsem na longlong na yu ting em i rong bilong gavman; yu ting olsem em i rong bilong "Geming Bod" tasol em i rong bilong yu yet. Noken putim sutim tok nating long Gavman. Gavman em "yu na mi" olgeta kantri long dispela graun ol i gat dispela ol samting bilong pulim ol turis na kisim liklik win mani (profit bilong Gavman. Tasol yumi yet ol pipel yumi no kontrolim gut dispela tingting (gift) bilong yumi wan wan. Ol hevi bilong dispela graun i stap. Tasol yu yet yu bosim tingting na famili na sindaun o laip stail bilong yu.

Pokis i no rong, hos res i no rong, yu yet. Yu rong nau bai yu sutim tok long husat? Olsem long buai, smok, mariwana, hombru, homeid gan, em ol i no kontrolim yu. Na yu wetim husat long stretim sindaun bilong yu? Husat? Nick Kuman em kontrolim yu o husat? Memba yu votim long Palamen bai kontrolim yu? Husat, pater o pasto o husat? Rivaival sios bai kontrolim yu?

Sori tru brata, yu na mi mitupela yet em papa graun na yu yet bosim famili, sindaun, kaikai na mani bilong yu na mi tu olsem. Mi gat famili bilong mi yet, mi papa na meri bilong mi em i mama bilong ol pikinini bilong mitupela. Mitupela mas sindaun, amamas stretim famili, kisim mani na skelim long baim skul fi, bas pe, yunifom, pawa bil, wara bil, telepon o haus ren.

Na hap mani em bai go we? Tingting gut na putim i go bek long haus mani (benk) bilong sapotim yu long lus wik long baim liklik skel kaikai bilong ol famili. I no bilong pokis o buai o smok o mariwana na hombru o amamas bilong graun. Tingting gut na yumi yet skelim gut sindaun i hevi o i no hevi skelim gut na karim dispela hevi i go nau. Sampela taim bihain nau bai dispela hevi bai i pinis na ol kain kain tingting bai stret gen. Bai yu lus tingting long dispela ol samting na bai yu kamap gutpela man bikos yu yusim "koman sens" bilong yu na bai yu i gat "self kontrol" bikos yu save "stop and think".

**AUGUSTINE VINARANG
POT MOSBI
NCD**



Momis bai go wantaim ol pipel

TUPELA wik i go pinis mi bin askim long dispela kolom olsem "Bai yumi kisim wanem kain gutbai long John Momis."

Dispela wik Tunde, Mista Momis i bin tokaut long ai bilong ol arapela memba bilong Nesenel Palamen olsem em i lusim sia bilong em olsem Rijnol Memba bilong Not Solomons Provins.

Em i risain bipo olsem Gavana bilong Bogenvil sampela wik i go pinis.

Mista Momis i tokim Palamen olsem em bai resis long sia bilong presiden bilong nupela Bogenvil Otonomas Gavman. Dispela ileksen i op pinis na ol ileksen bai ron ananit long Nupela Mama Lo bilong Bogenvil.

Mista Momis bai tude i sainim ol nomi-nesen pepa bilong em long Bogenvil.

Mista Momis i tok gutbai long Nesenel Palamen bihain long em i bin stap moa long 33-pela yia olgeta. Em i bin stat long makim Not Solomons Provins long taim bilong Haus ov Asembi long 1972.

Dispela em wanpela hatpela disisen Mista Momis i mekim. Mista Momis i gat longpela histori bilong PNG politis. Em i wanpela man husat i go pas long raitim mama lo bilong PNG. Tu em i gat longpela histori bilong Bogenvil politiks. Olsem mi bin tok tupela wik i go pinis, olgeta bus na



TOK PISIN
wantaim
PETER MAIME

wara long Bogenvil i save long dispela nem John Momis.

Mista Momis em wanpela lida husat i save bilip long pawa bilong ol pipel. Em i save bilip long ol pipel i mas stap long lukaut bilong disisen bilong ol yet.

Taim PNG i yangpela yet bihain long independens, em i pait hat long Nesenel Gavman i mas serim pawa wantaim ol provins. Long dispela as na ol provinsel gavman i bin kirap long ol provins. Bogenvil i bin go pas long kisim provinsel gavman bilong em. Mista Momis em papa bilong dispela sistem bilong Provinsel Gavman.

Liklik taim i go pinis, aninit long lidasip bilong Mista Momis wantaim Bogenvil Pipels Kongres lida, Joseph Kabui na ol arapela memba bilong Bogenvil Interim Asembli, i bungim ol Bogenvil pipel long ailan yet na ol arapela senta long kantri long kisim tingting long kirapim Bogenvil.

Bihain long Bogenvil Konstitusenel Komiti i raun na kisim tingting, ol i kamapim Bogenvil Konstituten. Long dispela konstitusen, Bogenvil i toktok long we em i laik lukautim em yet ananit long bikpela mama lo bilong PNG. Aninit long dispela lo, olgeta pawa bai stap long Bogenvil Otonomas Gavman. Foren Afes na Difens Fos tasol bai stap long lukaut bilong Nesenel Gavman.

Planti provins nau i ai gris long dispela nupela sistem bilong politiks bilong Bogenvil. I no long taim bai ol i krai long Nesenel Gavman long kisim wankain sistem bilong gavman olsem ol i mekim long taim bilong Provinsel Gavman.

Wanpela provins long kantri Indonesia, Aech Provins, i was klostu tru long Bogenvil. Ol pipel long Aech i laikim wanpela kain Otonomas Gavman long provins bilong ol.

Mi bin pinisim toktok bilong mi long tupela wik i go pinis wantaim dispela askim. Na mi laik holim pasim yet askim bilong mi. "Wanem kain gutbai Mista Momis i mekim long Nesenel Palamen bai yumi save bihain long taim bilong en i kamap?"

Tasol wanpela samting em i ken klia long yumi nau em, Mista Momis bai stap pas wantaim driman, tingting na laik bilong ol pipel bilong em long Bogenvil.

WANTOK KOMENTRI

Momis i soim rot

JOHN Momis, man husat i risain lusim wok nesenel politiks nau bai i go bek long givim save bilong em long strongim ol pipel long Bogenvil.

Na em i no go han nating. Em i go bek long stretim provins bilong em wantaim bikpela save em i kisim long moa long 33 yia insait long wok politiks long kantri.

Mista Momis yet bai i ken tok klia long wanem rot em bai wokabaut bihainim long go pas long ol Bogenvil pipel. Em i gat save na tu, em i gat nem bilong mekim dispela.

Pastaim long kantri i kisim independens long 1975, Momis i bin wanpela long ol namba wan PNG lida husat i bin sindaun long Konstitusenel Plening Komiti. Dispela komiti i bin makim rot long kamapim Mama Lo bilong kantri.

"Momis, man husat i bin skul pater, husat i stap insait long politiks inap long 33 yia, na husat i nogat wanpela nem nogut insait long kantri, i soim rot pinis. Nau mipela i mas bihainim."

Long dispela taim yet, Mista Momis i bin i gat tingting long skelim pawa insait long kantri bai pawa i mas i go daun long ol pipel insait long ol liklik ples.

Dispela tingting tasol i bin karim ol provinsel gavman.

Taim em i givim las toktok bilong em olsem Gavana bilong Bogenvil insait long Nesenel Palamen long Tunde long dispela wik, Mista Momis yet i tok olsem em i bilip long ol manmeri yet i yusim rait bilong ol long makim gavman ol i ting bai i lukautim ol.

Dispela tingting i bin klia taim em i sanap olsem Gavana bilong Bogenvil long opim ileksen wantaim opim bilong nominesen las wik Fonde.

Mista Momis i bin sanap wantaim lida bilong Bogenvil Pipels Kongres, Joseph Kabui.

Tupela man wantaim i bin soim pasin bilong tingim sindaun bilong ol pipel bilong Bogenvil yet. Dispela tupela man bai i resis long sit bilong presiden bilong nupela otonomas gavman bilong Bogenvil.

Tasol tupela yet i bin tokaut olsem maski husat long tupela i win, bai em i lukluk na painim ples bilong arapela long wok bung insait long dispela nupela gavman.

Dispela kain pasin tupela i mekim i soim klia olsem bel bilong tupela i stap wantaim ol pipel bilong Bogenvil tasol.

Ol lida long Nesenel Palamen yet i bin skruim dispela luksave. Planti i tokaut olsem sapos wan wan manmeri insait long kantri i bihainim pasin dispela tupela man i mekim, bai kantri i muv i go het.

Dispela pasin em bilong lus tingting long ol kros namet long yumi yet na wok bung long kamapim gutpela sindaun bilong olgeta manmeri, na kantri bilong mipela.

Momis, man husat i bin skul pater, husat i stap insait long politiks inap long 33 yia, na husat i nogat wanpela nem nogut insait long kantri, i soim rot pinis. Nau mipela i mas bihainim.

Lida i mas bihainim tok bilong God olgeta de

SAMPELA lida i gat planti wok tumas; Pol i stap lida na em i bin tok olsem, "Planti taim mi wok nait na mi no slip" (2 Korin 11:27; 1 Te 2:9)

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K140.00

US\$100.00

US\$80.00

US\$150.00

General Manager
Justin Hansu Kili

Editor
Neville Choi

Published by Jeremy Burgess and printed by Pacific Star P.O. Box 6817 Boroko NCD at allotment 13 section 38 Waigani drive, Port Moresby.

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out in the display advertisement form.

man i stap lida long wok bilong God na long manmeri em bai i gat dispela hevi long sampela taim.

Taim yumi kamap strongpela lida, God i lukim yumi olsem bikpela man. Olsem na em i no save mekim pasin long yumi olsem em i save mekim long ol yangpela lida.

Em i givim wok long yumi bilong karim hevi bilong ol pipel i stap yet long rot nogut. Olsem na sampela taim wok i bikpela tumas na lida plim olsem lida no inap.

Sampela taim lida sot long mani na lida sot long ol wokman bilong helpim em.

Arapela taim yumi mas helpim manmeri i bin pundaun na sampela taim ol manmeri i no wanbel long wok bilong lida.

Tasol yu lukim tok bilong Pol long 2 Korin 4:7-18. Ating yu tu inap



Ol prinsipol bilong gutpela lida
wantaim
Evangelist
OHARE JABERE

olsem. I tru ol lida inap karim planti hevi, tasol sampela taim hevi bilong wok bilong em i save kamap long famili na ol wantok bilong em.

Long wanem, ol i no save lukim blessing bilong God i kamap long wok bilong lida na ol i no mekim wok long ai bilong ol pipel olsem ol lida. Nogat.


Ol i mas mekim wok olsem wokman nating. Tasol gutpela lida bai i tingting long ol na i wok long strongim bel bilong ol long mekim wok bilong lida.

Taim Pol i bungim ol lida bilong manmeri bilong Efesas, em i tok olsem, "Nau mi putim

yupela i stap long han bilong God, na mi laik bai yupela i tingim tok bilong marimari bilong God. Dispela marimari em inap strongim yupela..." (Ap 20:32)

Sapos yumi lida i no lukim tok bilong God, orait bai yumi i no inap mekim gutpela wok olsem lida tru (Hi 5:12-14).

Lida i mas lukluk gut long tok bilong God (Buk Baibel) olsem man i kaikai strongpela mit na kaikai i tok bilong God i ken stap strong long tingting na laik bilong em. Na em i mas bihainim dispela tok long olgeta de long laip bilong em.



PASIFIK NIUS

Solomon Ailans: Wampela olupela minista bilong gavman i singaut long Palamen long kisim wampela indipenden odita, i no Pasifik Ailans Forum (Pacific Islands Forum) long lukluk gen long ol wok bilong Rijonel Asistens Misin i go long Solomon Ailans (Regional Assistance Mission to Solomon Ailans, RAMSI).

Olpela minista bilong agrikalsa, Alfred Sasako, i tok olsem i tru olsem Pasifik Ailans Forum em i nambawa bikpela oge-naisesen long rijon, tasol sapos em i kari-maut dispela bikpela rijonel wok bilong lukluk gen, bai i givim sans long ol manmeri long tubel o tingting kranks long ol.

Mista Sasako i tok olsem i moabeta long ol i noken mekim dispela wok, bai ol i holim yet dispela rispek ol manmeri i gat long ol.

Em i tok ru olsem bikos wampela man Australia i het bilong Pasifik Ailans Forum, dispela em wampela as pinis we ol manmeri i bai tubel na tingting kranks long dispela wok ol i laik mekim.

Vanuatu: Ol polis opisa husat i dring kava, wampela kain spak dring, long taim bilong wok, bai kisim bikpela mekimsave.

Nupela Polis Sevis Komisn i woklong traim long stretim polis fos.

Wantaim dispela tingting long mekim-save long ol polis opisa husat i dring kava long taim bilong wok, i kam ol narapela tingting tu, olsem long makim wampela seketeri we bai stap inap long 4-pela yia olgeta, na long lukluk gen long ol we bilong promotim ol opisa.

Siaman Leonard Bule i tokim minista George Well, olsem i gat bikpela laikim long lukluk gen na mekim ol senis long Polis Ekt long helpim nupela komisn long wok gut.

Mista Wells i tok strong long komisn long wok gut, moayet long sait bilong edministresen, opisa trening na we bilong promotim ol opisa.

Fiji: Ministri bilong Helt i tok olsem man ol i save kolim Docter Death o Dokta Dai i no wampela man husat i kisim trening long Fiji olsem sampela nius ripot long Australia i tok.

Sief Eksekutiv Opisa (CEO) bilong Ministri bilong Helt, Dokta Lepani Waqatakirewa, i tok olsem dispela dokta i no bin kisim trening long Fiji na nogat wampela hevi we dispela dokta i kamapim i mas bagarapim nem bilong Fiji.

Ol nius ripot bilong Australia i tok olsem Dokta Dai, husat ol polis i wok long mekim wok painimaut i go insait long en long Australia, em Jayant Patel. Ol polis i wok long mekim wok painimaut i go insait long wok bilong em bikos moa 14 sikiain husat i go lukim em long kisim helpim i kisim bagarap o i dai.

Patel i bin tren long kamap dokta long India, i bin wok long Yunaitet Stets bilong Amerika (U.S.A) pastaim long em i stat wok long Australia.

WOL NIUS WOL NIUS WOL NIUS



WOL NIUS WOL NIUS WOL NIUS

Stail Wilwil

Ol turis i ron long wampela tri wil wilwil o saiklo long Hanoi, Vietnam, long Epril 19, 2005. Kantri i wok long amamasim namba 30 anivesari bilong wampela pait em i bin winim agensim Yunaitet Stets bilong Amerika (U.S.A) long taim bilong woa.

Poto: Reuters/Kham



Soim Rispek

Presiden bilong Pakistan, Jenerel Pervez Musharraf, husat i wok long raun lukim Filipins, i soim rispek long fleg bilong kantri bilong em taim em i bin lukluk long ol soldia bilong Filipins long wampela seremoni bilong tok welkam long em long Manila long Epril 19, 2005. Em i wokabaut wantaim Presiden bilong Filipins, Gloria Macapagal Arroyo (Ilephan).

Poto: AP/Bullit Marquez



Karim Drag

Ol polisman bilong Indonesia i wokabaut wantaim tupela bilong ol 9-pela manmeri bilong Australia husat ol i tok i bin traim long karim drag i kam insait long kantri bilong ol.


Poto: AFP/FAIL/Made Karna



Basket

Andre Iguodala, wampela pilaia bilong wampela basketbol tim bilong Yunaitet Stets bilong Amerika (U.S.A), Philadelphia 76ers, husat i save pilai insait long Nesenel Basketbol Asosiesen (NBA) resis, i kalap long putim bal long basket long wampela gem agensim tim Milwaukee Bucks long Philadelphia. Ol 76ers i bin winim dispela gem we i bin kamap long Epril 18, 2005. Poto: Tim Shaffer/Reuters

WOL NIUS WOL NIUS WOL NIUS



WOL NIUS WOL NIUS WOL NIUS



Sekim Haus

Wanpela grup bilong ol meri Irak long Mosul, long i kros wantaim wanpela soldia bilong Yunaitet Stets bilong Amerika (U.S.A) husat i stap long Irak bikos dispela soldia, husat i save long tokples bilong ol na i wok long tanim tok bilong ol narapela soldia, i tokim em olsem ol i mas lusim haus bilong ol na larim ol soldia mekim wok painimaut insait. Dispela i bikos ol soldia i kisim ripot olsem ol man nogu i putim wanpela bom klostu long haus bilong ol long bagarapim ol soldia.

Poto: AFP/Cris Bouronde



Bas Paia

Ol volentia paia paita i sekim wanpela bas long Mande, Epril 18, 2005. Ol sumatin bilong yunivesiti i bin kukim dispela bas taim ol i bin soim kros bilong ol long pe bilong bas fe i go antap long Managua, Nicaragua. *Poto: AP/Esteban Felix*



Patrol

Ol soldia bilong Irak i patrol long wanpela fam long taun bilong Madain, 30 kilomita i go long saut bilong Begdad. Ol i bin painim wanpela fektori we ol man nogut i save mekim ol kar bom long hap. *Poto: AFP/Marwan Naamani*



Blek O Wait?

Wanpela man i yusim spai glas long lukluk long simni o hap bilong haus we i save larim smok bilong paia i kamaut, antap long Sistine Sapel Ing Vatikan Siti. Moa long 100,000 manmeri i wok long lukluk long dispela simni long lukim wanem kala smok bai kirap. Blek, em ol kadinel bilong Katolik Sios i wok long bung insait long hap, i no makim nupela pop yet. Wait em min olsem ol i makim nupela pop pinis. *Poto: AFP/Patrick Hertzog*



Sanap Was

Ol soldia bilong Kanada i patrol long ol rot bilong Kabul long Mas 9, 2005. *Poto: AFP/FAIL/Shah Maraj.*

James Kila i stori long kala bilong kalsa na wok NFI i mekim long strongim.

Wok bilong NFI strongim nem bilong PNG kalsa

WANPELA institusen long PNG we i wok long mekim gutpela wok tru long promotim kalsa na pasin tumbuna bilong yumi i go aut long ol manmeri bilong ol arapela kantri na ol saveman ovasis em Nesenel Filim Institut (NFI).

Dispela ol gutpela wok bilong ol long wokim ol lokel piksa we i stori long kalsa na ol tumbuna pasin bilong PNG i save pulim tru ai bilong ol manmeri bilong ol ovasis kantri na planti i save amamas tru long lukim ol gutpela piksa long laipstail bilong yumi.

PNG i gat moa long 800 tokples na planti kain kain kalsa bilong yumi we planti lain long ol arapela kantri olsem ol antropolojis o saveman husat i save glasim laipstail na kalsa bilong ol manmeri i save laikim tru long skul long en.

Na wanpela gutpela rot long soim na karim ol dispela samting i go long ol manmeri ausait long kantri em ol dokumentari o piksa i save glasim bihainim ol tru tru samting.

Dispela opis em bipo ol i save kolim 'Skul bilong Wokim Piksa' na em i save stap long Goroka taun long Isten Hailans provins.

NFI i save kisim sapot mani i kam long Nesenel Kalsarel Komisn (NCC) long karimaut ol wok bilong en.

Stori bilong NFI em wanpela sori stori tru bilong wanem long yia 1998 wanpela bikpela paia i bin kukim opis na filim studio bilong ol long Not-Goroka. Dispela hevi i lukim dispela opis i lusim planti ol samting bilong en tru we kos bilong en i antap tru. Planti ol filim bilong bipo i bin paia long dispela bikpela birua i bin kamap.

Dispela paia i no daunim wok bilong NFI o long dispela taim ol i save kolim ol yet olsem 'Skul bilong Wokim Piksa'.

Planti ol ovasis lain i save mangalim tru ol kain prodaksen o wok bilong NFI long sait bilong ol dokumentari filim ol i wokim. Dispela em bikos skul na trening Chris Owen i save kisim long ol dispela lokel lain filim meikas em i gutpela tru.

Wanpela kameraman o man husat i save kisim ol piksa long kamera Hillary Kafafi bilong Yangoru long Is Sepik provins i bin wok longpela taim liklik long NFI na i save gut long wanem kain ol wok i save kamap long hap na em i stori olsem dairekta bilong NFI.

"Chris em wanpela man husat i save laikim wok i mas kamap gut olgeta taim. Em i save givim moa taim long skulim mipela gut tru long

lainim ol samting gut na mipela i noken popaia long ol wok bilong mipela," Mista Kafafi i tokaut.

Chris Owen i stap moa long 30 kris-mas olgeta long PGN na em wanpela sempion man tru long wokim planti ol kain dokumentari piksa bilong PNG kalsa na pasin tumbuna.

Sampela ol piksa Chris Owen i mekim i bin winim ol intanesenel awot long wol. Em yet i wokim ol kain gutpela piksa olsem 'The Red Bowman', 'Man Without Pigs' na i no long taim i go pinis wanpela piksa we i winim intanesenel awot em 'Bridewealth for a Goddess'.

Dispela muvi 'Bridewealth for a Goddess' em Chris Owen i mekim long wanpela kain spesel seremoni o kastom long Westen Hailans provins. Em i wanpela sepsel kain dokumentari tru we i stori long las taim tru ol pipel bilong dispela eria i wokim dispela kain kastom na Owen i rekotim long filim olsem wanpela dokumentari.

Dispela dokumentari i winim intanesenel awot long kantri Frens insait long wanpela bikpela filim festival long Yurop.

Narapela piksa 'Man Without Pigs' i



• Buai bisnis em i stap long as bilong dispela piksa Chris Owen i mekim.

stori long olupela minista bilong edukesen, Dokta John Waiko na laip bilong em bipo wantaim ol lain famili na pipel bilong em long Binandere eria long Oro provins.

Dispela piksa i stori long laipstail na kastom tru bilong ol lain Binandere em Chris Owen i rekotim gut tru long filim.

Dispela ol piksa Owen i mekim i save winim tru lewa bilong ol intanesenel saveman husat i save skul long sait bilong kalsa na pasin tumbuna bilong ol lain indijines pipel long wol. Kantri bilong yumi i gat planti ol kalsa na tredisen i stap we planti ol lain i no



• Lucas Kaima em dispela man i stap insait long piksa 'Betelnut Bisnis'. Ol foto: JAMES KILA

save tumas, na narapela samting tu em ol pikinini bilong yumi tude em planti i no save tumas long ol pasin kastom bilong papamama bilong ol yet. Olsem na kain ol gutpela wok NFI i mekim em long holim ol dispela piksa olsem rekot long soim ol lain pikinini bilong yumi long bihain taim long pasin kastom bilong yumi.

Insait long ol yia i go pinis, Owen i

i mekim i save putim kantri bilong yumi PNG antap tru long ol ovasis lain husat i save lukim ol kain smatpela wok ol i mekim long Goroka.

I no long taim i go pinis, Owen wantaim ol lain bilong NFI i bin lonsim wanpela nupela dokumentari filim long Goroka em 'Betelnut Bisnis'.

Dispela nupela muvi 'Betelnut Bisnis' i stori gut tru long kain bisnis bilong salim buai na kisim mani long lukautim sindaun bilong ol wantaim famili bilong ol. Dispela piksa i stori long ol hatwok bikpela karekta o ekta long piksa, Lucas Kaima wantaim meri bilong em i save salim buai long liklik maket bilong ol long Goroka ol i kolim 'Sanap Maket'.

Dispela muvi i stori gut tru long ol kain pasin ol Hailans pipel i save mekim long buai bisnis na ol wok-abaut bilong ol long painim buai long nambis na karim i go bek long Hailans na salim long kisim mani.

Wanpela bikpela lain long kantri Amerika ol i kolim ol Filmmakers Library Incorporated i bin lukim 'Betelnut Bisnis' na i amamas tru long wok prodaksen bilong en.

Sue Oscar bilong FLI long Nu Yok i tok olsem: "Mipela i lukim dispela piksa na mipela i skin kirap stret long gutpela kala tru long sait bilong prodaksen bilong dispela piksa".


"Stori bilong dispela piksa em i gutpela na i gat moa intares. Mipela ol Amerika i save tasol olsem dispela samting betelnut i stap long wanpela singsing bilong Saut Pasifik, tasol mipela i no save olsem em i wanpela kain drak. Em olsem wanpela lain we ol i yusim long Midel Is na lain olsem koko lip em ol lain bilong kantri Peru na Kolombia i save kaikai," Sue bilong FLI i tok.

Dispela em ol lain bilong NFI i gat gutpela save long wokim ol piksa bilong PNG we ol manmeri i ken lukim na skelim laipstail na sindaun bilong yumi yet insait long kantri.

Insait long wanpela eksklusiv o tok hait tasol, Chris Owen i tokim *Wantok Niuspepa* olsem em bai kamapim nupela 'Tukana 2' muvi na dispela muvi bai karamapim stori bilong dispela bikpela sik nogut HIV/AIDS long Papua Niugini.


Ol lain wok manmeri bilong NFI bai stap baksait long Owen long mekim dispela piksa em mi bilip bai karim kaikai na winim tru lewa bilong planti manmeri insait long PNG.

Las wik tasol wanpela meri ekta Francisca Semoso i tokaut olsem planti manmeri long Bogenvil i bin laikim tru dispela piksa Tukana na nau ol i wet tasol long lukim namba tu hap bilong en.



• Long taim man bilong NFI Chris Owen em i man husat i mekim dispela piksa bilong buai.

Ol i save stap isi, tasol kain wok ol



MAN, GRAUN NA SOLWARA

Titi painim ples bilong malolo

TITI na Toto em tupela Leatherback (letabek) trausel. Wanpela famili bilong trausel we namba bilong ol i wok long go daun bilong wanem ol man i save stilim ol kiau bilong ol na tu, planti i save pas long ol umben bilong ol man bilong pulim pis. Tupela i klia long dispela hevi na olgeta de na nait ol i save stori long en. Tupela i bin bung taim ol i bin stap long wanpela gutpela gaden i stap long saut bilong Kwinslen, Australia na tupela i stap wantaim i kam inap nau.

Planti letabek trausel i stap long ol wara raunim Australia i save raun i go long ol arapela kantri i stap klostu olsem Papua Niugini na Solomon Ailans long karim kiau bilong ol. Janueri na Februari em ol mun bilong ol letabek trausel olsem Titi long mekim longpela wokabaut i go long ples mama i bin karim em long karim kiau bilong en. Toto i wok long war long em. Em bai go gut long nambis o nogat? Nogut em bai pas insait long ol umben bilong sampela pising bot? Klostu nau bai Titi i statim wokabaut bilong em. Toto i wok long helpim em long redi long longpela rot bilong em.

"Titi, lewa bilong mi. Sapos mi inap kam wantaim yu bai mi lukautim yu na karim yu go stret long ples bilong yu long karim kiau. Yu mas was gut. Yu mas hait taim yu lukim ol kain kain samting i drip antap long solwara. Putim yau long ol kain kain pairap na noken abrus na pas long ol umben bilong ol. Yu mas kaikai gut tasol noken abrus na lukim ol plastik bek na ting olsem em ol jeli pis. Nogut em i pas long nek bilong yu na bai yu no inap pulim win. Yu na mi i gat wok long skruim famili bilong mipela."

Titi i bekim, "Toto, lewa bilong mi, mi bai tingim olgeta hap toktok bilong yu na mi no inap pas long umben. Sapos birua i painim mi, mi bai salim tok long ol poroman bilong mipela insait long solwara. Mi mas go nau, mi ken lukim lait bilong san, gutbai Toto, mi mas wokabaut nau nogut mi abrusim taim."

Titi i tanim na swim i go. Toto i wari long en, tasol em i save em bai lukim em gen. Wanpela samting i paul liklik em ol letabek em ol bikpela trausel long solwara, tasol wanpela meri trausel i save poroman wantaim wanpela man trausel tasol.

Titi i pasim tingting pinis long kamap long Kamiali Nambis long Huon Gaip bilong Papua Niugini, ples we mama i karim em samting olsem 20 yia i go pinis. Ol trausel i save go bek long ples we mama i karim ol long karim kiau bilong ol gen. Em i tokim em yet olsem em i ken go daun long bik solwara long painim sampela jeli pis bilong kaikai.

Ol letabek trausel i ken swim hariap tru na ol i save wokabaut inap long 70 kilomita long wanpela de. Ol wok painim i soim olsem ol trausel i save yusim ol magnetic fil bilong graun long makim rot bilong ol. Ol i ken save ol i stap long wanem hap na bihainim save bilong ol long rot i go stret long nambis bilong ol. Titi i save olsem em i bihainim stret rot. Ol wara raunim dispela hap i klia long ai bilong em na em i save olsem em i kamap long Kamiali pinis.

an i wok long go daun. Em i makim 10 kilok long nait olsem taim bilong em long kam antap long nambis bilong karim ol kiau bilong em. Ol trausel i save laik karim kiau long nait bai ol i ken hait. Long sampela hap, em i save hot tru long san na san i ken kukim em sapos em i go antap long san. Em i bin makim wanpela gutpela hap, tasol em i mas klinim sampela hap bipo long em i makim wanpela gutpela hap.

Em i mas dikim hul i go daun gut long putim ol kiau bilong em. Em yet i makim olsem em bai karim ol kiau bilong em inap long wanpela aua na wanpela aua tripela ten minit long nambis, dikim hul na go bek insait long wara. Em i tingting, em bai karim hamas kiau stret. Em i tingim ol tok lukaut olsem ol man i save painim ol kiau bilong trausel bilong kaikai na em i amamas olsem nambis em i stap long en i stap klostu long wanpela ples tambu. Bai ol kiau bilong en i ken stap gut na bruk bihain. Bihain nau bai ol i stap ol yet, wankain tasol olsem em yet taim em i bin bungim Toto.

"...78, 79, 80 kiau olgeta." Nau em i karamapim gut. Em bai kam bek long dispela hap samting olsem 7-pela taim moa inap long olgeta tenpela de inap em i karim olgeta kiau bilong em. Em i tromoi sampela moa waisan antap long ol kiau na em i pinis.

Skin bilong em i tait nogut tru bihain long dispela hat wok inap long tupela aua olgeta. Nau em i mas painim kaikai. Em i driman long naispela jeli pis na em i mas swim i go aut inap 1000 mita samting long painim. Bihain long taim bilong em long karim kiau i pinis, em i tingting long stap raun long lukim ol pikinini bilong em.

Em bai samting olsem 45 inap 50 de pastaim long ol kiau i bruk, ol bai dikim waisan na ron i go long solwara long statim laip bilong ol yet.

PNG Institut kisim ol olpela musik rekoting bilong Sepik long Amerika

Don Niles i raitim

INSTITUT bilong PNG Stadi Musik Dipatmen i kisim bek pinis ol olpela rekoting long ol singsing, ol poto na ol arapela rot i sut long kalsa bilong ol provins bilong Sepik na Morobe we i bin kamap long 1937 yet.

Ol dispela samting i bin kam olsem wanpela presen i kam long Metropolitan Musium bilong Ats long Nu Yok siti long Amerika.

Dipatmen i bin kisim ol dijital kopi o CD long ol musik rekoting bilong lowa Sepik eria na sampela hap bilong Morobe.

Dispela em ol musik rekoting we wanpela grup bilong ol save-man bilong Amerika i bin wokim long 1937, klostu 70 yia i go pinis long wanpela sotpela raun bilong ol long Saut Pasifik we PNG i bin wanpela long ol.

Nem bilong dispela grup bilong Amerika em, "Crane-Peabody Museum Expedition".

Crane famili bilong Chicago em bin wanpela famili husat i gat planti hap mani na husat i bin laik painimaut ol nupela samting na go long ol nupela ples.

Olsem na taim Cornelius Crane i bin kisim wanpela liklik bot olsem presen, em bin kisim 8-pela pren grup long ol save-man na poroman long Fil Musiun long Chicago na Harvard Yunivesiti na ol i kalap long sip na raun i kam long Saut Pasifik. Ol i raun raun long Polinesia pastaim na bihain, ol i kam olsem long Melanesia na sua long Rabaul long Epril 1929. Bihain, ol i raun i go olsem long Sepik inap long Wara May.

Don Niles husat i go pas long Musik Dipatmen bilong Institut bilong PNG Stadis i tok

Institut i laki stret long kisim ol dispela rekoting we wanpela grup bilong Amerika i bin wokim long bipo taim yet. Musium ov At long Nu Yok i bin wok bung wantaim Peabody Musium bilong ol lain long Akioloji na Musik Stadi bilong Harvard Yunivesiti long Amerika yet na givim olsem wanpela presen i kam long Institut ol PNG Stadis.

Tru i gat ol arapela rekoting we ol Jemen na Britis lain i bin raun i kam long kantri bipo yet i wokim tasol dispela em i namba wan taim wanpela risets grup bilong Amerika i bin wokim long ol tumbuna samting bilong PNG.

Em i tok dispela i soim olsem long bipo taim yet, ol intanesenel lain i lukim PNG olsem wanpela gutpela ples bilong karimaut risets na i no bilong ol pipel bilong ol mama kantri (koloniel pawa) long dispela taim, tasol bilong ol pipel long ol arapela kantri tu.

Musik Dipatmen bai stretim ol dispela rekoting na ol arapela samting wantaim ol nupela dijital masin.

Nau skruim stori bilong dispela



• Pater Franz Kirschbaum i wokim ol rekoting long Marineberg long 1937. Lukim maikrofon kebol i go olsem long rekota na ol i yusim tu garamut long sampela rekoting.



• Pater (rait) wantaim grup i wokim rekoting na disk long wokim rekoting long en long Marienberg long 1937.



• Ol asples lain bilong Marienberg eria i wokim singsing na paitim kundu long 1937.

Ol Poto: INSTITUTE OF PNG STUDIES.

grup bilong Amerika na wok ol bin mekim long sotpela taim long yia 1937.

Wanpela SVD pater i bin stap pinis long Sepik na i bin helpim gut tru dispela grup. Em Pater Franz Kirschbaum (1882-1939) na em bin sindaun long Marienberg Misin stesen we em bin statim long 1913. Em i stap 20 yia pinis taim dispela grup bilong Amerika i go kamap long Sepik.

Dispela lain i bin kisim planti ripot long histri, ol atifek we i stap nau long ol musium long Amerika, kisim planti piksa, muvi na raitim ol stori. Maski ol i no rekotim sampela singsing, raun bilong ol i bin gutpela stret. Tasol narapela raun long 1937 i no bin

gutpela tumas.

Intres bilong dispela grup long kam bek long PNG i bin bikpela tru na long 1937, ol bin kam bek. Pater Kirschbaum i bin mausman bilong grup long PNG. Grup i bin kisim tupela nupela lain wantaim na em long Antropolojia Dokta Douglas Oliver bilong Harvard na Pater Georg Holtker bilong Viena musik trening skul.

Namel long Novemba na Disemba 1937, grup i bung long Wau na go olsem long Sepik. Ol i wokim ol rekoting na ol dispela nau em ol i mekim gut na putim ol long CD. i gat 34 CD olgeta long dispela ol musik bilong ol tumbuna singsing bilong Sepik.

I go moa long pes 21

Nupela kwin bilong Paradais taun

LIKLIK paradais taun bilong Alotau i bin kirap long wiken i go pinis taim ol manmeri i lukim makim bilong Mis Milen Be.

Planti manmeri i bin wokabaut aninit long ren long kamap long Masurina Lodge long lukim krauning bilong nupela Kwin bilong ol. Ol i bin skelim 7-pela meri husat i kisim luksave bilong ol bikpela bisnis bilong Alotau.

Na Alotau i bin amamas tru long dispela yia bilong wanem dispela Milen Be Red Cross Brens resis i save kamap olgeta tupela yia.

Ogenaising Komiti husat i bin go pas long dispela so em Siameri, Betty Andrew na Helen Evennett, Mary Louise, Graham Kabe, Bobby Fernandez, Nielson Gari, Veronica na Helen

Steven yet husat i bin holim nem Mis Milen Be. Program bilong nait i bin stat wantaim



Jeremiah (Ice Discovered 2004) na Benjamin na B37 Studio ben i singsing long Nesenel Antem. Bihain long en, Red Cross Brens Presiden, Wilson Ephraim, Taun Meya, Kaunsel Ila Puka na Mis PNG 2004, Ashwin Samson i bin tokaut long gutpela wok bilong Red Cross na wok brens bilong em long Alotau i wok long mekim. Ol i givim gutpela luksave na

toktok long ol wok i kamap long sait bilong ol HIV/AIDS kempen, Fes Ed Trening, Wok redi bilong ol bikpela bagarap, ol Program bilong ol Yut, ol raun lukluk bilong ol Disebol o lain turangu, volanta bilong kisim blut na ol arapela bikpela wok.

Mis PNG 2004 i bin kisim luksave long givim sapot long 7-pela meri husat i resis long taitel Mis Milen Be na mi yet mi kamap 'hai profail PNG saveman' long kamap MC.

Ol ogenaisa yet i no bisi long kisim ol biknem musik atis long kam pilai. Nogat. Ol i kisim wanpela nupela musik grup "T" Squad, ol yangpela manki Alotau yet husat i wok long mekim Brekdens. Helen Stephen yet i bin go pas



• Mis Milen Be 2005, Mimousa Bayagau Mark, husat i bin kisim sponsa long Tiripu Tupagogo & Sons Ltd. Foto: STUDIO B37

long ol. Helen i bin Mis Milen Be long 2003 Mis PNG Red Cross resis.

Komiti i bin kisim tu Kaluabu Ben na DJ husat i soim stail bilong ol taim drama bilong ol i paitim drams antap long kibot. Bihain ol Boie Sisters i bin mekim hula hula danis bilong ol bihainim musik bilong New Generation ben bilong Tahiti. Ol i gat tupela repa tu ol i kolim ol yet Shipsank Knot husat i bin kirapim skin bilong ol manmeri taim ol i pairapim tupela singsing bilong ol.

Maski ol dispela lain i nogat nem insait long kantri yet, ol i bin kirapim musik na danis i go na ol manmeri i amamas tru long ol.

Lydia Mascord, bosmeri bilong Studio B37 i bin givim olgeta musik masin na sevis bilong ol fri i go long Milen Be Red Cross Brens bilong dispela nait.

Ol lain meri husat i resis long dispela Mis Milen Be taitel em Mis Alotau Stevedoring na Trempot Relvie Eremas, Marian Diudi husat i ron aninit long nem Mis Bwanabwana, Mis Heavy Equipment & Repairs, Belinda Ale, Mis Jemaima Dickson i kisim sapot long Masurina Ltd, yangpela meri i kisim luksave bilong Tiripu Tupagogo & Sons Ltd, Mis Mimousa Bayagau Mark, na meri bilong Walter's Workshop, Mis Aida Emogana na Mis Yato'o Furnitures, Mary Roy.

Ol i bin statim resis bilong ol na ol i bilas long tumbuna bilas. Olgeta 7-pela meri i bilas makim ol kain kain kalsa insait long Milen Be yet na ol manmeri i ai op stret. Olgeta meri i soim stret pasin kalsa bilong ol na ol pen long skin bilong ol i bin bihainim ol pasin kalsa long liklik ples bilong em.

Taim ol meri i stat soim tumbuna bilas bilong ol, Misis Meseta Gima, wanpela skul tisa

Yu ken ritim ol stori blong PNG musik-man/meri long What's On with Raitman insait long Post Courier tasol, Trinde, olgeta wik.

jasim ol meri bikos olgeta yet i bin stail tru. Tasol i gat 5-pela hap tasol ol i bin skelim ol long en."

Misis Seta i givim mi long nem bilong ol wina. Mimousa Bayagau Mark na sponsa bilong em Tiripu Tupagogo & Sons i bungim namba 3 bikpela hap mani inap long K16,181.13. Em i kisim Mis Traditional.

Em i winim wanpela kaikai tiket bilong tupela manmeri long Alotau International Hotel, wanpela liklik CD sterio i kam long Timbercorp Ltd na kes mani inap long K500. Miss Friendship taitel i bin go long Mis Aida Emogana husat i winim wanpela ais bokis i kam long Milen Be Hadwe, wanpela basket kosmetiks na plaua i kam long D.N.Douglas na K500 kes mani. Em i bin bungim K6,000.

Mis Bwanabwana, Mis Heavy Equipment & Repairs, Belinda Ale i winim Mis Charity Runner-up na prais bilong em inap long K1,500 kes mani i kam long Mis Milen Be Komiti, wanpela CD sterio pilala i kam long Alotau Enterprises na K50 tiket bilong soping long Chemcare Alotau.

Mis Relvie Eremas, Alotau Stevedoring & Transport i winim taitel Miss Milen Be Charity 2005 bilong wanem em i bungim inap long K29,180.58. Em i winim kes mani inap long K3,000 na wanpela balus tiket i go long Pot Mosbi long resis long Mis PNG Red Cross. Em Mis Milen Be Komiti yet i givim wantaim wanpela balus tiket bilong tupela manmeri long go raun long Pot Mosbi we Airlines of PNG yet i givim. Relvie i kisim tu laplap wantaim nem bilong em long en, kraun, wanpela poto na ol plaua.

Tasol Mis Milen Be 2005 i bin go yet long Mis Tiripu Tupagogo & Sons, Mimousa

Bayagau Mark husat i bin winim tu Mis Traditional. Bikpela prais bilong en em winim em sans bilong makim Milen Be Provins long Mis PNG Quest 2005, K1,000 kes mani na wanpela ilektrik Kuka wantaim kaikai tiket bilong tupela man i kam long Napatana Lodge.

Gavana bilong Milen Be, Tim Neville i bin givim K10,000 long makim maus bilong gavman na pipel bilong Milen Be long statim wok fanresing bilong Mis Mimousa Bayagau Mark bilong resis long Mis PNG 2005.

Namba tu bikpela hap mani i bin kam long Mis Belinda Ale na ol sponsa bilong em Heavy Equipment Repairs. Em i bin winim K500 kes mani na basket wantaim ol samting olsem wanpela ain bilong klos, wanpela tosta masin, wanpela ilektrik jak, poto na ol plaua.

Ol arapela meri husat i no winim prais em Mis Yato'o Furnitures, Mary Roy husat i bin bungim K9,914.76 na Mis Marian Diudi we Bwanabwana rurel komyuniti i bin sponsaim. Tupela meri wantaim i kisim liklik prais long ogenaising komiti.

Siameri Betty Andrew i tok tenkyu long olgeta meri na ol sponsa bilong ol na tok, "Mi bilip olsem dispela resis i no givim sans long yu na sponsa bilong yu long helpim Red Cross tasol i helpim yu long strongim divelopmen bilong yu yet na strongim bihain taim wok bilong yupela."

Resis long dispela yia i kisim bikpela namba bilong ol meri tru na olgeta yet i bin bungim K96,276.47. Dispela mani mak i winim olgeta arapela mani mak bilong Mis Milen Be resis.

PNG Institut kisim ol olupela musik rekoting bilong Sepik long Amerika

I kam long pes 20

Pater Kirschbaum i bin stretim olgeta samting long kisim na bungim ol asples pipel long kam singsing na ol lain Amerika i rekotim long Marienberg Misin stesen yet.

Ol bin karimaut ol rekoting long ol ples klostu olsem Buna, Masan na Imbuando. Ol singsing i bin gat kundu na garamut i pairap long go wantaim.

Grup i bin wokim ol rekoting long Kairiru Ailan, ples Darapap long Murik Leik eria em ples bilong Prais Minista Sir Michael Somare.

Mama i bin karim Sir Michael wanpela yia pastaim tasol. Long planti ol rekoting, ol i bloim paipa na pater Kirschbaum i mekim kila singsing ya i bilong wanem grup. Narapela man em Dokta Murray Fairbank bilong Harvard i bin lukautim ol teknikel sait na wokim tu ol rekoting. Em bin kisim ol piksa we i kamap long dispela ples. Long stap bilong grup long Marienberg na wokim ol rekoting, ol bin kisim ol ripot long wok we Katolik sios i bin wokim long hap.

Pater Kirschbaum yet i bin rekotim stori bilong Adam na Eve na wanpela asples meri i singim wanpela lotu singsing long Tok Pisin.

Long ol singsing tu, yumi ken nau luksave long ol senis i kamap long Tok Pisin na wanpela tok piksa em wanpela lain long singsing em ol i singim long dispela taim i go olsem, "yu stap nau end oltaim" na long singsing lotu buk (hymn book) bilong tude em i stap olsem "Yu stap nau na oltaim."

Long Krismas 1937, ol memba bilong Crane Peabody Museum New Guinea Expedition (CPMNGE) i bin muv i go long Bulolo tasol Pater Kirschbaum i no go wantaim ol bikos ol toksave long ol rekoting long dispela hap em narapela man i wokim.

Long dispela taim, ol i wokim ol rekoting long ol pipel bilong ples Bangalum (klostu long Mumeng) na ol sampela arapela ples long Yabim.

Tasol namel long ol rekoting hia, i gat ol flut musik bilong Midel Sepik na krai singsing bilong ol Aitape i kamap tu.

Tok kila em ol pipel bilong ol dispela eria husat i bin wok long Wau-Bulolo Gol Main i wokim rekoting wantaim dispela lain bilong Amerika.

Bihain long dispela, i nogat ripot tumas long wanem samting i kamap long dispela grup crane Expedition grup bilong Amerika. Tasol Pater Kirschbaum i bin skruim wok misin bilong em na Holtker tu i go hetim wok risets bilong em.

Ol arapela i bin go bek long Amerika. I luk olsem em bin hat long grup i kisim ol tok orait pepa long wokim raun bilong ol na tu, sampela bilong ol i no wok gut wantaim ol arapela bikos ol i gat ol wan wan tingting na grup i bin bruk.

Tru ol saun rekoting bilong ol i stap,

sampela poto, sampela muvi piksa na ol ripot long stat bilong wokabaut bilong ol tasol nogat ripot i kamap long watpo grup i bruk bihain long sotpela taim tasol.

Long yia 1938, ol bin lusim ol disk wantaim ol rekoting long Peabody Museum. Taim ol memba bilong grup i lusim PNG, ol i no bin kisim i go ol ripot we Pater Kirschbaum i wokim long wok na rekoting bilong ol. Ol bin salim planti pas long pater long givim ol infomesen long dispela tasol ol i no kisim wanpela bekim. Bihain taim grup i harim olsem pater ya i bin dai long 1939 long Alexishafen taim balus i pun-daun, ol lain long Musium i bin salim tok long painim ol ripot namel long ol pepa bilong Pater Kirschbaum, tasol ol no bin painim wanpela samting. Olsem na ol dokumen bilong ol rekoting ya i stap long ol saun, ol toksave we ol memba bilong grup i wokim na moa yet, ol singsing we ol pipel i putim kamap long en. Nau yet, ol memba bilong PNG Stadi i wok long stretim ol dispela samting. Long 1943, ol bin salim ol disk i go long Kongres laibreri long Wasington, Nu Yok insait long Amerika long wokim kopi long ol. I luk olsem i kam inap nau, ol i no wokim ol narapela kopi moa long ol dispela rekoting bilong ol singsing na ol arapela samting moa bilong klostu 70 krismas i go pinis bilong PNG na moa yet, Sepik na Morobe.

5-pela yia bihain long grup na pater i wokim ol rekoting, Wol Wo 2 i bin kamap long PNG na ol rekoting long dispela taim ol i gat rekot long ol em ol propaganda o ol toktok i sut long pait ol i wokim long ol tokples. Tasol bihain long pait i pinis, ol arapela risets lain i bin kam bek long PNG tasol ol i karim ol tep rekot na i no ol masin bilong wokim rekot i go long silinda o disk olsem grup bilong Amerika i wokim long 1937. Long ol tep rekoting i wok, ol i mas gat maikrofon na pawa saplai bilong ol yet we Crane rises lain bilong Amerika i bin kamapim pastaim long PNG.

Olsem na dispela sotpela wokabaut na wok risets we Crane Peabody grup i wokim i bin pinisim wanpela kain taim long wok bilong rekoting long PNG na kamap bilong nupela wan.

"Bikpela samting, ating, ol dispela rekoting em namba wan taim we ol i mekim long hap bilong lowa Sepik na long lukautim i stap bilong yusim long bihain taim na ol yia na taim bihain. Na long wokim dokumen long musik na kalsa bilong ol pipel olsem i bin stap 68 krismas i go pinis. Ol dispela musik em ol olupela o nupela. Na ol i soim olsem kain kalsa i bin stap long bipo taim em ol wankain we ol pipel i skruim nau yet o i wok long lus na liklik lain tasol i tingim yet wantaim ol nupela senis i kamap? Bai mipela i painimaut," Mista Niles i tok.



• Olgeta 7-pela meri husat i resis i sanap kisim poto. Foto: STUDIO B37

EMTV GAID

5.30 JOYCE MEYER MINISTRY	5.29 JOYCE MEYER MINISTRY
6.00 NINE EARLY MORNING NEWS	6.00 NATIONAL NINE NEWS
9.00 CREFFLO DOLLAR	7.30 TODAY SHOW
9.30 DR PHIL	9.00 CREFFLO DOLLAR
10.20 EMTV PRIME TIME LINE UP	9.30 DR PHIL
4.57 EMTV TOKSAVE	10.30 NOBLE PEACE PRIZE
5.00 THE PRICE IS RIGHT	11.00 WAR IN THE PACIFIC
\$100,000 SUPER SHOWCASE	11.30 GAME FISHING NATIONAL TITLES
6.00 NATIONAL EMTV NEWS	12.30 PNG OPEN GOLF
6.30 A CURRENT AFFAIR	2.30 ANZ DAY AFL
6.59 LOTTO DRAW	4.57 EMTV TOKSAVE
7.00 CHM SUPER SOUND	5.30 SNOBS
7.57 EMTV TOKSAVE	6.00 NATIONAL EMTV NEWS
8.00 SPORT SCENE	6.30 A CURRENT AFFAIR
9.30 NRL FOOTY SHOW	6.58 TOK PISIN NEWS UPDATE
11.00 AFL FOOTY SHOW	7.00 LOTTO DRAW
12.00 NIGHTLINE	7.01 PRAISE
0.30 STATION CLOSE	8.00 TOK PIKSA MONDAY EDITION

4.59 STATION OPEN	6.27 EMTV TOKSAVE
5.30 JOYCE MEYER MINISTRY	8.30 WHO WANTS TO BE A MILLIONAIRE
6.00 NATIONAL NINE NEWS	9.30 PREMIER SPECIAL: COLOURS OF WAR: THE ANZACS: THE WAR THAT NEVER ENDED
9.00 MALOLO CLUB	11.00 EMTV NEWS REPLAY
11.00 CREFFLO DOLLAR	11.30 CHM SUPER SOUND
KIDS KONA	00.00 NIGHTLINE
2.30 EMTV PRIME TIME LINE UP	1.00 AM CLOSE
4.57 EMTV TOKSAVE	
5.00 THE PRICE IS RIGHT	
\$100,000 SUPER SHOWCASE	
6.00 NATIONAL EMTV NEWS	
6.30 A CURRENT AFFAIR	
6.58 NEWS UPDATE TOK PISIN	
6.59 LOTTO DRAW	
7.00 TOK PIKSA	
7.30 SURVIVOR PALAU	
8.27 EMTV TOKSAVE	
8.30 FRIDAY NIGHT FOOTBALL	
ANZ DAY TEST MATCH: AUSTRALIA VS NEW ZEALAND	
10.30 AFL	
00.30 AM STATION CLOSE	

5.29 STATION OPEN	5.29 STATION OPEN
5.30 JOYCE MEYER MINISTRY	5.30 JOYCE MEYER MINISTRY
6.00 NATIONAL NINE NEWS	6.00 NATIONAL NINE NEWS
7.00 TODAY SHOW	7.00 TODAY SHOW
9.00 MALOLO CLUB	9.00 MALOLO CLUB
11.00 CREFFLO DOLLAR	11.00 CREFFLO DOLLAR
11.30 CLOSE	11.30 CLOSE
2.30 KIDS KONA	2.30 KIDS KONA
4.57 EMTV TOKSAVE	4.57 EMTV TOKSAVE
5.00 THE PRICE IS RIGHT	5.00 THE PRICE IS RIGHT
5.30 CRICKET CONTINUES	5.30 CRICKET CONTINUES
6.00 NATIONAL EMTV NEWS	6.00 NATIONAL EMTV NEWS
6.30 A CURRENT AFFAIR	6.30 A CURRENT AFFAIR
6.58 TOK PISIN NEWS UPDATE	6.58 TOK PISIN NEWS UPDATE
6.59 LOTTO DRAW	6.59 LOTTO DRAW
7.00 HAUS & HOME	7.00 HAUS & HOME
8.00 CHANGING ROOMS	8.00 CHANGING ROOMS
8.27 EMTV TOKSAVE	8.27 EMTV TOKSAVE
8.30 THE APPRENTICE	8.30 THE APPRENTICE
9.30 THIRD WATCH	9.30 THIRD WATCH
10.30 EMTV NEWS REPLAY	10.30 EMTV NEWS REPLAY
11.00 ER	11.00 ER
00.00 NIGHTLINE	00.00 NIGHTLINE
00.30 STATION CLOSE	00.30 STATION CLOSE

8.00 PLANET FANTA	8.00 PLANET FANTA
9.30 DOWNLOAD	9.30 DOWNLOAD
10.00 SO FRESH	10.00 SO FRESH
11.30 WORLD OF WILDLIFE	11.30 WORLD OF WILDLIFE
12.00 SPECIAL: THE PACIFIC WAY	12.00 SPECIAL: THE PACIFIC WAY
1.00 EMTV WIDE WORLD OF SPORTS	1.00 EMTV WIDE WORLD OF SPORTS
3.00 THE CAR SHOW	3.00 THE CAR SHOW
3.30 THE BOAT SHOW	3.30 THE BOAT SHOW
4.00 ESCAPE WITH ET	4.00 ESCAPE WITH ET
5.00 MOROBE GOLF OPEN HIGH LIGHTS	5.00 MOROBE GOLF OPEN HIGH LIGHTS

4.30 FISHING AUSTRALIA	4.30 FISHING AUSTRALIA
6.00 NATIONAL EMTV NEWS	6.00 NATIONAL EMTV NEWS
6.30 AUSTRALIA'S FUNNIEST HOME VIDEO	6.30 AUSTRALIA'S FUNNIEST HOME VIDEO
7.00 AIRLINE	7.00 AIRLINE
8.30 SOUTH PACIFIC MUSIC	8.30 SOUTH PACIFIC MUSIC
8.57 EMTV TOKSAVE	8.57 EMTV TOKSAVE
9.00 PREMIER SPECIAL EVENT: COLOUR OF WAR	9.00 PREMIER SPECIAL EVENT: COLOUR OF WAR
10.30 HECULES	10.30 HECULES
11.00 EMTV NEWS REPLAY	11.00 EMTV NEWS REPLAY
11.30 LEGEND OF THE HIDDEN CITY	11.30 LEGEND OF THE HIDDEN CITY
00.00 CLOSE	00.00 CLOSE

7.29 STATION OPEN	7.29 STATION OPEN
7.27 EMTV TOKSAVE	7.27 EMTV TOKSAVE
7.30 BUSINESS SUCCESS	7.30 BUSINESS SUCCESS
8.00 BUSINESS SUNDAY	8.00 BUSINESS SUNDAY
9.00 SUNDAY	9.00 SUNDAY
11.00 SUNDAY ROAST	11.00 SUNDAY ROAST
11.30 SUNDAY FOOTY SHOW	11.30 SUNDAY FOOTY SHOW
12.30 BOOTS 'N' ALL	12.30 BOOTS 'N' ALL
1.00 SPORTS SPECIAL: WILD ABOUT GOLF	1.00 SPORTS SPECIAL: WILD ABOUT GOLF
1.00 AFL GAME	1.00 AFL GAME
2.00 SUNDAY AFTERNOON MOVIE: MAJOR LEAGUE: BACK TO THE MINORS	2.00 SUNDAY AFTERNOON MOVIE: MAJOR LEAGUE: BACK TO THE MINORS
4.00 SUNDAY AFTERNOON FOOT BALL	4.00 SUNDAY AFTERNOON FOOT BALL
6.00 NATIONAL EMTV NEWS	6.00 NATIONAL EMTV NEWS
6.30 SEVENTH HAVEN	6.30 SEVENTH HAVEN
7.30 60 MINUTE	7.30 60 MINUTE
8.30 SUNDAY NIGHT MOVIE: COLOURS OF WAR: CHILDREN OF THE EMPIRE	8.30 SUNDAY NIGHT MOVIE: COLOURS OF WAR: CHILDREN OF THE EMPIRE
10.30 EMTV NEWS REPLAY	10.30 EMTV NEWS REPLAY
11.00 PRAISE-GOSPEL SONGS	11.00 PRAISE-GOSPEL SONGS
00.30 STATION CLOSE	00.30 STATION CLOSE

TRINDE NAIT MUVI: STAR WARS- THE RETURN OF THE JEDI

4.29 STATION OPEN



WIKEN POTO...

• Man o wanem samting? Em het bilong man ol i wokim wantaim pangal bilong kokonas na ol plaua.



• Dispela tupela man Oro i redi long samsam long makim bikpela de bilong ol Bahai lotu.



• Em ol turis nau ya. Ol sumatin bilong wampela skul long Buka i sindaun na lukim ol turis i go raun long skul bilong ol.

YUMI FM NATIONAL WEEKLY HITPARADE

Sarere Februari 23, 2005 Twisties i spona

Singing	Musik Artis	Dispela Wik	Meri Wantok	Sharzy	
Rosie Marara	Sharzy	1	Six Pocket	Pikinini Black Bokis	15
Lalatora	Sebeats of Sepoe	2	Sigi Mangi	Grumo Masalai	16
Mi Nao	Sharzy	3	Iti Bayama	Armstrong	17
Promise	Itambu	4	Dimugura	Bits & Pieces	18
Poroman Lewa	George Telek	5	Orokolo Bay	Bay Cruisers	19
Towescop	Itambu	6	The Way	Soul Harmony	20
Mi No Bik Sot Yet Dadii Gii		7			
Mi No Bin Tok	Dadii Gii	8	In	Orokolo Bay Cruisers	
Kande	Dadii Gii	9			
Emsi	Dadii Gii	10	Out	Veazuku Pune Kapa	
Lili	Itambu	11			
Jombie Kunex	New Painim Wok	12			
Tropical Fine	Oshen	13			

CATHOLIC RADIO 103.5 FM

6.00 - ANGELUS	6.05 - SUNDAY EUCHARIST (replay)
6.05 - MEDITATION/INSPIRATIONAL MUSIC	7.00 - HOLY ROSARY
7.00 - VATICAN RADIO WORLD NEWS	7.30 - CATHOLIC INSIGHT
7.15 - VATICAN ENGLISH PROGRAM	8.00 - VATICAN WORLD NEWS
7.35 - NON-STOP GOSPEL MUSIC	8.15 - VATICAN ENGLISH PROGRAM
8.00 - JOURNEY HOME (EWTN)	8.40 - IN THE LORD'S VINEYARD
9.00 - VATICAN RADIO WORLD NEWS	10.00 - NON-STOP GOSPEL MUSIC
9.15 - VATICAN ENGLISH PROGRAM	
9.40 - KIDS SING-ALONG	6.00 - ANGELUS
10.00 - CATHOLIC JUKEBOX	6.05 - MEDITATION/INSPIRATIONAL MUSIC
10.30 - GOSPEL MUSIC	7.00 - VATICAN WORLD NEWS
11.00 - NON-STOP GOSPEL MUSIC	7.15 - VATICAN ENGLISH PROGRAM
12.00 - ANGELUS	7.35 - NON-STOP MUSIC
12.05 - VATICAN WORLD NEWS	8.00 - BEST OF JOURNEY HOME
12.20 - VATICAN ENGLISH PROGRAM	9.00 - VATICAN WORLD NEWS
12.40 - REFLECTION MUSIC	9.15 - VATICAN ENGLISH PROGRAM
1.00 - LAMB'S SUPPER WITH DR. SCHOTT HAHN	9.35 - KIDS SING ALONG
2.00 - MUSIC	10.00 - CATHOLIC JUKEBOX (EWTN)
3.00 - CHAPLET OF DIVINE MERCY	10.30 - NON-STOP GOSPEL MUSIC
3.20 - NON-STOP GOSPEL MUSIC	12.00 - ANGELUS
4.00 - CATHOLIC JUKEBOX (EXCERPT)	12.05 - VATICAN WORLD NEWS
4.30 - NON-STOP GOSPEL MUSIC	12.20 - VATICAN ENGLISH PROGRAM
5.00 - JOURNEY HOME	12.40 - AFTERNOON REFLECTION MUSIC
6.00 - ANGELUS	
6.05 - MADANG LOCAL NEWS	1.00 - THE WAY TO FOLLOW JESUS
6.10 - VATICAN ENGLISH PROGRAM	1.30 - GOSPEL MUSIC
6.30 - LAMB'S SUPPER WITH DR. SCHOTT HAHN	3.00 - CHAPLET OF DIVINE MERCY
7.00 - HOLY ROSARY	3.20 - NON STOP GOSPEL MUSIC
7.30 - CATHOLIC INSIGHT	4.00 - CATHOLIC JUKEBOX (EWTN)
8.00 - VATICAN WORLD NEWS	4.30 - NON STOP GOSPEL MUSIC
8.15 - MADANG LOCAL NEWS	5.00 - MESSAGE IN MUSIC
8.30 - VATICAN ENGLISH PROGRAM	6.00 - ANGELUS
9.00 - TOK STREET LONG HWAIDS	6.05 - VATICAN ENGLISH PROGRAM
10.30 - VATICAN ENGLISH PROGRAM	6.30 - MARY FACES OF MARY
	7.00 - HOLY ROSARY
	7.30 - BENEDICTION
	8.00 - VATICAN WORLD NEWS
	8.15 - CRN LOCAL NEWS
	8.30 - VATICAN ENGLISH PROGRAM
	9.00 - BEST OF JOURNEY HOME
	10.00 - CATHOLIC JUKEBOX (EWTN)
	10.30 - VATICAN ENGLISH PROGRAM
	11.00 - NON-STOP GOSPEL MUSIC
	6.00 - ANGELUS
	6.05 - MEDITATION/INSPIRATIONAL MUSIC
	7.00 - VATICAN WORLD NEWS
	7.15 - VATICAN ENGLISH PROGRAM
	7.35 - NON STOP MUSIC
	8.00 - RADIO ST JOSEPH PRESENTS
	9.00 - VATICAN RADIO WORLD NEWS
	9.15 - VATICAN ENGLISH PROGRAM
	9.40 - KIDS SING-ALONG
	10.00 - CATHOLIC JUKEBOX
	10.30 - GOSPEL MUSIC
	12.00 - ANGELUS
	12.05 - VATICAN WORLD NEWS
	12.20 - VATICAN ENGLISH PROGRAM
	12.40 - REFLECTION MUSIC
	1.00 - SUPER SAINTS
	1.30 - GOSPEL MUSIC
	3.00 - CHAPLET OF DIVINE MERCY
	3.20 - NON STOP GOSPEL MUSIC
	4.00 - CATHOLIC JUKEBOX
	4.30 - NON STOP GOSPEL MUSIC
	5.00 - RADIO ST JOSEPH PRESENTS
	6.00 - ANGELUS
	6.05 - ATAPPE LOCAL NEWS
	6.10 - VATICAN ENGLISH PROGRAM
	6.30 - MOTHER OF REDEEMER
	7.00 - HOLY ROSARY
	7.30 - SUPER SAINTS
	8.00 - VATICAN WORLD NEWS
	8.15 - ATAPPE LOCAL NEWS
	8.20 - VATICAN ENGLISH PROGRAM
	9.00 - TOK STREET ABOUT HWAIDS WITH FR. JUDE (ENGLISH)
	10.00 - CATHOLIC JUKEBOX
	10.30 - VATICAN ENGLISH PROGRAM
	10.50 - NON-STOP GOSPEL MUSIC
	6.00 - ANGELUS
	6.05 - MEDITATION/INSPIRATIONAL MUSIC
	7.00 - VATICAN WORLD NEWS
	7.15 - VATICAN ENGLISH PROGRAM
	7.35 - NON-STOP GOSPEL MUSIC
	8.00 - SCRIPTURE MATTERS WITH DR. SCHOTT HAHN (EWTN)
	9.00 - VATICAN WORLD NEWS
	9.15 - VATICAN ENGLISH PROGRAM
	9.35 - KIDS SING ALONG
	10.00 - CATHOLIC JUKEBOX
	10.30 - NON-STOP GOSPEL MUSIC
	12.00 - ANGELUS
	12.05 - VATICAN WORLD NEWS
	12.20 - VATICAN ENGLISH PROGRAM
	12.40 - REFLECTION MUSIC
	1.00 - FIRST COMES LOVE DR. SCHOTT HAHN (EWTN)
	1.30 - AFTERNOON GOSPEL MUSIC
	3.00 - CHAPLET OF DIVINE MERCY
	3.20 - NON-STOP GOSPEL MUSIC
	4.00 - CATHOLIC JUKEBOX
	4.30 - NON-STOP GOSPEL MUSIC
	5.00 - SCRIPTURE MATTERS
	6.00 - ANGELUS
	6.05 - VANIMO LOCAL NEWS
	6.10 - VATICAN ENGLISH PROGRAM
	6.30 - FATIMA, HEAVEN'S PEACE PLAN
	7.00 - HOLY ROSARY
	7.30 - DOCTORS OF THE CHURCH
	8.00 - VATICAN WORLD NEWS
	8.15 - VANIMO LOCAL NEWS
	8.20 - VATICAN ENGLISH PROGRAM
	9.00 - TOK STREET ABOUT HWAIDS WITH FR. JUDE
	10.00 - CATHOLIC JUKEBOX
	10.30 - VATICAN ENGLISH PROGRAM
	10.50 - NON-STOP GOSPEL MUSIC



Tok pilai wantaim Kanage olgeta wik!!

Ol tru tru poro o wantok bilong gupela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko, NCD o kam long opis klostu long BSP Waigani klostu long Mondo Sekanhan klos stua. Mipela stap long las opis. Sapotim raitman bilong yumi, Kanage!!

Kanage em bilong 10 Mail long Lae, Morobe yet.

Nik nem bilong bos ya em Pita. Em save putaim tru long 10 Mail maket. Wapela taim em salim daka i stap na wapela 4 kopi bilong Banz i go daun long baim daka.

Meri Banz ya lukluk raun i go pinis na kam kamap long Kanage na askim. 'Boso amamas bilong niu yia i pundaun long yu na hamas long ol longpela samting ya?'

Man, Kanage kisim traipela filings tru long hap tok ya na bekim olsem 'ei anti yu save pinis ol longpela ya bilong salim ya Wapela longpela em bilong ol 10 Mail yet tasol ol narapela i bilong yupela Banz na Hagen'.

Man, 4 kopi ya i kirap na tok olsem 'inap mi holim wapela tasol? Man, Kanage kirap tok 'holim tru tru em bai wara Makam tait ya so holim long arere bilong 10 Mail. Aiyo, meri Banz ya kisim taim.

Ol kandre bilong Kanage i dai na kirap long lap na kambang i kukim maus bilong ol.

**MATT DEDEBOH HOLEYAH
BANZ
WESTEN HAILANS PROVINS**

Kanage em bilong Manus na em i no bin go long skul bipo.

Nau wait gras i kamap pinis na wapela taim em go sindaun wantaim ol elementri skul pikinini na traim lainim sampela nupela samting.

Ol lain long elementri i wok long skul long

tok ples na Kanage em skin les long wanem em i laikim lainim sampela inglis.

Em nau em putim han i go antap na tisa i askim em. 'Yes Kanage yu laikim wanem?' Kanage i sanap na bekim olsem 'tok ples no, English only'.

Orait tisa i kisim sampela drowing wantaim nem aninit na stat askim ol pikinini, em wanem?

Wapela pikinini i putim han i go antap na tok, b-o-y (boy). Tisa i tok 'very good' na em soim narapela piksa na wapela pikinini gen i sanap na spelim g-i-r-l (girl).

Tisa i tok 'very good'. Tisa nau i soim wapela drowing na hariap tru Kanage i putim han i go antap na tok p-o-t sosopen.

Tisa i sanap lukluk long Kanage na sakim het. Kanage em i no bisi em sanap tu kisim piksa long tisa na askim ol pikinini olsem, kuan yupela tok, sapos i no sosopen em wanem a? Wapela pikinini kirap na tok p-o-t (pot).

Kanage lukluk long tisa na tisa i tok 'very good'. Kanage kirap tokim ol pikinini, em orait tude yupela winim bai yumi lukim tumora. Kanage i go long haus na i no moa go bek long skul.

**IROS NAUNAP
LORENGAU
MANUS PROVINS**

KANAGE em bilong 0.5 long Sigiri ples, Banz yet. Em i lusim ples na i go stap long Goroka kolples long Genoka blok. Wapela

Sarere em i go lukim piksa bilong Van Dame kikkoksing.

Insait long piksa Van Dame tromoi tek long birua bilong en na Kanage ting Van Dame paitim em so em poreit na tromoi han long wapela boi Siane na boiros belhat na tupela pait insait long haus piksa.

Ol Siane wilwilim Kanage na em krai nogut tru na tok "mi go bek long 0.5 bai mi karim hauslain long poket i kam" na ol Siane i ting Kanage i bilong Bomai so ol i poreit long posin na das nambaut. Kain stail bilong mangi 0.5 long Banz wes ya.

**MATT DEDEBOH HOLEYAH
BANZ
ISTEN HAILANS PROVINS**

KANAGE em bilong ples Sumut insait long Drekkir eria na em wapela fada man bilong kaikai saksak.

Bagaros nogut ya em save prenim wapela pukpuk meri bilong ples Sahik. Wapela taim baga nogut salim tok i go long gel bilong em na tupela i go raun logn wara Amuk.

Kanage i tokim pren meri bilong, "Angkastua yu luk laik daa korokodile bilong fu Sipik Ripa". Gel bilong em i tokim em "yu neva go tu Sande skul".

Baga nogut sekim het na tokim em, "yu lukluk laik daa Sande sukul tiksa laik mi." Pren meri tromoi huk arere long wara na wapela bikipela pis hangamap long huk.

Kanage danis arere long wara na tokim

pren meri "its luk laik doropin bilong bik blu wara." Na tupela wokim bikipela pati long Walau komyuniti skul.

Kanage spak long pis wantaim saksak, bun bilong pis i pas long hul nek bilong Kanae na em tokim pren meri bilong em "try to put your hands in my hul nek na removed aut of this things." Inglis em Kanage ya.

**BEN NAHWAS
DREKKIR
IS SEPIK PROVINS**

KANAGE em mangi Pomio na em i save stap long Kimbe. Em wapela musik pes olsem na wapela taim em singautim ol bois bilong em na ol i wokim demo aninit long haus bilong em.

Taim ol pairapim musik, planti ol man i kam sanap na lukluk i stap. Kanage na ol mangi bilong em i kisim bikipela filings na givim sam i stap.

I no long taim tupela mangi kawas i kam klostu long long Kanage na tokim Kanage olsem "mipera ol ro puka mipela i no save raikim demo drams, mipela i save raikim raip drams.

Dispera demo drams em birong ol ro kerikeri ya." Man, Kanage i nogat tok em smail tasol long tupela tasol ol bois bilong Kanage i no wanbel na klostu tru pait kirap long hap.

**MELLIE PETER
KIMBE
WES NU BRITEN PROVINS**





Laikim Penpren

Nem: Tasua Sparks
Krismas: 22 (man)
Adres: Amek Bakery, PO Box 242, Mendi, Sauten Highlands Province
Save laikim: Ritim buk, raitim pas na go lotu.

Nem: Angeline Damien
Krismas: 16 (meri)
Adres: Sol Primary School, PO Box 643, Mendi, Southern Highlands Province
Save laikim: Pilai basketbol, raitim pas na wokim fani.

Nem: Roslyn Tipora
Krismas: 16 (meri)
Adres: Sol Primary School, PO Box 643, Mendi, Southern Highlands Province
Save laikim: Lukim TV, pilai basketbol na wokim bilum.

Nem: Steven Monda
Krismas: 19 (man)
Adres: Galevale Village, C/- Hoskins Post Office, West New Britain Province
Save laikim: Pilai musik na ritim buk na senisim ol poto na presen.

Nem: Vincent Kaiap
Krismas: 20 (man)
Adres: Frontier Holdings Ltd (Purari Camp), PO Box 102, Port Moresby, NCD
Save laikim: Lukim muvi, pilai soka, volibol na bungim ol nupela pren na go long wok.

Nem: Regina Kaken
Krismas: 15 (meri)
Adres: C/- Gavien Church, PO Box 175, Wewak, East Sepik Province
Save laikim: Pilai volibol, basketbol, soka, softbol, stori wantaim ol pren, harim musik na go lotu long Sande.

Nem: Andrew Torea
Krismas: 34 (man)
Adres: PO Box 554, Kimbe, West New Britain Province
Save laikim: Go wokim haus bilong ol kampani, go long maket, kukim kaikai na lukautim bodi bilong mi.

Nem: Betshiba Giwarkun
Krismas: 17 (meri)
Adres: Mercy Secondary School, PO Box 580, Wewak, East Sepik Province
Save laikim: Tok pilai, harim musik, pilai gem olsem volibol na lukim TV.

Nem: Sally Wangra
Krismas: 17 (meri)
Adres: Kimbe Secondary School, PO Box 225, Kimbe, West New Britain Province
Save laikim: Harim musik, lukim TV, waswas long nambis, tok pilai, pilai volibol, ritim buk na go lotu.

Nem: Elizabeth Baah
Krismas: 26 (meri)
Adres: PO Boxz NK 181, Agona Nyakrom, C/R, West Africa
Save laikim: Raun lukim ples na harim musik.

Nem: Moskrii Mayrum
Krismas: 19 (man)
Adres: Kokun Primary School, PO Box 897, Trans Gogol, Madang
Save laikim: Go lotu, pilai soka, tok pilai wantaim ol poroman, waswas tripela taim insait long wanpela de, harim gospel musik na mekim pren.



STORI TUMBUNA

Orait narapela de em kirap kukim kaikai na em kaikai pinis long moning taim tru em kirap i go i go na long apinun tru em kamap long ples bilong pati. Dispela ples ol man i mekim pati bilong en nem bilong em Hiyama.

Lemeyan em i go kamap na em slip bung wantaim ol planti man ol bilong narapela ples nambaut ol i kam na ol slip bung long wanpela haus man tasol. Orait long narapela de olgeta man i kirap long moning na ol lain i stap. Orait ol lain man bilong mekim pati ol i lainim planti pik tru. Olgeta ol lain man bilong narapela ples ol i kam lukim pati long en, ol i lukluk i stap.

Na ol man bilong mekim pati long en ol skelim tu pik long wanwan man bilong ol arapela ples ol i kam lukim pati long en. Orait ol i mekim olsem pinis orait olgeta ol bikpela pik long en olgeta ol kilim.

Olsem nau Lemeyan em i katim wanpela pik i stap. Na wanpela pisin i kam na sindaun antap long lek bilong en, na Lemeyan i guria liklik na em i lukim olsem dispela pisin i wanpela hap purpur wantaim lip kaukau i gat wara long en.

Em lukim na Lemeyan em pilim pinis olsem, wara i kam na pulap pinis na daunim haus gaden bilong en. Orait em kirap tokim olgeta man, wara i bagarapim gaden na haus na ples bilong mi pinis na mi bai i go na yupela i stap.

Orait em i kirap kisim bilum bilong en na em karim na kirap i go. Em i ron tasol i kam na em i kam i stap long wanpela maunten na em lukluk i go na em lukim ples bilong en i wait na blu na i pret olgeta.

Orait em hariap tasol em i go na em

Wara i kam long ston



holim wanpela stik kanda bilong en i kam. Em i kam i kam na kamap long wara i pulap i stap long en, orait em paitim wara long stik kanda bilong en, orait wara i go i go nambaut nambaut.

Em mekim olsem na em i kam i kam na em kamap long haus bilong en. Na em lukim meri bilong en Lakeyam wantaim pik bilong en i no i stap. Orait em i go antap long ples em i save go kisim wara long en. Na em i lukim tupela i stap antap tru long mauten na lukiuk i kam daun.

Orait em i go antap na tokim Lakeyam "Olsem wanem na wara i bagarapim ples?"

Lakeyam i tokim em, "Mi painim wara na mi bihainim rot we yu save i kam pulapim wara long en. Orait, mi i kam na mi redi long pulimapim wara na mi pulim

stik yu save pasim long en, na mi pulapim pinis na mi pasim gen, nogat. Wara i sut olgeta na strong moa na mi lusim. Em nau wara i ron i go na ples i kamap wara tasol."

Lemeyan i kros nogut tru na em tokim Lakeyam, "Yu wantaim pik yu tupela i ken sindaun i stap long maunten, na mi i go daun na stretim wara gen na mi kolim nem bilong ol wara. Na bihain tru bai olgeta man bai save long nem bilong ol wara."

Em nau em kolim nem bilong Kaiya na narapela em Komaiya.

Em dispela tupela wara em i kam long dispela ples Tipinini nau em i kam yet.

Na dispela wara Lakeyam hapim long en tu em i kam ausait long ston na meri Lakeyam wantaim pik tupela i stap arere long ston maunten.

Mi wari bikos mi mas wokim disisen namel long mama na wok bilong mi

DIA LAIPLAIN,

MI GAT bikpela disisen long wokim namel long mama na wok bilong mi.

Papa bilong mi i bin dai taim mama i karim mi tasol na mi bikpela aninit long lukaut long mama bilong mi. Mama bilong mi i bin hatwok long lukautim mi long skul. I no longpela taim i go pinis mi stat skul long yunivesiti.

Mama i lapun nau na em i laikim mi long kisim wok na lukautim em. Em i les long mi skul. Mi wanpela pikinini tasol bilong em na em i laikim bai mi mas marit pastaim na lukautim em bipo em i dai.

Tasol mi laik pinisim skul bilong mi pastaim bipo mi kisim wok. Mi wok long tingting tu long kamap pater bihain mi wok long sampela yia pastaim.

DIFFICULT CHOICES

Dia Pren,

YU GAT bikpela disisen long wokim. Laik long mama bilong yu i tokim yu long samting em i laikim tasol plen



bilong yu i narakain.

Watpo mama bilong yu i no laik bai yu stadi? Bikos em i laikim yu klostu long em o em i laik makim wanpela meri long ples bai yu maritim o bikos em i laikim bai yu wok na kisim mani.

Sapos yu save wanem samting tru em i laikim, i mas gat sampela rot long yu ken givim em samting em i laikim na yu no inap long lusim skul.

Yu tok yu wok long tingting long kamap pater. Yu wanpela Katolik o Anglikien Sios memba? Sapos yu wanpela Katolik, na yu marit, yu save olsem bai yu no inap kamap pater.

Hevi bilong yu i luk olsem "Bai mi bihainim laik bilong

mama o harim singaut bilong God na kamap pater?" Bai yu gat tingting olsem mi mas harim singaut bilong God na maski long man.

Tasol yu mas tingting na beten planti pastaim long yu klia olsem God i laikim yu long kamap pater sapos em i min olsem yu ino inap wokim samting mama bilong yu i laikim. Inap yu painim sampela lain long sios we yu ken toktok wantaim long dispela samting.

Kristieniti i skulim yumi long harim tok na luksave long papamama (piksa, Mark 10: 19 na Efeses 6:1-2) na lukautim ol sapos taim bilong ol i kam (Timoti 5:8)

Jisae i bin toktok strong agensim ol Tisa bilong ol Jiu bikos ol i mekim ol pipel i tok long givim mani i go long God taim ol i ken yusim mani long helpim ol papamama bilong ol. (Mak 7: 9-13)

Ol narapela askim yu ken askim em, "mama i gat bikpela nit stret long mi o mi ken wokim samting em i laikim taim mi skul yet". Inap yu tok long em long dispela samt-

ing? Em i save tu long laik bilong yu long kamap pater? I moabeta long yu i go lukim em o rait i go long em na tokim em ol samting yu wokim.

Yu save, ol mama i save amamas long ol pikinini bilong ol na ol i save laik tokim ol narapela long ol.

I gat ol arapela hauslai nhusat i ken lukautim mama taim yu pinisim skul bilong yu na bihain long dispela, yu ken go het long lukautim em?


Narapela askim em mama bilong yu i laikim bai yu go bek long ples na kamap wanpela fama o em i laikim yu long wok na kisim mani? Sapos em i laikim yu long wok na kisim mani, em i no gutpela long lusim skul. Em i hat long painim wok long dispela taim na sapos yu pinisim skul long yuni, bai yu gat gutpela sans long kisim gutpela wok.

I moabeta long toktok long narapela man olsem brata bilong mama na askim em long tingting bilong em long dispela samting.

LAIPLAIN



Anacardium occidentale
(cashew)



¥ Lip na prut bilong kesiu.

Nem bilong en: cashew
(kesiu)

Ples diwai i kam long en:
Saut na Sentral Amerika

Wanem kain diwai: Taim em i bikpela, longpela bilong em inap long 12 mita. Bikpela namel han diwai bilong me i sot, het bilong em i op na em i save grin tasol na stap.

Ples we em i save groa: Diwai i save groa long ples we i save kisim namel long 500 na 3500 milimita ren. Tempresia o hot na kol bilong ples i mas namel long 22 na 25 digris sentigred. Em i mas groa long ples i stap 0 i go inap 1200 mita antap long mak bilong solwara. Diwai em i strongpela diwai tasol em i ken bagarap long taim bilong fros o ais long en. Kesiu diwai i save laikim graun i gat planti waisan we i no save holim pasim wara. Ph mak bilong em i mas namel long 4.5 na 5. Em i mas kisim planti san

Strong bilong em: Strong

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Tong kisim tok stia long olgeta wok diwai"

Bisnis bilong Groim Diwai insait long PNG - Planim diwai long ol renfores eria

bilong kesiu diwai i stap long ol galip em i save karim we i gutpela long kaikai. Dispela galip nau em i kamap wanpela kes krop. Em i ken groa long ples i save drain a i save groa gut long gutpela graun i gat waisan long en.

Ol prodak na karim bilong en:

Diwai i save karim ol galip inap long 45 kilogrem/wanpela diwai/olgeta yia. Diwai yet ol i save yusim olsem paiawut.

Ol yanpela kru bilong kesiu diwai em ol i save kaikai olsem kumu.

Wara bilong sel bilong kesiu i gat planti wok bilong em long ol samting olsem ol pen na ol samting olsem ol klats ped bilong kar. Prut bilong en ol i save yusim long mekim jem na vinega.

Rot bilong groim: Dispela diwai i save groa long ol sidling.

Sid tritmen: Ol sid yu mas yusim em ol dispela sid we i go long as bilong wara i gat suga long en. Sapos ol sid i trip antap, ol i no gutpela long groim. Yu mas brukim tu skin bilong ol sid.

Menesmen: Yu mas planim ol sidling 8 mita bai 8 mita na yu ken daunim han diwai bilong ol long bihain taim.

Yu mas rausim ol gras nogut long namba wan tripela yia. Ol liklik hap han diwai i groa inap 1 mita samting yu mas rausim bai diwai i groa gut bihainim laik bilong yu yet.

Sampela taim, ol i save yusim dispela diwai insait long ol intakropim sistem bilong kamapim ol kain samting olsem ol painap.

Goma kamap nambawan kopi selsman

...Man PNG bai wok long Amerika

James Kila i raitim

Wanpela kampani long Las Vegas, Nevada, Yunaitet Stets bilong Amerika (U.S.A.), i tokaut i no longtaim i go pinis, olsem ol i makim pinis wanpela man Papua Niugini, Bernard Goma, long wok olsem vais presiden bilong Global Sels opis bilong en.

Dispela wok Mista Goma i kisim i mekim histri olsem namba wan man tru bilong PNG yet long stap ovasis na maketim grin bin kopi bilong PNG long ol ovasis baiya.

Mista Goma bai wok olsem vais presiden bilong Coffee Pacifica Inc. (Kopi Pasifika) long Las Vegas, tasol ol wok bilong em olsem PNG grin bin kopi selsman bai karamapim Amerika na Kanada.

Goma i gat moa long 40 krismas na em i bilong Kerowagi Distrik long Simbu Provins. Goma i save wok olsem wanpela opisa bilong Kopi Industri Koperesen (CIC) bipo na i risain o bin pinis wok long mum Mas long dispela yia tasol long kisim dispela bikpela wok long U.S.A.

Dispela wok bilong Goma em ol i kamapim long strongim wok bilong Coffee Pacifica Inc long baim kopi stret long ol fama long PNG na karim i go salim long ol bikpela baiya long Amerika.

Goma yet em wanpela kopi groa na em i bin skul olsem koporetiv opisa na i save gut long fil long sait bilong lo na operesen bilong koporetiv sosaiti long PNG. Em i bin wok koporetiv opisa bihain long em i pinis long olpela Koporetiv Koles long 1984. Bihain long em i pinis skul em i wok olsem wanpela koporetiv opisa long Simbu Provins wantaim Simbu Provinsel Gavman na bihain ol i makim em olsem menesing dairekta bilong Simbu Holdings. Dispela em wanpela sabsidari kampani o hap han kampani bilong Simbu Provinsel Gavman.

Long 1994 Goma i joinim CIC olsem wanpela trena. na kopi kadet opisa. Wok bilong em i stap long helpim ol kopi groa long sait bilong freit sabsidi na suriti program. Long 2003 Goma i bin go pas long kirapim kopi groas koporetiv insait long PNG na tu em i sanapim dispela groas kampani em ol i kolim PNG Kopi Groas Federesen Limitet (PNGCGF).

Minista bilong Agrikalsa na Laipstok, Mathew Siune, long wanpela pas bilong em i tok olsem em i amamas tru olsem Coffee Pacifica i makim wan-



¥ Mista Goma (rait) wantaim wanpela lida bilong Henganofi, Sir Bono Azanifa, na bos bilong CIC, Ricky Mitio.

Foto: JAMES KILA

pela lokal PNG man long holim kain wok long Amerika.

Mi amamas long wok Bernard Goma i kisim long karimaut wok bilong salim PNG kopi long Amerika na Kanada. Dispela em i wanpela bikpela posisen tru long salim ol kopi bilong ol liklik manmeri bilong yumi long PNG long ovasis, em i tok.

Mista Siune i tok, olsem Minista bilong Agrikalsa na Laipstok, wanpela bikpela polisi bilong em i bilong developim Ekspot Driven Ikonomi long bringim gutpela mani i kam insait long sapotim ikonomi bilong kantri.

Wanpela samting we i opim tru ai bilong mi em olsem Nesenel Gavman i kamapim dispela polisi na CIC i kamapim 8 Poin Plen bilong en na PNGCGF i go het na karimaut wok we i ron gut, em i tok.

Insait long wanpela ripot Wantok Niuspepa i kisim, Coffee Pacifica wantaim PNGCGF i go insait long wanpela agrimen o wanbel long Mas 7, 2005, we bai lukim PNGCGF i karimaut wok bilong kopi kwaliti kontrol insait long 24 mun. Long karimaut dispela wok PNGCGF bai kisim 2 milien sia aninit long 144 ristriket sia.

PNGCGF em wanpela patna bilong Coffee Pacifica. tu em i stap olsem sia holda long kampani.

Coffee Pacifica Inc i wok olsem wanpela distributa na lain bilong maketim kopi bilong ol groasbi-long PNG long ol maket long Amerika, Kanda na Yurop.



Cat® 428D Backhoe Loader

Raising the standards for performance, versatility operator comfort.

More than a machine. A Partner.

The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAU
Phone: 982 1244
Fax: 982 1129

Servicing
Papua New
Guinea
Since 1949

Radio Australia Tok Pisin News

Harim TOK PISIN long Radio Australia
101.9FM Port Moresby

The Last Avenue Radio Australia
long 101.9FM Port Moresby
Tok Pisin Service
6am - 7am: 6080, 7240(KHZ)
7pm - 9pm: 5995, 6020, 9710, 1290(KHZ)

PACIFIC BEAT

Maket bilong kapiak ekspot long Fiji i groa

OL AGRIKALSA atoriti long Fiji i wok long amamas long groa bilong ol ovasis maket long wanpela long ol bikpela prut kaikai bilong en - kapiak.

Nau ol i wok long askim ol fama insait long Fiji yet long groim ol na strongim kwolati bilong en.

Ol ripot i kam long Fiji i tok olsem las yia 10.5 tan kapiak i bin go aut long kantri. Dispela namba i go antap moa long 35 pesen. Bipo mak bilong em i bin sanap long 6.8 tan long 2003. Dispela kapiak em planti long ol Pasifik manmeri i stap long ol arapela kantri olsem Australia, Nu Silan na Amerika i save laikim tru.



Radio Australia i bin kisim tingting bilong ol save man long Fiji long dispela indastri we i wok long groa nau.

Husat i askim: Caroline Tiriman

Husat i givim bekim: Andrew McGregor, Developmen Projek Kodineta, Fiji Breadfruit Indastri.

McGregor: Mipela i apim mak bilong ol ekspot long 10 tan las yia - we mipela i karim i go aut long balus - na dispela yia mipela i ting bai mipela i salim 35 tan i go aut. Maket bilong em i bikpela moa long dispela mak, tasol sapos mipela i stretim rot bilong skruim laik na strong bilong en, bai mipela i ken salim moa.

Tasol mipela i ken mekim.



Breadfruit

Tiriman: Kapiak em i wanpela sisinel (i save groa wanwan taim tasol long wanpela yia) prut. Em i tru?

McGregor: Em i tru, tasol long Fiji em i save karim planti taim. Long Samoa, i no tumas. Yu go klostu moa long ikweta em i no save karim planti taim. Tasol nau em i wok long karim i go long taim tru.

Taim bilong karim i wok long senis. Tasol long dispela yia bai mipela i gat longpela karim taim. Nau em i wok long karim gen. Mi sindaun nau na mi ken lukim ol nupela prut i wok long kamap gen. Na mipela i ting taim bilong karim i pinis.

Olsem na nau em i longpela taim tru bilong karim. Mipela i makim kapiak i save karim tupela na tripela mun long karim. Em mipela i laik traim mekim long bihain taim.

Mipela i save kisim kapiak long ol diwai i groa long olgeta hap. Mipela i mas i gat ol liklik hap gaden. Tenpela o 20 diwai na ol fama long ol liklik ples i ken planim ol na kisim ol kain kain kapiak, bai ol i ken groa long kain kain taim na mipela i ken skruim karim taim bilong

ol.

Tiriman: Mi save long ples bilong mi long Papua Niugini ol kapiak diwai i save groa nabaut long bus na sampela famili i save groim nabaut ausait long haus bilong ol. Tasol planti i save lusim i groa nating insait long bus. Bai yu askim ol manmeri long yusim ol dispela tu?

McGregor: Yes, ol i mas planim insait long wanpela gaden. Em nau mipela i save mekim olsem long Fiji. Em i groa nabaut long bus na em i save bihainim ol longpela diwai, tasol ol manmeri i save go antap yet long kisim kapiak.

Em i wanpela wok we i ken givim hevi long ol manmeri tu ya.

Tiriman: Em nau.

McGregor: Em nau mipela i stap olsem. Samting mipela i laik strongim insait long indastri em long planim ol liklik gaden. I no ol bikpela plantesen, tasol ol liklik gaden i nap long 10 o 20 kapiak diwai samting.

Em nau bai yu ken kisim ol liklik na bai ol i ken karim hariap.

Sapos yu planim olgeta long wanpela hap, em bai isi bilong wanem hevi bilong ol prut binatang i stap yet.

Maski ol kworentin wok bilong mipela i wok long kilim ol binatang, ol kantri olsem Nu Silan i no save laikim ol kiau bilong binatang i stap insait. Maski ol i dai pinis.

WOL NIUS

Ol i pasim kot blong Sharpelle Corby

LONG Indonesia, ol i larim pastaim kot kes agensim Sharpelle Corby, wanpela meri bilong Australia husat ol i kotim long karim hait ol drak i go insait long kantri.

Ol i larim pastaim kot kes bihain long Mis Corby i bin tok em i no pilim gut na i bin pundaun silip antap long meri husat i tanim tok bilong em.

Pastaim long dispela, em i bin pundaun taim wanpela kalabus ol i hankafim han blong en long en i bin pundaun taim tupela i wokabaut i go antap long polis ka.

Ol i bin sasim Mis Corby, wanpela sumatin bilong Australia, long karim hait 4 kilogrem mariwana o spak brus i go insait long Bali.

Kot i laikim bai ol i mas rereim wanpela ripot bilong dokta

long em redi long taim ol i go bek long kot long wik bihain.

Long namei taim, Australian Jastis Minista, Chris Ellison, i tok gavman bilong em i mekim olgeta samting em i ken pinis bilong helpim Scharpelle Corby.

Ol Vanuatu polisman i dring kava bai kisim mekimsave

LONG Vanuatu, ol bai stat sasim nau ol polis opisa husat i save dring kava long taim bilong wok.

Dispela tingting i hap long wok bilong Polis Sevis Komisin bilong klinim polis fos.

Komisin i givim pinis tu wanpela tingting olsem, bai gutpela sapos ol i makim wanpela pemenen seketeri, i mas gat 4-pela yia long wok, na long ol i mas glasim gut ken ol lo bilong promotim ol opisa.

RADIO TOK PISIN PROGRAM TUNE IN: 101.9 FM

Radio Australia Tok Pisin Program - stat long mun
Mas 2005

MANDE Morning
6AM Stesen Op - Nius na Karen Afeas
6.30AM Ol Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Ol Hetaim na Program Priviu
7.15PM Spots
7.30PM Nius na Karen Afeas
8PM Hetaim
8.15PM Musik
8.30PM NUIS
8.40PM Spots Riplei
8.55PM Musik
9PM Stesen Pas

TUNDE Morning
6AM Stesen Op - Nius na Karen Afeas
6.30AM Nius Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NUIS
8.40PM Hetaim Riplei
8.55PM Musik
9PM Stesen Pas

TRINDE Morning
6AM Stesen Op - Nius na Karen Afeas
6.30AM Ol Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NUIS
8.40PM Mama Graun Riplei
8.55PM Musik
9PM Stesen Pas

FONDE Morning
6AM Stesen Op - Nius na Karen Afeas
6.30AM Ol Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NUIS
8.40PM Focus Riplei
8.55PM Musik
9PM Stesen Pas

FRAIDE Morning
6AM Stesen Op - Nius na Karen Afeas
6.30AM Ol Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NUIS
8.40PM Youth Riplei
8.55PM Musik
9PM Stesen Pas

SARERE Morning
Sotwew i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius / Wantok Riplei
8PM Serah (Famili bilong Serah)
8.15PM Musik
8.30PM NUIS
8.40PM Musik na Chit-Chat
8.55PM Musik
9PM Stesen Pas

SANDE Morning
Sotwew i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Ol Hetaim na Program Priviu
7.15PM Musik na Chit-Chat
7.30PM Nius / Serah Riplei
8PM Rivu
8.30PM NUIS
8.40PM Musik na Chit-Chat
8.55PM Musik
9PM Stesen Pas

TOKSAVES: YU KEN HARIM RADIO
AUSTRALIA TOK INGLIS LONG 24
AUA 7 DE LONG WANVIK

In the Loop
Hosted by Isabelle Genoux & Heather Jarvis

Want a place in the global village?

Fresh sounds, phat beats

Inspiring, informing & plugged in

Open up YOUR mind

New moves, new grooves

Sharing views and creating smiles

Radio Australia
101.9FM
Port Moresby
Daily 11.30am

radioaustralia.net.au/intheloop



• Kennedy Wori (namba 8) bilong Souths i sutim bal i go insait long umben bilong Cosmos long Mosbi soka tasol banis bilong Cosmos i strong tumas. Poto: ANDREW MOLEN



• Kiteni Saleau bilong Rapatona i traim long rausim bal long Tiani Tapo bilong United insait long Mosbi prisisen hoki long Sir John Guise Stadium. Poto: ANDREW MOLEN




• Ol pilaia bilong Exodus i traim long pasim we bilong wanpela Chariots pilaia bihain long em i kisim bal long ribaun long Mosbi basketbol pilai long Hohola Kots. Poto: ANDREW MOLEN



• Tupela pilaia long tim 1 na tim 2 i resis long kisim bal long fainel bilong makim Binatang skwat long Colts Pak. Ol Binatang i go long Cairns, Australia, long Tunde dispela wik. Poto: PAUL ZUVANI



• AFL PNG Binatang tim 1. Long lephan kona em menesa Joe Maggio na long rait em tim kosa Paul Sioni. I gat Binatang tim 2 we tupela bai bung na go pilai long Not Kwinslen Kantri Sempionsip. Poto: PAUL ZUVANI



• Tupela olupela Mosbi birua Hawks na Paga Panthers. Hia ol pilaia bilong Hawks i daunim pilaia bilong Paga Panthers long las wiken pilai. Hawks kaikaim Panthers 28-26. Poto: ANDREW MOLEN

Melanesian Etetik**Sempionsip****Sir Ignatius Kilage Stadium, Lae**

Fraide 22/04/2005

10:00 400m U18W/M/Open W/M 400m

15:30 800m U18W fainol

15:40 800m U18M fainol

16:00 Long Jump U18M

16:00 400m Hurdles Open W

16:10 400m Hurdles Open M

16:20 3000M U18/Open W

16:40 3000M U18 M

17:00 100m Heats Open Men (only if three rounds necessary)

17:30 10000m Open M

Sarere 23/04/05

9:00 800M SF Open M, High Jump Open/U18, W Shot Put, Open M Triple Jump, U18 M Javelin, U18 M

9:30 110 Hurdles Open/U18 M

9:45 100M Hurdles Open/U18 W

10:00 100m Heats, U18W, 100m Heats U18 M

10:30 100m SF, Open W, 100m SF, Open M

10:45 Opening Ceremony

11:30 Triple Jump, Open/U18 W, Javelin, Open/U18 W, Shot Put U18M, High Jump Open M, Discus Open M.

12:00 1500M Finals, Open/U18 W, 1500m Finals U18 M, 1500m Finals Open M

12:30 Medal Presentations

13:00 100m Finals U18 W 100m Finals U18 M, 100m Finals Open W, 100m Finals Open M

13:30 Medal Presentations

14:00 Long Jump Open M Discus Open/U18 W, 400m Finals U18 W, 400m Finals U18 M, 400m Finals Open W, 400m Finals Open M

14:30 Medal Presentations

15:00 5000m Open U18 M

15:30 4 x 100m Relays U18 W, 4 x 100m Relays Open W, 4 x 100m Relays Open M

Sande 24/04/05

10:00 200m Heats U18, 200m Heats U18 M, 200m Heats Open W, 200m Heats Open M, Discus Throw U18 M, Long Jump Open/U18 W, High Jump U18 M

11:00 Medal presentations

11:30 800m Finals Open W, 800m Finals Open M, Triple Jump Open M, Javelin Throw Open M, Shot Put

Open/U18 W

12:00 200m Finals U18, 200m Finals U18 M, 200m Finals Open W, 200m Finals Open M

12:30 2000m S/Chase U18 M, 3000m S/Chase Open M

13:00 Medal presentations

13:30 4 x 400m Relays U18 W, 4 x 400m Relays U18 M, 4 x 400m Relays Open W, 4 x 400m Relays Open M

RAGBI LIG**Pot Mosbi**

Raun 7

Sarere 23/04/05

PRL 1

09:00 DCA vs Paga Panthers R

10:30 Hawks vs Royals R

12:00 Warriors vs Tigers R

1:30 Mix Warriors vs Kaugere Bulldogs SS

2:30 DCA vs Paga A

4:00 Hawks vs Royals A

PRL 2

09:00 Defence vs Souths U17

10:00 DCA vs Paga Panthers U17

11:00 Hawks vs Royals U17

12:00 Defence vs Souths U19

1:00 DCA vs Paga Panthers U19

2:30 Hawks vs Royals U19

Sande 23/04/05

PRL 1

09:00 Waliya vs Tarangau R

10:30 Dobo Warriors vs Kone A

12:00 Waliya vs Tarangau A

13:30 Defence vs Souths A

15:00 Brothers vs Magani A

PRL 3

09:00 Dobo Warriors vs Kone U17

10:00 Brothers vs Magani U17

11:00 Waliya vs Tarangau U17

12:00 Dobo Warriors vs Kone U19

13:00 Brothers vs Magani U19

14:00 Waliya vs Tarangau U19

Mande 25/04/05

PRL 1

09:00 Puma vs West U17

10:30 Puma vs West U19

11:30 Defence vs Souths R

12:30 Puma vs West R

13:30 Brothers vs Magani Res

15:00 Puma vs West A

Basketbol**Capitol Basketball Lig**

Hohola Kot

Sarere 23/04/05

Kot Wan

8:30 Titans Vs Jazz U19 boys

9:30 Titans Vs Jazz U19 Girls

10:30 Titans Vs Jazz RW

12:00 Titans Vs Jazz RM

1:30 Titans Vs Jazz AW

3:00 Titans Vs Jazz AM

Kot Tu

8:30 Birdwings Vs Tamaraws U19 Boys

9:30 Birdwings Vs Tamaraws U19 Girls

10:30 Birdwings Vs Tamaraws RW

12:00 Birdwings Vs Tamaraws RW

1:30 Birdwings Vs Tamaraws AW

3:00 Birdwings Vs Tamaraws AM

Sande 24/04/05

Kot Wan

8:30 Saints Vs Chariots U19 Boys

9:30 Saints Vs Chariots U19 Girls

10:30 Saints Vs Chariots RW

12:00 Saints Vs Chariots RM

1:30 Saints Vs Chariots AW

3:00 Saints Vs Chariots AM

Kot Tu

8:30 Muruks Vs Souths U19 Boys

9:30 Muruks Vs Souths U19 Girls

10:30 Muruks Vs Souths RW

12:00 Muruks Vs Souths RM

1:30 Muruks Vs Souths AW

3:00 Muruks Vs Souths AM

Bye: Exodus

Soka**Pot Mosbi**

Sarere 23/04/05

Bisini Wan

08:00 Kurti Andra vs Souths Utd U21

09:20 Jaha vs Mopi Soweto W1

10:30 Naniu vs Tawala W1

11:50 UBOG vs Tarangau D2

13:10 PS Rutz vs Mirel Momase PR

14:30 Cosmos vs PNG Gardener WP

16:00 Cosmos vs LBC Defence P

Bisini Two

08:00 Blue Kumuls vs Sunset U21

09:20 Mungkas vs Sobou W1

10:30 PS Rutz vs Mirel Momase U21

11:50 University vs Guria WP

13:10 Naniu vs Cellnet D1

14:30 PS Rutz vs Mirel Momase P

16:00 Rapatona vs University P

Sir John Guise Stadium - Oval One

08:00 Maset vs Sobou D3

09:20 Tawala vs Orogen D2

10:30 Guria vs Los Negros U21

11:50 Kurti Andra vs Souths Utd PR

13:10 Bofnana PC vs KG United D3

14:30 Nomads vs Mopi Soweto D3

16:00 Fernor vs Verave D3

17:20 Telikom vs Lus Prutz D2

Sande 24/04/05

Bisini One

08:00 Sunset vs South Utd W1

09:20 Murat vs Guria D2

10:30 Cosmos vs LBC Defence U21

11:50 PS Rutz vs Murat WP

13:10 WP

Telikom vs Rapatona

14:30 Bavaroko vs Mungkas D1

16:00 Kurti Andra vs Souths Utd P

Bisini Tu

08:00 Cosmos vs LBC Defence PR

09:20 Rapatona vs University U21

10:30 Los Negros vs Manambu D1

11:50 LBC Defence vs Los Negros W1

13:10 Pacifica Utd vs Badili Utd D2

14:30 Lamana GFN vs MWI Momads WP

16:00 Blue Kumuls vs Sunset P

Sir John Guise Stadium - Oval 1

08:00 Markham Yarangs vs KB Utd D3

09:20 Blue Kumuls vs Sunset PR

10:30 Sobou vs Bavaroko U21

11:50 Jaha vs PNG Gardener D2

13:10 Rapatona vs University PR

14:30 Cellnet vs Markham Yarangs U21

16:00 Badili Utd vs POM Business Coll U2

17:20 Mungkas vs Manambu U21

Midweek - Monday 25th April

16:30 Yawata vs Raitman D3

Volibol

Fairfax

Venue: Sir John Guise Indoor Stadium

Sarere 23.06.

Kot wan

08:30 Fire Fox vs Arnotts WAR

09:40 Telikom vs Kakidos WAR

10:50 Badili Hides vs Wet WAR

12:00 Seeto Kui POM vs Freeway Hox WAR

13:10 Lagoons vs Wet WA

14:20 Esi Loan Neibas vs Trans Hi Way WA

15:30 Fire Fox vs Arnotts WA

Kot 2 - Women

08:30 Trans Hi-Way vs Dolphins WAR

09:40 Seeto Kui POM vs TI Doria WAR

10:50 Dolphins 1 vs Freeway Hox WAR

12:00 Frenz vs Yonkies WA

13:10 Badili Hides vs TI Doria WA

14:20 Dolphins vs 14 Mixers WA

15:30 Yonkies vs 14 Mixers WAR

Kot 3 - Men

08:30 Freeway Hox vs Frenz MAR

09:40 Esi Loan Neibas vs 14 Mixers MAR

10:50 Arnotts vs Wet MAR

12:00 Frenz vs Freeway Hox MA

13:10 Arnotts vs TI Doria MA

14:20 Fire Fox vs Telikom MA

15:30 Yonkies vs Wet MA

Kot 4 - Men

08:30 Moukele vs Badili Hides MAR

09:40 Kakidos vs Fire Fox MAR

10:50 Dolphins vs TI Doria MAR

12:00 Lagoons vs 14 Mixers MA

13:10 Moukele vs Kakidos MA

14:20 Seeto Kui POM vs Dolphins MA

15:30 Lagoons vs Telikom MAR

Sofbol**Pot Mosbi sofbol meri Gren Fainol**

Sarere 23/04/05

Bisini Daimion 1

10:00 Admiralty vs Dolphins U16

12:00 Gazelle vs Wantok B

2:00 Gazelle vs Airways Bears A



• Bipo biknem Canberra Raiders pilaia Steve Walters husat i givim toktok long taim PNGRFL i lonsim 2005 SP Kap Nesenel Ragbi Lig kompetisen long SP Brewery long Mosbi, las wik. Pilai bai stat long Mei 8.



• Frank Parkinsen, wanpela PNG amata golf pilaia husat i traim paitim bal long pilai long 2005 PNG Golf Open tonamen long Mosbi we bai stat long dispela wik Fonde na pinis long Sande. Poto: PAUL ZUVANI

ANDREW MOLEN i tokaut long ol lo bilong pilaim SP Kap lig kompetisen. Dispela ol lo em PNGRFL i kamapim wantaim helpim bilong Australia Ragbi Lig.

Ol lo bilong ragbi lig

...long pilai long SP Kap kompetisen

PASIN bilong singaut bagarapim o paitim refri, ol narapela sapota, ol pilaia o kosa bilong wanpela tim em bai i pinis nau. Dispela ol pasin i save kamapim ol hevi na bagarapim go het bilong pilaim bikpela pilai bilong mipela- ragbi lig.

Papua Niugini Ragbi Futbol Lig wantaim wok bung bilong Australia Ragbi Futbol Lig i kamap wantaim ol lo bilong stopim dispela kain ol pasin.

Dispela ol lo em PNGRFL i tokaut long taim em i lonsim 2005 SP Kap kompetisen long SP Brewery long Pot Mosbi las wik.

Ol i kolim dispela ol lo Nesenel Kod ov Kondak na em i kamapim ol pilaia, sapota, ol kosa, refri na tas jas.

"As bilong dispela em long mekim gem i gutpela bai i nogat planti pilaia i kisim bagarap," sif eksekutiv opisa bilong PNGRFL Jeff Wade i tok.

As tingting bilong dispela lo em long mekim bai taim ol pipol i go long lukim na sapotim gem ol i ken pilim gutpela na amamas olsem i nogat birua i kamap long ol o long tim bilong ol. Wade i tok em i laikim bai olgeta manmeri husat i save wokbung wantaim o sapotim ragbi lig i mas kisim dispela ol lo i go insait long ol wok bilong ol long gem o kompetisen bilong ol.

"Mipela laikim bai planti moa manmeri i mas kam lukim ragbi lig na dispela ol pasin bilong pait na bikhet i mas pinis," siaman bilong PNGRFL, Sir Bob Sinclair i tok.

Ol bikpela tingting i go pas long dispela kod i tok olsem olgeta pilaia, ol mamapapa, ol sapota, ol kosa na ol ofisol long ragbi lig i mas;

- Noken bihainim o mekim ol pasin we i no soim wei bilong ol spotsman. Dispela em long pasin bilong ol, long wei bilong ol pilai bai ol i noken pilai nogut, noken kros na pait insait o ausait long fil.

- Soim rispek long ol narapela na noken bagarapim narapela man o meri, bikpela o liklik, turangu man o gutpela man, wanem lotu bilong em, ples em i kam long en o kala bilong skin bilong em.

- Noken yusim ol drak o marasin nogut long pilai; dispela ol drak na marasin i ken bagarapim bodi bilong ol pilaia na tu em i no stret long sait bilong kamapim gutpela pilai.

Ol lo i kamaut dispela yia tasol na bai ol i yusim insait long olgeta ragbi lig kompetisen long kantri na tu long SP inta-siti kap salens we bai kik-ov long Mei 8 na gren fainol bai kamap long Ogas 21.

Kod ov kondak o lo na we ol pilaia i mas bihainim i stap olsem, ol pilaia i mas;

- kamap olsem wanpela gutpela spotman. Respektim olgeta pilai, maski sapos tim bilong yu o narapela tim i wokim na bihain long gem sekhan wantaim ol pilaia bilong narapela tim na ol ofisol maski sapos yu win, lus o dro.

- pilai long amamas na tu long gutpela bilong yu na bodi bilong yu.

- respektim toktok, tingting o disisin bilong refri na wanem samting em i mekim.

- Noken mekim, joinim o helpim long kamapim ol bikhet pasin olsem pasin bilong pait na bagarapim pilai bilong yu o narapela tim o pilaia.



• Pilaia bilong Paga Panthers i no inap go moa taim Hawks pilaia i holim em long Pot Mosbi ragbi lig pilai. Hawks win 28-26. Sampela ol SP Kap pilai bai kamap long dispela fil. Foto: ANDREW MOLEN

- respektim ol lo bilong gem na pilai bihainim ol lo na gutpela tingting na we bilong gutpela spotsman; Noken pilai long moni na respektim tu ol pasin o tredisen bilong gem.

- Noken mekim, joinim, helpim long o stap insait long ol bikhet pasin olsem tok nogut, wokim ol piksa o sain nogut long han o narapela hap bilong bodi bilong yu, ol toktok bilong bagarapim narapela, hatim bel o narapela kain pasin olsem we bai bagarapim o hatim bel bilong ol narapela pilaia, ofisol o sapota.

- was na lukaut long ol samting bilong pilai na trening na noken bagarapim o larim o narapela long bagarapim ol.

- Lukautim bodi bilong yu na noken yusim ol samting we bai bagarapim yu.

- luksave olsem planti ol opisel, kosa na ol referi em ol voluntia o ol i no save kisim pe long wok bilong ol tasol ol i givim taim bi long ol long yu olsem na yu i mas soim bikpela respek long ol.

- noken bet o putim moni long wanpela gem o kompetisen we yu i stap insait long en.

Long endosim o strongim na givim tok orait long dispela ol lo we i karapim ol pilaia, faiv-eit na kepten bilong Brisbane Broncos na Australia, Darren Lockyer i tok; "Maski sapos yu pilai long anda-17 o yu makim Papua Niugini, i gat ol lo we yu i mas bihainim.

"Ragbi lig em i wanpela bilong ol nambawan gem insait long wol na sapos olgeta pilaia i tingim na bihainim ol dispela liklik na isipela lo em bai

helpim gem long kamap bikpela moa yet."

Ol kosa tu i gat 10-pela lo bilong ol. Hia em sampela bilong ol, ol kosa i mas;

- strongim ol pilaia long noken kamapim o stap insait long ol bikhet pasin we i no we bilong ol gutpela spotsman.

- lukim olgeta pilaia long tim olsem ol i wankain na noken yusim wanpela pilaia tasol olgeta taim bilong wanem ol i ting olsem em i gutpela pilaia moa long ol narapela. Kosa i mas mekim olgeta pilaia olsem ol i wankain tasol.

- skulim na tokim ol pilaia bilong ol olsem ol i pilai wantaim trupela bilip na tingting bilong ol na long olgeta strong na save bilong ol em i wankain na impoten olsem ol i winim wanpela gem.

- lukautim gut ol pilaia husait i sik o kisim bagarap. Harim na bihain tok bilong ol dokta long wanem taim bai ol i orait na wanem taim bai ol i nap long pilai ken.

Kosa bilong Brisbane Broncos na Australia, Wayne Bennet i endosim lo bilong ol kosa na em i tok; "Olsem kosa, yu i mas save olsem long ol tok-tok na eksen bilong yu bai yu senisim pasin bilong pilaia bilong yu na ol skil bilong em tu."

Bennet i tok yu bai i mas strongim tu ol tredisen o pasin na bilip bilong gem.

"Yu i ken amamas long win na taim yu lus kisim tasol na tingim long promotim spotmansip na noken sapotim gemsmensip o pasin bilong pilai long o putim moni o bet long gem," Bennet i tok.

Long ol referi na ol tas jas, mama lo bilong ol em;

- Yu i mas stap namel na noken wansait long wanpela tim, mekim wankain samting insait long gem, holim strong lo bilong gem tasol isi na respetim tu ol pilaia.

"Olsem refri yu i gat bikpela wok long mekim insait long gem. Yu i mas helpim long promotim gutpela spotmansip na soim o tok klia long tingting na disisen o wanem penotti yu givim bai olgeta i ken lukim na save," bipo intanesenel refri bilong NRL, Bill Harrigan i tok taim em i endosim long bilong ol refri na tas jas.

Ol mamapapa na sapota tu i gat lo bilong ol we bikpela em long noken sapotim ol bikhet pasin i kamap namel long ol pilaia, kosa, ofisol, ol mamapapa o ol narapela sapota.

Ol i mas respektim tingting bilong refri na ol i mas helpim ol pilaia long pilai bihainim ol lo na long respektim ol pilai na ofisol bilong narapela tim.

Long bihainim dispela ol lo bai ol ragbi lig gem insait long PNG bai nambawan tru long olgeta i ken i go lukim na sapotim tim bilong ol na i noken i gat pret tingting olsem ol narapela bai bagarapim o ronim ol.



• SP Brewery jenerel menesa Nigel Yeo (lephan) i sanap wantaim ol sapota bilong ragbi lig long taim PNGRFL i lonsim SP Kap long SP Brewery las wik.



Broncos gat pawa

BRISBANE Broncos i sanap strong inap long ol pasim strongpela pilai bilong St George Illawara na win 34-24 long pilai bilong tupela long las wik.

Long dispela pilai Broncos i putim 7-pela trai we yampela na man nogut bilong ol Leon Bott i putim tripela trai olgeta. Dragons i putim foapela trai tasol

Dragons i pilai gut stret tasol laki bilong gutpela lek bilong Broncos kepten Darren Lockyer we em i kikim ol gutpela bal we i helpim Broncos long win.

Tasol long konveting ol trai Lockyer i sutim tripela gutpela tu poin kik.

Ol Dragons husat i gat pilai gut bipo long 17,287 pipel husat i kamap na lukim pilai i no wet taim ol i krungutim pilai graun long pilai. Dispela i lukim Lance Thompson i putim namba wan trai bilong ol bihain long em kisim bal long Ashton Simms.

Na bihain liklik long dispela ol Broncos i guria taim fulbek bilong ol Karmichael Hunt i kisim bagarap bihain long Shaun Timmins i mekim hai takol long em.

Dispela i lukim referi Steve Clark i putim Timmins long ripot bihain long vidio referi Paul Simpkins i tokim Clark long wanem samting tru i bin kamap.

Na yes ol Dragons i surukim moa yet mak bilong ol taim Matt Copper i ron gut long narapela 20 mita mak long putim trai.

Dispela trai bilong ol i kamap bihain long Broncos winga Scott Minto i lusim



• Brisbane Broncos Brent Tate i bungim taim nogut wantaim ol pilai bilong St George Illawara Dragons. Broncos win 34-24.

bal bihain long graba bilong Matthew Head. Copper yet i kikim tu poin long trai bilong we i lukim ol i go pas 12-0 bihain long 16 minit bilong pilai.

Dispela ol trai i kamap long asua bilong Broncos yet long wanem ol i lusim planti bal bilong ol nating.

Tasol maski long dispela ol Broncos i no wari we pilai i go moa liklik we i lukim Bott i putim namba wan trai bilong ol tripela trai bilong em.

Lockyer i abrusim konvesen na skoa i sanap 4-12. Bihain long dispela Tonie

Carroll i skoa bihain long kik bilong Brent Tate na Lockyer i putim gut tupela poin.

Na bihain gen long dispela Dragons Colin Best i mekim krangki long glivim rum long Bott we Bott i ron tasol i go namel long spes na putim namba tu trai bilong em. Long hap taim Broncos i go pas 14-12.

Long namba tu hap Broncos i putim narapela foapela trai we i lukim ol i win pilai. Na Dragons i putim tupela moa trai tasol.

Smith kisim mekimsave, Morley go fri

CANBERRA faiv-eit Jason Smith i no inap pilai long tripela wik.

Dispela em bihain long em i kisim sas long mekim wanpela takol we inap long kamapim bagarap long narapela pilai. Long dispela as ol opisel bilong NRL i sasim em long em i no ken pilai tripela wik olgeta.

Tasol fowet bilong Sydney Roosters Adrian Morley em ol opisel i lukim olsem takol bilong em i orait na olsem em i go fri. Dispela em long taim ol i pilai wantaim Canterbury Bulldogs long las wik we ol i win 29-16.

Smith i mekim takol nogut long bekro bilong Manly Sea Eagles Anthony

Watmough we Manly i win 36-14 long pilai bilong ol las wik.

Tasol dispela sas bilong Smith long stap nating tripela wik olgeta i ken kam daun long tupela sapos Smith i tokaut stret na tok sori long wanem samting em i mekim.

Tasol Ingran fowet Andrew Morley em ol opisel i no kolim long pepa bilong sas.

Komiti we i sindaun na skelim ol hevi i kamap long taim bilong pilai i lukim olsem dispela askim bilong referi long Morley long go ausait bihain long em i mekim takol inap long karapim rong bilong em.

Morley i mekim takol long Bulldogs

winga Mat Utai.

Dispela takol em Bulldogs kosa Steve Folkes i tok "em i pilai pilai long paitim pes."

Long ol narapela lo bilong nius Raiders skipa Simon Woolford em komiti i sasim long mekim gret 1 hai takol na olsem em i bai stap nating long narapela tupela wik.

Na long lok bilong St George Illawara Shaun Timmins em komiti i askim em long stap nating long wanpela wik long long wanpela hai takol.

Em i takolim Brisbane fulbek Karmichael Hunt. Long pilai bilong ol Broncos i win 34-24.

Australia, Nu Silan makim skwat bilong pilai

AUSTRALIA na Nu Silan i makim pinis skwat bilong tupela long ANZAC Tes Mes we bai kamap Brisbane long dispela tumoro.

Tim bilong Australia em Anthony Minichello (Sydney Roosters), Luke Rooney (Penrith), Shaun Berrigan

(Brisbane), Willie Tonga (Bulldogs), Matt Sing (North Queensland), Darren Lockyer (Brisbane-kepten), Brett Kimmorley (Cronulla), Steve Price (New Zealand), Luke Priddis (Penrith), Petero Civoniceva (Brisbane), Nathan

Hindmarsh (Paramatta), Craig Fitzgibbon (Sydney Roosters) na Tony Carroll (Brisbane).

Skwat bilong Niu Silan em Jerome Ropati, Jamaal Lolesi, Nigel Vagna, Paul Whatuira, Matt Utai, Benji Marshall, Thomas Leuluai,

Paul Rauhihi, Lousi Anderson, Ruben Wiki (kepten), Frank Pritchard, Wairangi Koopu, Sione Faumauina.

Long helpim ol em Dene Halatau, Jason Cayless, Roy Asotasi na David Kidwell. Dispela em gutpela tim.

Ol referi kisim tok lukaut long NRL

OL OPISEL bilong Nesenel Ragbi Lig i no amamas long ol toktok em Roosters kosa Ricky Stuart i mekim bipo long pilai bilong ol.

Bihain long dispela komiti bilong NRL i sindaun na paitim toktok na kamap wantaim disisen olsem ol i no inap tokim Stuart long baim ol toktok em i mekim.

Tasol long wankain taim ol i tok olsem ol (referi) i mas lukaut gut long wanem ol i toktok long en long pablik long wanem planti ol manmeri i save long ol long wok

ol i mekim long en.

Ol toktok em Stuart i mekim i lukim em i tok referi i no mekim gut wok bilong em na olsem dispela i ken bringim bel pen i go long pablik we pablik i ken bagarapim wanpela referi.

NRL sif eksekutiv David Gallop i tok lukaut long Stuart long wik olsem ol kosa i mas soim gutpela piksa long ol pilai na ol sapota bilong ragbi lig.

"Long taim pilai i kamap em i isi long mekim ol kainkain toktok long ol referi,"

Gallop i tok. "Em long dispela kain pasin na olsem edministresen bilong bipo i mekim bikpela tambu long ol referi o pilai i mekim ol toktok i go long ol referi.

"Mipela i tok olsem ol referi i ken kisim ol toktok long wanem samting ol i mekim tasol long wankain taim ol toktok i mas kamap long gutpela wei bai hevi o birua i no ken kamap.

"Pilai long top level i mas kamap long mak we em i mas soim gutpela piksa," Gallop i tok.

Raun 7

Fraide, Epril 22 -
Eels vs West Tigers. Yu ken lukim long EMTV long 8.30 long nait.



Sarere, Epril 23 -
Knights vs Bulldogs
Panthers vs Cowboys
Raiders vs Storms

Sande, Epril 24 -
Roosters vs Dragons. Yu ken lukim dispela long EM TV long 4:00-6:00 apinun



Sea Eagles vs Rabbitohs
Sharks vs Broncos

Bai: Warriors

NRL Poin Lata

Klab	P	W	D	L	B	P/D	Pts
1 Raiders	5	4	0	1	1	38	10
2 Sea Eagles	5	4	0	1	1	35	10
3 Sharks	5	4	0	1	1	34	10
4 Cowboys	6	4	0	2	0	35	8
5 Broncos	6	4	0	2	0	23	8
6 Wests Tigers	5	3	0	2	1	-15	8
7 Storm	6	3	0	3	0	79	6
8 Panthers	6	3	0	3	0	36	6
9 Warriors	6	3	0	3	0	14	6
10 Roosters	6	3	0	3	0	1	6
11 Eels	6	3	0	3	0	-33	6
12 Bulldogs	5	1	0	4	1	-22	4
13 Rabbitohs	6	2	0	4	0	-33	4
14 Dragons	6	1	0	5	0	-66	2
15 Knights	5	0	0	5	1	-126	2

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilala	Tim	Poin
1. Clinton Schifcofske	Raiders	68
2. Preston Campbell	Rabbitohs	56
3. Stacey Jones	Warriors	56
4. Luke Covell	Sharks	54
5. Daren Lockyer	Broncos	48
6. Josh Hannay	Cowboys	46
7. Matt Orford	Storm	46
8. Bred Hodgson	Sharks	46
9. Joe Williams		44
10. Hazen El Masri	Bulldogs	38



• Andrew John kepten bilong Newcastle Knights i kisim bagarap long maus bilong em.

Pot Mosbi rot resis kamap bikpela

POT Mosbi Rot Rana i kamap bikpela tru nau. Las wik Sarere i gat 80 rana i traim 1.6, 5 na 8.5km resis.

Ol rana i bin stat wantaim 1.6km resis.

Taim dispela resis i pinis ol rana i laik long traim 5 na 8.5km resis. Husat i bin traim 1.6km na arapela resis i gat mak bilong resis inap long 6.6km na 10.1km i go bung we dispela tupela resis i bung na kamapim resis ol i kolim 'Must Run Challenge'.

I nogat wanpela man i winim Milton lakosi nau em i winim 1.6km na 5 km resis. Em i laik mekim spit tru nau na em i mekim nupela standet long ol sotpela resis. David Ruben i no inap long winim

em long 5km resis. Taim bilong Milton 17.55km na taim bilong David em 18.32km.

Gordon Wing em i traim hat tru long painim ol tasol taim bilong em i kamap em 19.10.

Namba wan meri long pinisim resis em Mylene Benzon, taim bilong em 24.11. Benzon em i mekim gutpela spid nau long ol sotpela resis.

Scott Bishop em i bin wok hat tru long painim namba wan ples long 8.5km resis. Long wanem, Simon Pinampio na Kes Nathon i ron klostu long em. Taim bilong ol em 30.45, 31.10 na 31.25.

Ol i mekim spit tru long ol rot we planti

man i sanap long em olsem Waigani Draiv na Cameron Rot. Na tu ol hui nambaut long rot.

Ol sampela lapun i pinisim 8.5km resis bihain long ol spit lain. Olsem Martin Maire (45.19), Paul Crouch-Chivers (52.52) na Hugh Davies (56.06). Ol i wok hat tru olsem san i hat tumas.

Lofit ol wik antap bai i gat nupela resis i stat long Ela Beach Towers: Resis bai go long Ela Beach na Paga Hill.

Longpela resis em bai hat long wok tru olsem bai i go antap tru long Paga Hill. Ol resis bai stat long 5km apinun tasol ol rana i mas bung long 4:55 long harim tok-save long rot we ol bai ron long en.

Nesenel Ragbi lig pilai i stat

Andrew Molen i raitim

BIKNEM SP Intasiti Kap nesenel ragbi lig resis we SP Brewery na PNG Ragbi Futbol Lig i lonsim long Mosbi las wik bai stat long Mei 8.

Dispela yia, 8-pela tim bai brukim bun long dispela sisen we gren fainel bai kamap long Ogas 21.

Ol opisel i ting sapos kompetisen i ron gut long dispela yia namba bilong ol tim husat i stap insait long pilai bai go antap long 12-pela tim.

Bipo kepten bilong Australia Mal Meninga na Billy Slater bilong Melbourne Storm bai kamap long opim dispela bikpela ragbi lig resis.

SP Brewery i go pas long dispela kompetisen olsem namba wan sponsa.

Long lonsing bilong resis las wik long Mosbi, brens menesa bilong SP Brewery, Nigel Yao i givim K1.2milien i go long PNGRFL long ronim dispela kompetisen.

"Mipela i amamas long sapotim namba wan gem bilong PNG na bai mipela i helpim long narapela tupela o tripela yia i kam," Yao i tok.

Siaman bilong PNGRFL, Sir Bob Sinclair i tok em i amamas long kam bek na givim bikpela tok tenkyu i go long SP Brewery na ol arapela sponsa.

"Yumi mas tok bikpela tenkyu long ol sponsa bilong wanem long ol tasol na dispela gem bai i kamap," Sir Bob i tok.

Tasol em i tok em i laikim gem i noken kamap olsem bipo.

"Ol pilai i mas bihainim ol lo bilong gem, i mas i nogat pasin bilong pait na bikhet i kamap namel long ol pilai na ol



• Ol models i amamas na soim bal long taim SP Brewery na PNGRFL i lonsim 2005 nesenel ragbi lig kompetisen long Pot Mosbi las wik. SP i givim K1.2m long statim dispela pilai.

sapota bilong ol. Long wankain taim tu bipo huka bilong Australia, Steve Walters i bin stap na em i tok amamas bilong em long lukim SP kap i on gen. "Man ating sapos yupela i mekim olsem bipo yet em bai ol Kumuls i kilim mipela taim mipela i save kam antap long pilai," Walters i tok

pilai. PNGRFL tu i kamapim ol nupela lo bilong gem aninit long mama lo bilong gem we Intanesel Ragbi Lig Federesen i makim. "As bilong dispela em long mekim gem i gutpela bai i nogat planti pilai i kisim bagarap," sief eksekutiv bilong PNGRFL Jeff Wade i tok.

Melanesian Etletik Sempionsip

Paul Zuvani i raitim

PAPUA Niugini bai bungim sampela taim nogut long ol resis bilong em long dispela wiken insait long Melanesian Etletik Sempionsip we bai i kamap long Sir Ignatius Killage Stadium long Lae.

Presiden bilong Papua Niugini Etletiks Yunion (PNGAU), Tony Green i tok bikpela salens bai kam long ol ronman-meri bilong Fiji.

Em i tok 100m bai lukim 24 etlit i resis long em. Dispela i min olsem Yunion bai mekim tripela raun long dispela resis.

"Bai i gat ol top rana long dispela resis. Otis Gowa bilong Cairns (Australia) na SP Gems sempion Jon Lum Kon bai traim ol manki PNG olsem Anton Lui, Wally Kirika, Fabian Nulai, Edward Buidal na Henry Ben," Green i tok.

Em i tok ol manki bilong mipela i no longtaim i go pinis i kamap long 10.8 seken long dispela resis. Em i tok long resis bilong ol meri, pait bai stap namel long ol meri Fiji na PNG yet. Em i tok PNG nau i redi gut tru moa long bipo ol tim olsem na ol i redi long kisim Fiji tim we long las sempionsip Fiji i bin wansait long PNG. Ol i winim gut tru PNG. Solomon



• Toea Wisil wanpela bilong PNG etlit husat bai ron. FAIL POTO

Ailan tim tu nau i salim strongpela tim i go long Lae. Long go pas long ol em distens rana Chris Votu husat i bin kamapim 10000 rekot long las sempionsip long

2003. Tasol Green i tok long mekim pilai i luk gut tru tri-taim Olimpian na long distens Saut Pasifik na Fiji sempion Isireli Naikelakelevesi bai stap holim Fiji tim.

"Isireli i bin winim 800m na 1500m dabol long olgeta Saut Pasifik Gems na mini-Gems stat long Tahiti long 1995," Green i tok.

"Nau long taim em i no stap long namba wan mak bilong em tasol kamap bilong em i bikpela samting long ol resis.

Wanpela moa top rana bilong Darwin Peter Tuccandidgee bai kamap long ol 400 mita sprin we long las Osenia Sempionsip long Desemba em i bin mekim gut tru.

Vanuatu bai kamap wantaim 7-pela ol rana, tasol i nogat gutpela save long dispela tim. Ol i nupela tim. Klostu 85 man na 57 etletik meri bai kamap long dispela resis. Nau yet Morobe Gavana Luther Wenge, husat bai kamap olsem ges spika i tok edministresen bilong em bai givim bikpela sapot bilong em long dispela sempionsip.

Yunion i givim tok tenk yu long Nesenel Fleg Keria Air Niugini, Lae Biscuits Kampani, Designer Printing Limited, Coca Cola na Nestle PNG long helpim bilong ol.

Hap Hap Spot

POM Sofbol meri gren fainel

BIKPELA ren long las wik i lukim planti ol pilai i no bin kamap. Dispela i bin wankain long Pot Mosbi sofbol meri gren fainel we i mas kamap long Sarere.

Long dispela as eksekutiv bilong sofbol federesen i surukim ol pilai long las wik i kam long dispela wik Sarere.

Ol pilai bai kamap long wankain daimon na long wankain taim yet.

Lain-ap bilong tupela tim bai stap wankain: Long Gazelle tim em go pas em pitsa Easton Puipui fes bes em Jenny Pilak, bihainim em em Mechtill Raymond na Grace Wanma. Ketsa em Tessie Komek. Ol narapela husat i sambai em tupela susa Maggie na Freda Sam, Julie Ria, Shirley Kaiment, Lydia Veali, Mechtill Tonga Jnr, Pala Manet na Matilda Pondek.

Long ol Bears, pitsa em Maggie Joseph, Terry Akorare, Roberta Kaul, Matilda Moe, Janice Sowni, Antonia Taitai, Delin Bais, Natalie Bart na Joyce Inguba.

AFL PNG Binatang tim

AFL PNG Binatang tim i lusim kantri aste moning na go long Cairns we ol bai i pilai insait long Kwinslen Kantri Sempionsip long Australia.

Binatang tim menesa Joe Maggio i tok em i laik lukim ol Binatang i kisim bek dispela kap em ol i lusim long Australia las yia.

"Mipela i bin winim kap long 2002 tasol i lusim long las yia. Nau long dispela wokabaut mipela i laik kisim bek dispela tropi," Maggio i tok.

Long Cairns tim bai kamapim namba wan pilai bilong em wantaim Townsville long Sarere moning na long apinun ol bai traim strong bilong Darling Doves. Long Sande ol bai pilai wantaim Crusaders na sapos ol i win ol bai kamap long ol fainel long Mande wik antap.

Long Mande dispela wik ol pilai i bin kamap long fainel pilai long Colts Pak, Pot Mosbi we ol selekta i makim fainel skwat.

Fainel 21-memba skwat em Paul Philip (c), John Vincent (vc), David Sioni (dvc), Phelan Chumote, Douglas Banimbi, Jessie Marafi, Oglia Pena, Henry Bayagau, Eugene Tovue, Thomas Dau, Ali Pinda, Ben Kose, Norbert Torato, Phenan Sioni, Sebastine Gawi, Benjamin Pupune, Larry Sam, Eliza Barewol, Charlie Arua, John Kolongo, Desmond Malachum, Ellison Manjamba na Christopher Supru.

Ol lain husat i stap was long pilai em Toruvilla Maraka, Dennis Gaisa, Benjamin Pakyei na Andy Mar.

Ol opisel husat bai wokabaut wantaim em tim menesa Joe Maggio, Rev. Moses Kar tua menesa, Paul Sioni kosa na trena Peter Mongia.

Sauten rijonel soka tonamen

I GAT 7-pela wik i stap yet pastaim long Sauten Rijonel soka tonamen i kamap.

Sampela ol asosiesen i soim laik pinis long kamap long dispela tonamen. Dispela ol asosiesen em Babaka, Gamo, Tabubil, Koiari, Saugava, Kokoda, Boku, Irupara, Makerupu, Karawa, Kamali, EPC, Kupiano, Moregaina, Upulima na Koupa.

Siaman bilong ogenaizing komiti, Scott Vavine i askim ol asosiesen husat i no tokaut long tingting bilong ol long ol i mas givim nem bilong ol pastaim long Mei 31.

Em i tok presiden bilong Pot Mosbi Soka Asosiesen Fabian Chow i givim tok orait pinis long ol i holim ol pilai long hap graun bilong ol long Bisini na helpim wantaim ol teknikal opisel bilong em.

Em i askim ol asosiesen husat i laik kamap long pilai long baim K300 registresen fi bilong ol na dipositim i go long akaun bilong Pot Mosbi Soka Asosiesen ANZ Town (POM) akaun namba 11087515.

Vavine i tok gutpela long ol asosiesen i givim nem bilong ol hariap long wanem dispela i ken helpim ol long redim ol ples na mekim ol dro bipo long ol pilai i kamap.

Narapela samting em asosiesen i makim Memba bilong Abau Dokta Puka Temu olsem petron bilong tonamen.

Temu i no kamap yet long tonamen long kisim dispela luksave bilong em.

**LAE
BISCUITS CO.**



WANTOK Spots

**LAE
BISCUITS CO.**



Golfa laikim sapot

...i mas gat sapot long lokel spot man

Paul Zuvani i raitim

I NOGAT inap lokel sapot long ol lokel golf pilaia long pilai gut egensim ol pilaia bilong narapela kantri, wanpela sinia PNG golf pilaia i tok.

Lukas Bimbo bilong Kabum, Morobe provins na wanpela bilong ol tripela profesinol golf pilai long kantri i tok taim em i lukim olsem planti ol kampani long kantri i givim baksait long sapotim ol gutpela lokel golf pilaia long go moa yet na kamapim ol gutpela pilai.

Wantaim Bimbo olsem profesinol pilaia long kantri em Augustine Peni na David Yere. Dispela ol tripela man tasol i profesinol pilaia we ol bai salens wantaim ol profesinol pilaia bilong narapela kantri olsem Australia husat i stap nau long Pot Mosbi Golf Kos long pilai long 2005 British American Tobacco PNG Golf Open.

"Sevenpela yia nau mi kam pilai long PNG Open tasol mi no bin pilai gut long wanem i gat ol profesinol pilaia bilong narapela kantri husat oltaim i save gat sapot long kamap long ol pilai na pilai gut na win," Bimbo husat i kamap profesinol pilaia long 1998 i tok.

"Mipela i mas kamap long planti ol arapela bikpela pilai ausait long kantri. Dispela i ken helpim mipela long pilai gut.

"Long winim PNG Open mipela i nogat gutpela sans long helpim mipela long lain moa long pilai.

"Insait long kantri wanwan taim mipela i gat sans long kamap long ol bikpela pilai. Dispela long wanem ol bikpela pilai i no save kamap planti.

"Nau mi askim ol koperet bodi long traime givim sapot na sponsorim ol pilaia bilong mipela i go long narapela kantri long strongim wei mipela i save pilai. Mipela i nidim eksposatu.

"Long ol pilaia bilong Australia olgeta de ol i save gat ol pilai long kamap na olsem ol i gat ol sponsa tu. Mipela nogat," em i tok.

Em i tok em i gutpela long lukim ol kampani i sponsorim ol narapela bikpela iven tasol long kam daun na sponsorim wanpela pilaia long em i go long ol pilai dispela em i stap yet lukim.

"Mi no wari long kain pilai olsem Praitim Minista Golf Open o narapela pilai em ol kampani i sponsorim tasol long sponsorim wanpela gutpela golf pilaia mi ting dispela em i gutpela tu long yumi mas lukim," Bimbo i tok.

Long dispela Golf Open i gat 32 profesinol pilaia husat i kam long narapela kantri na 20 pilaia long kantri yet. Ol amata na profesinol pilaia bai pilai wantaim.



✱ Tripela PNG profesinol golf pilaia David Yere (lephan), Lukas Bimbo na Augustine Peni. Dispela tripela bai salens wantaim ol profesinol pilaia bilong narapela kantri long 2005 PNG Open.

Poto: PAUL ZUVANI.

Dispela em i 72 iven we pilai bai stat nau na pinis long Sande.

Las yia wina em man Australia Troy Kennedy husat i wanpela profesinol pilaia. Em i kamap gen long difenim taitol bilong em. Long salensim em long dispela taim em narapela profesinol pilaia bilong Australia Eddie Barr. Lokel profesinol pilaia Augustine Peni bai traime bun gen wantaim ol.

Las yia Peni i kamap namba 12 ples na Barr i kamap namba 6 ples. Na Bimbo na Yere bilong mipela i kamap 22


na 29 ples namel long ol 31 profesinol husat i kamap long pilai. Nau ol bai traime gen.

Man husat i winim dispela tonamen bai kisim totel prais olsem K100,000 (AUD\$40,000). Na long mani stret wina bai kisim olsem K30,000.

Long sponsa bilong dispela tonamen British America Tobacco dispela em i namba siks yia bilong ol long go insait long sponsorim pilai.

Mother's Day
Brian Bell
at *Shop with a friend* **EB**

**WINIM
HOME
APPLIANCE
PACKAGE
BILONG MAMA!**



**BAIM SAMTING LONG OLGETA BRIAN BELL STOA
NA KISIM SANS IGO LONG DRO BILONG
WINIM GUTPELA PRAIS BILONG MAMA!**



**TRAMONTINA
PACKAGE**

**NA
PLANTI
CONSOLATION
PRAIS!**

